

# *Ni TEA U BEBIWA HAFHU*

Matsheloni a duvha la u thoma la ñwaha, kha tshumelo ya Murena. Huno Mukomana Neville na nne ro vha ri tshi khou lingedza u kuvhangana, huno ro vha ri tshi khou ralo, ri tshi amba, zwine ra do ita. Ndo vha ndi tshi khou lingedza u mu ita uri a swike hafha nthā huno a rere matsheloni ano nga ha vho inwi nothe, huno i ri ni ndi vhe nazwo madekwana a namusi, ngauralo zwo itela u ḥoka midzi, ndi na zwo zwethe haya matsheloni na madekwana u zwi ita. Ngauralo, ndi murengisi wavhuđi. Huno ngauralo phanda ha musi ri tshi vha na... u thoma kiłasi, ndo mu vhudza urī ri do tou vha na kiłasi, vhunga ho vha hu si na vhanzhisa vhashu fhano matsheloni ano, huno u tou vha na kiłasi. Ndi sa athu ita izwi, ndi ḫo takalela u ita ndivhadzo ḥukhu. Ndi na...

<sup>2</sup> Ri na vhaiwe vhatu vhe vha da fhano vha tshi bva New York, u dziilela na riñe. Ndi dzhia uri na khathihi a tho ngo tangana na vhatu. Mukomana Neville o ri u kha di bva u amba nga hazwo. Madekwe ndo pfa uri vho vha vhe na... tshigarikana tshavho tsho fara mulilo huno wa tshinyadza tshigariki tshavho. Nda ya nnđa u vhona vhatu, huno zwa vphonala zwi zwavhudí, vhatu vhavhudí vha Vhakriste. Huno vhone, vha nga vhatu vha shayaho, vhunga riñe rothe, na Mukomana Woods na vhavhili kana vhararu vhashu ro vha ri tshi khou yo kuvhangana huno ri vhone arali ri tshi nga si vha rengele inwe gariki. Huno vho vha vhe vhavhudí nga maanđa nahone vha ri vhone... ndindakhombo ye vha vha vhe nayo, vho vha vhe na vhukondi huno vho do tea u litsha ndindakhombo. Fhedzi, naho zwo ralo, mushumeli o badela pholisi ya ndindakhombo, kana, huno vha na—vha wana ndindakhombo yavho murahu u itela tshigarikana tshavho, zwine zwa do kona u bvisa inwe gariki hafhu. Vha ḫo zwi ñivha izwo, ndi a elekanya, nga Musumbuluwo kana Lavhuvhili, kana tshiñwe tshithu tsho raloho, kana Lavhuvhili, ndi tenda uri lo ralo. Huno ngauralo ri ḫoda u—u kovha mathupho avho, u ita tshiñwe na tshiñwe tshine ra kona u—u vha thusa, u vha tendela u ñivha uri riñe—riñe ri vhakomana na dzikhaldzi kha Kristo Yesu, huno ri a pfelana. Huno—huno ndi elekanya uri muñwe na muñwe u ḫoda u pfa nga iyo ndila, kha thuso ḥukhu khavho nga tshino tshifhinga. Zwo bva nnđa ha ndila yo ḫoweleaho zwiñuku, ndi a elekanya, na khathihi a tho ngo dzhia munikelo vhatshiloni hanga, huno ndi—nne ndi khou yo tendela Mukomana Neville u zwi ita. Izwo—izwo zwo vha zwi tshi khou li kuda, naa lo vha li si lone? Zwo luga. Ndi a ni livhuwa, Mukomana Ben. U tou vha muñwe muthu, mini, tshiñwe tshithu tshiñuku tshine na vha natsho tshine ni nga vha fha, ndi na vhuñanzi uri zwi nga takalelwa.

Mukomana Neville, idani hafha. A thi ɖivhi uri ndi nga ita hani. Itanu ita zweṭhe zwine na elekanya.

[Mukomana Neville u ri, “Ndi a ni livhuwa, Mukomana Branham. Huno ndi a diphina nga u ita tshinwe tshithu nga iyi ndila, ngauri ndi itsi tshi no ri thusa u vha vha fanaho na Kristo lwo engedzeaho na lwa maya. Tshinwe tshifhinga vhatu vha ri, ‘Ndi ṭoda ni tshi nthabelela uri ndi vhe Mukriste wa khwine.’ Zwo luga, ndi . . . ndo no ni rabelela, zwino ndi khou ya u ni sumbedza uri ni nga vha hani muñwe. Amen. Ndi yone ndila ya u zwi ita, huno na vula zwitibo zwanu zwa u pfela vhuṭungu. Huno ndi a zwi ɖivha hezwo, Mukomana Elliott, ha humbeli u pfelwa vhuṭungu nga n̄thani hazwo, fhedzi ndi munna o holefhalaho, huno ngauralo . . . huno zwo bva nnda ha mushumo. Ngauralo ri do tou, matsheloni ano, u vula mbilu dzashu huno ra thusa havha vhatu. (Ndi a tenda, kheyi ndishi ya munikelo, *hafha*. Ee.)—Mudz.]

[“Khotsi wa Tađulu, matsheloni ano, ri sedza kha Iwe, musi ri tshi ḥanganedza itsi; ri tshi di dzhiela nzhele, nga ndila ye Wa ri fhaṭutsedza riñe rothe, huno wa ri fha iyi ndaka ya zwithu zwa matheriala zwine zwa ṭodea kha mbuelo yashu, na kha vhatshilo. Kha Iwe riñe, ano matsheloni, ri ḥetshedza hezwi zwine ra bveledza sa tshipida tshiṭuku tsha u pfela vhuṭungu hashu. Khathutshelo Yau ndi khulwane!”] Ee. [“Fhedzi, Murena, ri a zwi livhuwa arali ra nga tou vha na u pfela vhuṭungu huṭuku, vhunga Iwe wo ri pfela vhuṭungu nga maanda. Hafha ndi avha vhatshelo vhatshelo vhatshelo! Huno ndi khulwane!”] Amen.

[Vhakomana vha dzhia miniti i no ṭodou swika miña u khunyeledza munikelo, u ḥanganedza munikelo wa tshihidzo u itela muṭa wa Elliott, musi mulidzi a tshi khou tamba nyimbo nnzhi.]

<sup>3</sup> Nda elekanya, khamusi, musi vho vha vha tshi khou ita hezwo, zwi do nea tshikhalyana u topola tshinwe tshithu tsha u amba nga hatsho matsheloni ano, kha mañwe mañwalwa a kale na zwithu zwe nda zwi nwala nga tshipida tsha bammbiri. Ndi humbulela uri vhareri vhoṭhe vha a ita hezwo. Naa dzina la avha vhatu ndi liphio, zwino, ngauri tshigarikana tsho swa? [Mukomana Neville u ri, “Elliot.”—Mudz.] Elliot. Naa Mukomana na Khaladzi Elliot na murwa wavho vha fhano tshifhaṭoni matsheloni ano? Arali vhe hone, arali ni tshi do tou takalela u ima, huno na ri, itonu amba zwinzhi sa “Ri a ni livhuwa nga n̄thani ha . . .” kha vhatu, mulandu, zwo luga. Ni na fhungo ɻine na khou ṭoda u amba, Mukomana Elliot kana Khaladzi Elliot, kha vhatu? [Mukomana Elliot u bula ndivhuwo dzavho.] Mudzimu a ni fhaṭutshedze,

Mukomana Elliott. Izwo ndi zwavhuđi nga maanda. Ndi a ni livhuwa. Mudzimu a vhe na inwi, inwi na Khaladzi Elliott na murwa waňu.

<sup>4</sup> Vhatu avha vha bva New York. A tho ngo zwi divha uri vho vha vhe fhano. Vha ri ndo vha ndi tshi do vha navho kha muvhudzisano, kana nda rabela navho kana tshiňwe tshithu, nga tshiňwe tshifhinga. A tho ngo vha divha u swika ndi tshi tangana navho mulovha, huno nda vha wana vhe Vhakriste vhavhuđi, vhatu vhavhuđi nga maanda. Huno vha dzula ngei nňha New York, ngei nňha kha Hudson River Valley huňwe fhethu, huno khamusi nga theiphi kana tshiňwe tshithu vho tenda Mulaedza, huno vha rengisa, vha dzhena ngomu, vha tshi khou tou nea vhutshilo havho na zwifhinga kha Kristo. Huno ri ḥoda inwi ni tshi divha uri ili ndi liambele lițuku lăshu, Mukomana na Khaladzi Elliott, uri ri ḥdziilela, na riňe-vho. "Ri vhafhiri na vhatsinda shangoni lino. Ri khou ḥoda mudi une Mufhaći na Muiti wawo a vha Mudzimu." Huno musi mashudu mavhi a tshi ni wela kha hezwi zwithu, nga diabolo a tshi lingedza u ni fhisela nnđa na u ni tshuwisela kule, ri na inwi phesente dla dana, u ima murahu hanu kha tshiňwe na tshiňwe tshine ra kona u ita u ni thusa murahu milenzheni yaňu hafhu. Takuwani nga Dzina la Murena Yesu huno ni bvele phanđa na u matsha. Ni songo-ni songo wela fhasi, hai. "Manzhi ndi mařhupho a vhavhuya, fhedzi Mudzimu u ri phulusa khao othe." Huno ngauralo ri-ri a divha uri ri lavhelela izwi zwithu zwi tshi bvelela, fhedzi ri a zwi divha uri na riňe ri sedza kha Mutshidzi washu A re a fhiraho mukundi, riňe ri, Khae We a ri rengulula.

<sup>5</sup> Zwino, namusi ndi ḫuvha lo ḫalah, huno matsheloni ano ndo vha ndi tshi khou elekanya heneffho, Ndo tou elekanya uri ndi do funza lwa tshifhinganyana kha kilasi ya tshikolo tsha Swondaha. Vhunga, nda zwi ita kiļasi ya tshikolo tsha Swondaha ngazwo matsheloni ano. Huno madekwana a ḫamusi nga hafu u bva kha awara ya sumbe, ndi ḥoda u ralo, arali hu lufuno lwa Mudzimu, u disa wanga-wanga Mulaedza wa Nwaha Muswa, sa Swondaha yo fhiraho kana vhusiku ha Swondaha ndo disa Mulaedza wanga wa Khushumusi. Huno madekwana a ḫamusi ndi do disa Mulaedza wanga wa Nwaha Muswa nga hafu u bva kha awara ya sumbe, Murena a tshi funa. Mukomana Neville u do vha na mulaedza wawe wa Nwaha Muswa, huno ndi vhona Mukomana Stricker nga hafha na Mukomana Collins, huno, oo, vhaňwe vhashumeli u mona hoře, na Mukomana Palmer u hafha nňha na riňe, u bva Georgia, na-na vhaňwe vho fhambanaho u mona. Ndi vhashumeli, ni do vha ni tshi khou pfa zwi bvaho khavho madekwana a ḫamusi.

<sup>6</sup> Zwenezwo nda vhidza Mukomana Neville mulovha, na kha tshiňwe tshithu tshe tsha kwama mbilu yanga, ndi tshi vhona uri uyu ndi wa Nwaha Muswa, nahone ndi tsha u thoma, vhunga Swondaha ya u thoma, mulandu hu si, madekwana a

namusi, vhudzuloni ha u vha na rali khulwane na u tzhema na u bvela phanda sa zwine shango lothe la ita, kha ri dzhie tshilalelo vhusikukati. Ni a vhona? Ni a vhona, shumelani Murena. Mukomana Neville a tenda uri o elekanya uri zwi do vha two tea nga maanda. Huno madekwana a namusi, Murena vha tshi funa, ndi do vha ndi khou nekedza tshilalelo nga awara ya fumimbili nthā ha tshithoma madekwana a namusi. Huno ri do thoma Nwaha Muswa, hu si nga u huwelela na u bvela phanda, zwine two luga arali vha tshi ṭoda u ita izwo, fhedzi kha ri tou zwi ita uri zwi vhe zwikhethwa na u fulufhedzea lwo engedzeaho, huno kha ri sendele uyu nwaha nga ndila ya vhufulufhedzei kha Kristo, ri tshi nea zweithe zwine ra vha nazwo, na khumbelo yashu. Hu si u vula siaṭari liswa kana tshiñwe tshithu tshi no nga tshenetsho, u thoma nwaha muswa, a ri tendi kha izwo zwithu. Inwi ni rembulusela fhedzi siaṭari liswa u-u li thuthubisa ḍuvha li tevhelaho, ngauralo kha ri tou humisela vhuṭhilo hashu Khae, huno vha dzhia tshilalelo madekwana a namusi vhusikukati. Huno ndi a tenda uri ulwo ndi lwa u thoma lwe nda vhuya nda lu elelwa, tshee nda vha mushumeli, wa u vhuya nda zwi ita. Ni a zwi elelwa, Mukomana Neville? Fhedzi tshiñwe tshithu tshiswa tshashu zwino, huno a zwi ngo ḍoweleya uri Nwaha Muswa u de nga heyi ndila, ni a ḍivha, ngauralo fhedzi—fhedzi o nkwama, huno nda elekanya uri zwi do vha zwi tshi kwama.

<sup>7</sup> Ndi a kholwa zwenezwo hezwi zwi do vha tshifhinga tsha u fhedzisela ndi do kona u amba na vho inwi lwa tshifhinga zwino, u dzhena kha Nwaha Muswa, u dzhena nn̄da midavhini, kha tshumelo ya Murena. Ndi do vha ndi tshi khou ṭuwa vhege i daho, kana la u thoma la vhege i tevhelaho, ngei Phoenix, lwa ya fuṭhanu, miṭangano ya fumirathi thwii, nga kha miedzi yothe, na nga nthā Sunny Slopes na Scottsdale, na u mona hothe nn̄da nga kha magovha heneffo. Huno zwenezwo ri na Muṭangano wa Vhanna vha Bindu une wa da heneffo, ine ya vha khuvhangano ya mađuvha matanu magumoni a iyi miṭangano yothe. Vho vhekanya uri ndi kone u amba na dinomineisheni dzothe, tshiñwe na tshiñwe tsha zwivhidzo zwavho nga kha vhupo hothe ha meṭiropolitheni ha Maricopa Valley ngei Phoenix. Huno vha thoma nga la vhfumīṭhanu. Ngauralo ndi do ṭuwa hafha nga murahu ha mađuvha a no ṭodou swika fumi phanda, u itela... Hu na khonadzeo ya uri ndi ime uri ndi vhone khonani yanga yavhuđi, Mukomana Moore, huno na vhunzhi ha vhañwe vha tshi khou tsa fhasi. Zwenezwo hu do vha hu tshi khou wa mahada u mona, na zwiñwe zwinzhi, huno ra ṭuwa nga tshifhinga. Huno zwenezwo ndi... vhunzhi ha vho inwi vhatthu ni vhashumeli.

<sup>8</sup> Huno Mukomana Roy Borders, arali a fhano ano matsheloni, kanzhi u vhulunga miṭangano nga oda vhunga vha tshi vhidza miṭangano. Huno nga kha heyi holidei ya Khushumusi, zwo ralo, ndi dzulela u ita mbekanyo ya nwaha u tevhelaho, fhedzi

uno nwaha nga iñwe ndila ndo pfa ndi sa khou ita hezwo. Ndi pfa uri ndi ño ya huno nda vha na muñangano muthihi, huno zwenezwo hune A nnyisa kha muñangano u tevhelaho une nda ño bva khawo. Huno zwenezwo u bva kha mutangano u tevhelaho, huiwe na huiwe hune ha vha hone, itonu tuwa musi A tshi nthanga phanda.

<sup>9</sup> Huno ndi tshi khou sedza zwino uri tshinwe tshithu tshi iteye kha uyu nwaha. Huno mabono manzhi o vha a tshi khou da kha nne zwa zwenezwino. Nga mañwe matsheloni iñwe khulwane hafhu na zwezhe zwi re na vhushaka nahone zwi tshi vhonala sa tshinwe tshithu tshihulwane tshi no khou tqodou bvelela. Ngauralo ndi dzulela u Mu fulufhela. Vhanwe vhavho a thi vhuyinda vha pfectesesa. Huno a ri pfectesesi mabono, a tou nga zwiga huno a ri zwi pfectesesi tshinwe tshifhinga kokotolo, fhedzi ri a zwi divhauri ndi ngoho, naho zwe ralo. Ngauralo, zwi do khunyelela. Ndi a zwi nwala phasi.

<sup>10</sup> Huno ngauralo ndi a tenda uri zwo divhadzwa hafhu, kana zwine zwa tea u vha zwone, uri bodo ya vhalangandaka na bodo ya madikoni i do tangana fhano thaberenakeleni vhothe, kha mu tangano wa nyangaredzo, madekwana a matshelo nga nga iri ya sumbe. Zwino irani ndi divhadze izwo hafhu uri arali madikoni, hu nwe na hu nwe hune vha vha hone, arali vha kha lu nwe lufhera vha nga pfa kha khudzaipfi thukhu, uri vhusiku ha matshelo nga iri ya vhusumbe nthia ha tshithoma, vhothe vhafunzi—vhothe mufunzi, bodo ya madikoni na vhalangandaka, Ndo tou vhudzwa zwikhathinyana zwi si gathi zwo fhiraho uri vho vha vha tshi tea u tangana vhusiku ha matshelo. Huno Murathu Neville u toda u vhone bodo yawe ya madikoni nahone a amba navho, huno vhalangandaka vha na tshifhinga tshawho tsha mu tangano wo doweleaho, huno ngauralo vha do tangana vhusiku ha matshelo.

<sup>11</sup> Zwino, matsheloni ano, ri sa athu sendela kha Ipfi, zwino, oo, ri songo dzhaya nga ha tshiñwe tshithu. Ni na duvha lothe namusi, huno madekwana a namusi na matshelo, kha ri tou dzhia tshifhinga tshashu nahone—nahone ri sa gidime kha hezwi zwithu. A hu na zwiñwe, ndi a ñivha uri vhatu vha a neta kana u fhela nungo huno, kana, vha ñoda u ya hayani, inwi ni a ñivha, u itela yavho... ñavhanya, vha na tshiswiñulo tshavho, huno munna wavho o zwi lindela. Mulandu, zwenezwo, izwo zwo—izwo zwo luga, itonu nengela nnnda no dzika. Huno—huno—huno vhañwe vhoñhe vha ñoda u dzula, zwo luga. Huno a ri.... A ni tei u shuma matshelo, zwino, huno ngauralo ri tou dzhia tshifhinga tshashu. Huno ndi ngazwo ndo elekanya madzuloni a u rera lwa awara dzi no ñodou swika tharu kana nna, Ndi do dzhia awara dza malo kana fumi kha pfunzo. Ni a vhona? [Mukomana Branham na tshiyhidzo vha a sea—Mudz.]

<sup>12</sup> Avho vhatu vhothe vha bvaho Georgia na Alabama vho nnyita uri ndi pfe ndi muhulwane nga maanda vhuñwe vhusiku.

Ndi a tenda ndo vha ndi nn̄da ofisini, huno vhothe vho vha vhe si tsheeho nga nn̄da ha Billy, huno o ri... Mukomana West na vhañwe, vhane vha vha vhavhudī nga maandā khonani dzi fulufhedzeaho, a thi vha vholi fhano, fhedzi ndi dzhia uri vha hafha, a vhidzelela huno a ri, "Zwo luga, naa Mukomana Branham u khou yo vha na Tshikolo tsha Swondaha, nga matsheloni a Swondaha?" Huno hu khou rothola nga maanda ngei Louisville, mafhungo o ria khou thivha magondo ngomu na nn̄da, nahone u suvha dzibadani.

<sup>13</sup> Billy a ri, "Zwo luga, ndi khonadzeo," ha pfi, "u tsela henengei phasi." Ha pfi, "Khamusi Mukomana Neville kana ene, muñwe."

<sup>14</sup> Ha pfi, "Zwo luga, izwo zwi a konadzea ndi zwavhudī lwo edanaho, hafha ri a da!" Nđilani yothe u bva ngei phasi kha Alabama, na nga n̄tha ha dzibada dzi suvhaho, huno a—a tho ngo fanela u vha na dzikhonani dzo raloho. Zwino, izwo ndi ngoho. A—a tho ngo fanela u vha na dzikhonani dzi ngaho idzo. Hu na tshiñwe tshithu nga hazwo. Huno ndi tou vhenga u divhadza muñgano, nda ñivha uri ndi na vhatu vha no tenda Mulaedza, huno—huno iðani, huno—huno vha a mpfuna.

<sup>15</sup> Huno ndo—ndo dzulela u t̄oda u funiwa. Musi ndo vha ndi mutukana muñku ndo vha ndi sa funiwi nga muthu. A hu na we a n̄toda. Ndo vha ndi hafha Indiana, ndo bebwā ngei Kentucky, ngauralo ndo vha ndi mukuyi wa mavhele kha havha vhana hafha. Muñani, vhatukana vhothe, nga maandā, vho dahanahone vha nwa na tshiñwe na tshiñwe, fhedzi nne. Huno ndo vha—vha ndi lilañwa kha muñ, na lilañwa tshikoloni, huno mushumoni ndo vha ndi lilañwa, huno huiñwe na huñwe he nda ya ndo vha ndi mulañwa. Huno zwenezwo mafhedziselonī musi ndi tshi wana Muñwe muthu we a mpfuna zwa vhukuma, Yesu, huno A ri, "Ndi do u neya vhokhotsi na vhomme, vharathu, dzikhaladzi, na dzikhonani."

<sup>16</sup> Huno tshithu tshi songo dowelelaho ndi nga ndila ine tshilidzi Tshawe u nekedza ha vhuñali hae, nga ndila ine A shuma zwithu kha Ýawe, nn̄da. Zwi vhonala u nga lufuno lu na tshipi tshi seisaho khalwo; hu si vhudipfi, fhedzi wone—wone muvinyuwo. Huno zwenezwo ndi sedza nn̄da vhukati ha vhatu, vhunga O mmbidza uri ndi mulanda Wawe, huno ndi a sedza nn̄da vhukati ha vhatu huno nda vhona tshivhi tshi tshi kokovhela ngomu, zwenezwo ndi tea u tou kherukanya ngomu heneñho nga zwothe zwi re kha nñe, ni a vhona, u tshi kherukanya. Huno izwo zwi zwi ita uri zwi vhonale nga ndila i kondaho kha... kha ndila yanga ya u sedza, mulandu, u amba izwo zwithu. Fhedzi, naho zwo ralo, phasi-phasi, lufuno lwa ngoho lu gidima nga u ralo. Ni a vhona, lufuno lwa vhukuma.

<sup>17</sup> Zwino, arali mutukana wañu muñku kana musidzana muñku o vha a tshi khou tamba tshiñarañani hune goloi dza

khou gidima, huno no zwi ḋivha uri hu si kale kana nga murahu vha khou yo vhaisala. Zwino, arali a tshi ri, “Malandu, Baba, ndi ṭodou vha ngeno nn̄da,” naa ni do ri, “Mbili yanu ṭhukhu kha i ḡhaṭutshedzeye, Junior, itanu bvela phanda na u tamba tshiṭaraṭani”? Uyo a si khotsi wa vhukuma. Arali ni tshi tea u dzinginyisa uyo muthu na mu vhanda, na mu sema, na mu vhofha, tshiñwe na tshiñwe-vho, na mu bvisa kha tshiṭaraṭa, u do vhulawa. Naa izwo ndi zwone? Zwo luga, iyo ndi ndila ine na tea u ita nga Mafhungo-madifha. Ni tea u khadana na u sukumedza, huno—huno—huno na lingedza u ita tshiñwe na tshiñwe tshine na kona u vhulunga vhathu ndilani. Zwino, ndi a fulufhela muñwe na muñwe u pfesesa nga iyo ndila. Ndi—ndi khou tou fulufhela uri liñwe ḋuvha hafha nga murahu ha musi zwe no fhela huno zwenezwo musi lupila lu tshi bviswa phanda ha tshifhaṭuwo thashu, ri do pfesesa-ha.

<sup>18</sup> Mukomana Way, ndi...iyo Bivhili yavhuḍi ye inwi na Khaladzi Way na nñea u itela tshifhiwa tsha Khushumusi, izwo zwi khou tou yo vha tshithu tshavhuḍi u vhulunga notsi dzanga ngomu vhudzuloni ha bugu i no nga iyi, musi ndi tshi wana tshikhala tsha u zwi fanyisa. A thi ṭodi u ñwala, ngauri ndi nga si kone u ñwala muñwalo wanga, huno nnyi na nnyi-vho u do zwi ita hani? Ndo vha vhudza uri ndi na muñwalotshikhau woṭhe wa nñe muñe. Huno ndi tea u zwi guda nñe muñe u vhona zwe nda amba. Huno ndi—ndi zwi wana zwo thaiphiwa liñwe ḋuvha. Ndi Bivhili ya masiaṭari a litshedzaho, hune ni nga tou dzhia vhunga hafha. Ndi na mañwalwa mavhili hafha matsheloni ano, mafhethu mavhili ane nda ṭodou vhala khao. Huno kha iyi Bivhili ye a nñea, inwi ni i kokodze nga ndila *heyi*, huno ni nga dzhia siaṭari lithihi u bva kha Genesi, Nzumbululo, huñwe na huñwe, huno vha zwi vhea fhetu huthihi, huno vha zwi vhala nga u ralo, ni a vhona. Huno zwenezwo fhetu huṭuku murahu hafha nga murahu na ludzi, ni nga tou humela murahu khaho, kha Mañwalo oṭhe o ñwalwaho fhasi nga ha uyo mulaedza na zwithu. Ndi zwavhuḍi. Ngauralo ndi a fulufhela uri ndi do thusa u wina mimuya minzhi kha Kristo ngayo.

<sup>19</sup> Mudzimu a ḡhaṭutshedze muñwe na muñwe wañu. Ndi ṭodou amba hafhu u itela mpho yavhuḍi ya Khushumusi ye muñwe na muñwe a nñea yone. Tshividzo tshi nñea suthu ntswa, oo, nga ndila ine nda zwi takalela! Huno ndi na suthu mbili ntswa dla Khushumusi. Mukomana wanga, tshividzo tshiṭuku ngei Macon, Georgia, fhasi henengei, Mukomana Palmer, o nthumela suthu ntswa. Huno thaberenakele i nñea swuthu ntswa, huno hu na zwithu zwinzhi nga maanda zwavhuḍi zwine zwa newa, na—na zwifhiwa zwa Khushumusi kha sia la tshelede. Zwine, mbumbano ya muthelo i mbudza uri arali hu tshifhiwa tsha Khushumusi huno yo ñwala “mpho ya Khushumusi” kana yone “Mpho ya ḋuvha ḥa mabebo,” tshiñwe na tshiñwe, ni nga zwi ḫanganedza; zwa sa ralo ndi tea u...zwi—zwi ya kha mushumo,

zwine zwe luga. Huno ndi a livhuwa muñwe na muñwe wa vhoinwi, mufumakadzi na nne, na vhana, huno riñe roþhe ri bula ndivhuwo dzashu kha muñwe na muñwe, muñwe na muñwe wanu, zwavhuði nga maanda. Ri tama ro vha ri tshi nga humela murahu huno ra ñea muñwe na muñwe wanu tshifhiwa murahu, fhedzi ni tou vha ni si nga zwi iti izwo, ni a ðivha, inwi ni tou... Nne-nne, ndo–ndo vha ndi nga si kone u ita hezwo. Ndi tama ndo vha ndi tshi nga kona, fhedzi ndo–ndo vha ndi sa koni. Ndi na vhutanzi uri ni a pfectesa. Huno ndi a zwi ðivha uri uvho ndi vhudippi ha mukomana wanga wa vhuthogwa o dzulaho hafha, na ene-vho. Ri tou pfa vhatu vha tshi ri funa nga u ralo, ri a vha livhuwa.

<sup>20</sup> Zwino, kha ri kotamise zwifhaþuwo zwashu u itela thabelo, huno ri qilugisele, ngauri ri thome Mulaedza matsheloni ano.

Ngomu Vhuhoneni ha Mudzimu a tshilaho ri da zwino, ro dzivhuluwa, na nga nyofho Dzawe, ri da nga Dzina la Murena Yesu, ri tshi ðivha uri a ro ngo kona u da huno ra ri, "Zwino, Khotsi, ngoyu William Branham, kana, Orman Neville," kana ane ri nga vha ene, ri do landulwa nga u þavhanya. Fhedzi ri na vhutanzi ha uri O ri, "Arali na humbela Khotsi tshinwe tshithu nga Dzina Łanga, tshi do netshedzwa." Ngauralo a thi humbuleli uri ndi nga wana, u shumisa dzina łanga, tshinwe na tshinwe Khae. Fhedzi ndi a zwi ðivha uri musi ndi tshi shumisa Dzina la Murwa Wawe, zwenezwo ndi wana khumbelo yanga, ngauri ndi Khae ane nda themba. Ndi Khae hune ra tshila huno ra vha vho fhelelaho. Huno ri a livhuwa matsheloni ano, Mudzimu, nga zweþhe zwine A amba kha riñe, huno uvho ndi vhutshilo hashu ho vuledzeaho na u vha hone.

<sup>21</sup> Ndi a U livhuwa nga hetshi tshivhidzo tshiþuku, nga mufunzi watsho, na vhalangandaka na madikoni, mirado yothe. Huno ndi livhuwa Muya Mukhethwa u no vha lavhelesa. Ngavhe uyo Muya Mukhethwa muhulwane u tshi isa phanda na u vha ranga phanda huno wa vha endedza ndilani dzine A do vha nadzo vha tshi dzhena. U vhala kha Dzithestamente, Ndala na Ntswa, na kha *Tshikhathi tsha Nicaea*, na uri hani musi vhulwadze vhu tshi rwa vhukati ha vhakhethwa, tshone tshivhidzo tshoþhe tsho dzhena, nga mbilu nthihi vho vhidza kha Mudzimu, huno khumbelo dzavho dza pfiwa. Muñwe na muñwe wavho sa mirado ya Muvhili wa Kristo, a tshi didzima nahone a tshi rabela, huno Mudzimu a pfa nahone a fhindula thabelo. Khotsi, ngavhe itshi tshivhidzo tshiþuku tshi tshi vha tsho vhoxwaho nga maanda kha mbofho dza lufuno kha muñwe na muñwe na Muya Mukhethwa, u swika vha tshi nga sa muñwe avho, uri hu si vhe na khudano vhukati hashu kha hoyu ñwaha u daho. Ngavhe hu tshi tou vha na lufuno lu ofhaho Mudzimu lwo raloho, huno muñwe na muñwe a no khou tshimbila ndilani ya Kristo, u swika vhafhiri vhanzhi vha no neta ndilani vha tshi da huno vha tshidzwa. Ngavhe zwi tshi ambiwa uri musi ni tshi dzhena mahothi a

tshifhaṭo tshiṭuku, uri Vhuhone ha Mudzimu vhu ṭangana na inwi nga u ṭanganedzwa havhuđi. Bvisa vhulwadze vhukati hashu, Murena.

<sup>22</sup> Huno ri a livhuwa uri ri na mbilu dzi re na ndala dza u pfa Ipfi Lau. Isa phanda na u fha ndala mbilu dzashu u itela Iwe, Murena. Vhunga Dafita wa kale o ri, “Sa tholo i tshi ṭulutshelwa mulambwana wa mađi, muya wanga u na ḥora Lau.” Ndi tshi elekanya nga ha tholo ḥukhu, tholo sa zwe ra vha ri tshi ḥo i vhidza zwone ḥamusi, ye ya lumiwa nga maṭarelo a ḥaka, huno i tshi khou nzuruma. I khou xelelwa nga vhutshilo hayo, huno i tea u wana mađi arali i tshi lavhelela u tshila. Musi i tshi wana mađi, vhutshilo hayo vhu a vusuludzwa. Ngavhe ri tshi vha na ilo ḥora, Murena, uri ri fanela u vha na Kristo arali ra tshila, ri fanela u vha na Kristo arali ra vha Tshihidzo tshire ra khou tshi humbelia. Arali ra tshila vhutshilo vhune ra khou ḥoda u vhu tshila, ri tea u vha na Kristo kana ri ḥo fa.

<sup>23</sup> Zwino musi ri tshi vula Ipfi Lau matsheloni ano, u wana khuthadzo na zwiṭepisi zwa u ratha, u ri disa tsini-tsini Nae, Ndi a rabela, Khotsi, uri Muja Mukhethwa u ḥo ri vulela Ipfi, uri riñe, Murena, sa whalandia Vhau, ri ḥo shomedzwa nga maanda u livhana na ḥwaha muswa. Ngauri ri zwi humbelia nga Dzina la Yesu Kristo. Amen.

<sup>24</sup> Zwino, ndi tshi elekanya matsheloni ano uri kha theo ya u vha ḥwaha muswa, Ndo elekanya uri zwi ḥo vha zwavhuđi khamusi zwauri ndi ḥo vhetshela thungo Mulaedza wa ḥwaha Muswa u swika madekwana a ḥamusi, huno ra humela murahu hafha kha mañwe Mañwalo a tshikolo tsha Swondaha, huno nda dzhia linwalwa la u amba nga ḥalo lwa tshikhathinyana, kha inwe ya ḥoho dza ndeme nga maandesa dzine nda dzi ḥivha Bivhilini. Ndi Pfunzo ye Murena washu a thoma u funza, Pfunzo ya u thoma ye Yesu a rera, huno ndi a kholwa zwi ḥo vha zwavhuđi u zwi ita pfunzo ya ḥwaha washu wa u thoma.

<sup>25</sup> Zwino, naa hu a rotholela muñwe wa vhoiñwi, imisani tshanda tshanu, ni pfa no dzika zwavhuđi? Ndo elekanya uri ndo zwi pfa hafha n̄tha. Dok, huñwe na huñwe hune na vha, engedzani fene n̄tha zwiṭuku, ngauri ndi a i pfa hafha i tshi vhudzula u mona. Ndi a zwi ḥivha uri no livha henengei nn̄da, vhañwe vha vhoiñwi vhathu, nga maandesa na vhana.

<sup>26</sup> Zwino kha ri vule kha Bivhili dzashu ano matsheloni, kha Vhaefesa, ndima ya vhu4 ya Vhaefesa, huno kha ri thome u vhalia nga ya vhu11, ndimana ya vhu11 ya ndima ya vhu4 ya Vhaefesa. Huno zwenezwo ri khou yo u vula u bva heneffo, u bva heneffo, u ya kha Yohane 3:1-12, huno ra vhalia mafhethu mavhili Luñwaloni. Ndi tshi vhalia zwino u bva kha ndima ya vhu4 ya Vhaefesa, na ndimana ya vhu11, ri tshi thoma:

*Huno a nea vhañwe, vhaapostola; huno vhañwe, vhaporofita;...vhañwe, vhaevangeli; na vhañwe, vhafunzi na vhadededzi;*

*U itela u khunyeledzwa ha vhakhethwa, u itela mushumo wa vhushumeli, u itela u khwañhisa ha muvhili wa Kristo:*

*U swika roþhe ri tshi dzheni kha...vhuthihi ha lutendo, na ha ndivho ya Murwa wa Mudzimu, kha who khunyelelaho...munna o sfelelaho, kha muelo wa tshiimo tsha u khunyelela ha Kristo:*

*Uri ri sa tsha vha vhana, u dzunguluwa na u thamukana, na u tendelekiswa nga muya muñwe na muñwe wa pfunzo, nga vhugali-gali ha muthu, na vhukwila ha u fhuredzela, hune ngaho vha a zwifha na u lindela kha u fhura;*

*Fhedzi u amba ngoho nga lufuno, u aluwa ngomu khae kha zwithu zwoþhe, ane a vha þhoho, na Kristo:*

*Ane khae muvhili woþhe wo tumana woþhe nahone wa khwañhiswa nga zwiné muraðo muñwe na muñwe wa nekedza, u ya nga u shuma zwi bvaho kha muelo wa muraðo muñwe na muñwe, u khwañhisa muvhili kha u divusudza nga lufuno.*

<sup>27</sup> Zwino, ndo vhala izwo uri zwi ni ñeye tshinwe tshithu tsha u guda nga murahu ha musi no swika hayani. Zwino ndi do vhala linwalwa langa kha Yohane 3, Luñwalo lwo doweleahao:

*Huno ho vha hu na munna wa Vhafarisei, a no pfi Nikodemo, muvhusi wa Vhayuda:*

*Onoyo muthihi o da kha Yesu vhusiku, huno a ri khae, Rabbi, ri a zwi ðivha uri iwe u mudededzi a bvaho ha Mudzimu: ngauri a hu na muthu ane a nga ita madembe ane wa ita, Ndani ha musi muthu a tshi bebwahafhu, a nga si kone u vhona muvhuso wa Mudzimu.*

*Yesu a fhindula nahone a ri khae, Ngoho, ngoho, Ndi a u vhudza, Ndani ha musi muthu a tshi bebwahafhu, a nga si kone u vhona muvhuso wa Mudzimu.*

*Nikodemo a ri khae, Naa munna a nga bebwahani musi o no aluwa? naa a nga dzheni lwa vhuvhili kha mbumbelo ya mme awe, huno a bebiwa?*

*Yesu a tshi fhindula...a fhindula, Ngoho, ngoho, ndi ri kha iwe, Ndani ha musi muthu o bebwahani musi o no aluwa? naa a nga dzheni lwa vhuvhili kha mbumbelo ya mme awe, huno a bebiwa?*

*Uyo o bebwahano nga...ñama ndi yone ñama; huno uyo o bebwahano nga...Muya ndi muya.*

*U songo mangadzwa musi ndi tshi ri kha iwe, U tea u bebiwa hafhu.*

*Muya u vhudzula hune wa dzula hone, huno iwe wa pfa mubvumo wazwo, fhedzi u nga si kone u amba uri u bva ngafhi, kana hune wa khou ya: ngauralo ndi muñwe na muñwe o bebiwaho nga Muya.*

*Nikodemo a ri... a fhindula huno a ri khae, Naa izwi zwithu zwi nga vha hani?*

*Yesu a fhindula huno a ri khae, Iwe u muñe wa Isiraele, huno a u ñivhi izwi zwithu?*

*Ngoho, ngoho, Ndi ri kha iwe, Ri amba izwo zwine ra zwi ñivha, huno ñanziela izwo zwe ra zwi vhona; huno a u ñalukanyi vhúñanzi hahsu.*

*Arali ndo ni vhudza zwithu zwa ñifhasi, huno na sa tende, naa ni do tenda hani, arali nda ni vhudza... zwithu zwa ñadulu?*

<sup>28</sup> Zwino, Mudzimu nga a fhañutshedze Ipfi Lawe. Huno ndi ñoda u dzhia thoho matsheloni ano ya Pfunzo ya u thoma ya Yesu. Pfunzo ya u thoma ya Yesu, yo vha i: *Ni Tea U Bebwa Hafhu*. Iyo yo vha i Pfunzo Yawe ya u thoma. Zwino, nga ndila ya tshikolo tsha Swondaha, uri ndi sa ño funza huno nda vhaisa ipfi langa u itela madekwana a ñamusi. Ndo elekanya mbiluni yanga uri itshi ndi tshinwe tshithu tshine tsha vhonala tshi tshi akhamadza, na kha vhathu, ri pfa zwinzhi nga hazwo tshifhinga tshoþhe, huno ndo elekanya uri zwi ño vha zwavhuði matsheloni ano arali ra tou fhenda iyi thoho, ra i bvisela khagala. Huno ndi u ranga ha u thoma: *Ni Tea U Bebwa Hafhu*. Huno ho dzivhafhala nga maanda.

<sup>29</sup> Huno ri—ri a wanulusa uri hu na mihumbulo minzhi nga maanda yo fhambanaho ye vhathu vha i vhea. Kañukuñuku zwivhidzo zweþhe zwi tshi ri ni fanela u bebwa hafhu, fhedzi muñwe na muñwe u na ñhalutshedzo dzavho—dzavho dzo fhambanaho kha hezwo, zwiné zwa amba uri o bebwa hafhu. Ndi nga ya tshivhidzoni tsha Methodisi ano matsheloni, vha ri, “Ri a tenda uri ni tea u bebwa hafhu.” Naa ni zwi ñalutshedza hani? Ndi ya tshivhidzoni tsha Baphuthisi, “Huno ri tenda uri ni tea u bebwa hafhu.” Naa ni zwi ñalutshedza hani? Huno ndi ño ya tshivhidzoni tshinwe na tshinwe, huno ri ño wana, arali ro ya kha zwivhidzo zwa dinomineisheni dzoþhe dzo fhambanaho dza maðana a þahe, hu ño vha na ñhalutshedzo dzo fhambanaho dza maðana a þahe. Ngauralo, ri tshi vhona uri hu na ñhalutshedzo nnzhi dzo fhambanaho, huno naho zwo ralo Pfunzo ya Bivhili, i tea u vha hone, nahone ndi, Ngoho huñwe fhethu.

<sup>30</sup> Ngauralo, zwino elelwani, a yo ngo ri, “Ni nga bebwa hafhu,” fhedzi “ni tea!” Zwino, riñe, sa vhathu vha ambaho nga Tshisimane, ri pñesesa zwine ipfi *tea* la amba, izwo ndi, “zwa vhukumakuma ndi, ni tea u zwi ita.” Ni a vhona, zwi tou *kombetshedza!* Hu si “ni nga ralo, ndi khwiñe arali no ralo” fhedzi “ni tea u bebwa hafhu!” Oo, arali ra nga tou dzhia ilo ipfi

matsheloni ano huno ra *li* kwashekanya, zwine *la* amba zwone, uri a zwi konadzei hani... Huno arali zwi zwa ndeme nga u ralo na u hula, uri a zwi konadzei na luthihi u dzhena Muvhusoni wa Tađulu, kana u vhuya na U vhona, u swika ni tshi bebwa hafhu, na ḥalutshedzo nnzhi dzo fhambanaho dza ilo ipfi, *u bebwa hafhu*, ri tea u zwi ṭoda nga mbilu dzashu dzoṭhe, u wanulusa zwine zwa amba.

<sup>31</sup> A hu na muthu ngomu hafha ane a ṭoda u ya kha tshengelo, a hu na muthu. Huno a ni reili maela dza qana, kha ndila ya aisi, huno na fhedza mbetshelwa yanu, tshelede yanu, u tou da tshivhidzoni fhano, zwo luga, ni ri, khadananani na vhathe (naho ni tshi funa u ita hezwo), na u pfa mufunzi na nne muqe na vhañwe vhashumeli vha tshi amba Ipfi (ni wana uri huñwe na huñwe hune na vha hone, vhafunzi, vhashumeli, u tou fana na riñe ri zwone, vhalanda vha Kristo), fhedzi hu na tshiñwe tshithu tshi no ni kokodza fhano, na fhethe afha ha tshipida. Ngauralo-ha, ndi mushumo wa riñe sa vhafunzi, u vhona uri ili sambi lo fushwa, huno *la* kanzwa nga ndila yone, ngauri Mudzimu Ramaandaothe u do ṭoda malofha anu zwandani zwashu. Nga duvha *la* Khaṭhulo, ri do ni fhindulela. Ngauralo, ri tshi vhona uvhu vhudifhinduleli vhuhulwanesa he ha vhewa kha riñe, huno Mudzimu o ri nea vhathe vha no ri funa nahone vha da u ri pfa, zwenezwo ri tea u fhedza tshifhinga tshashu ri tshi khou dzulela u lavhelesa mimuya yanu. Huno musi tshithu tshiṭuku tsha u thoma tshine ra tshi vhona tshi takuwa izwo a si zwone, ndi mushumo washu u da kha uyo muthu, ngauri ri vhalisa vho sedzaho idzo nngu. Huno arali nda vhona nngu dzi tshi khou *la* tshene ine ya do i vhulaha, ndi khwine ndi tshi i pandela kha iyo tshene; u bvisa tshene nga u ṭavhanya khayo uri i sa swike khayo, ngauri i do vhulaya nngu.

<sup>32</sup> Huno zwi a divheya kha mashango a Vhukovhela tshene ine ya nga, ine tshifwu tsha nga *la*, i vhidzwa “locoweed.” A thi divhi arali hu na muñwe o no vhuyaho a pfa nga hawo kana hai, wone locoweed. Ee. Bere i nga *la* izwo, huno ni tou vha ni si nga iti tshithu ngayo. I tou vha yo bvaho. Ni nga si vheye bannda *la* u dzula khayo, huno ni nga si ite tshithu ngayo. I vhidiwa “locoweed.” Huno ni fanela u dzudza lanu—lanu sambi u bva iyo tshene. Huno arali zwi tshi do vhangela bere u *la* tshiñwe tshithu, arali bere, kha ndi ralo, i do *la* tshiñwe tshithu tshire tsha i posela kha heyi nyimele, kha hohu u hwidekana, ndi ngani, ni do vha ni likhauboyi *li* ṭungufhadzaho arali na tendela bere yanu *i* tshi *la* iyo tshene, locoweed. Zwi sumbedza uri a ni londi.

<sup>33</sup> Huno mufunzi wa vhukuma, mulanda wa vhukuma wa Kristo u do vha tsumbo i ṭungufhadzaho ya Kristo, u vhona nngu dzi tshi *la* tshiñwe tshithu tshine tsha khou *ya* u *i* bviselannda, kana u *i* ita muhedeni phanda ha Mudzimu, muvundi wa Ipfi Lawe, ene muvundi wa milayo Yawe. A ni tei u ita hezwo. Ni tea u lavhelesa hezwo nga vhuronwane.

<sup>34</sup> Ngauralo heyi Pfunzo khulu ya Yesu yo ንwaliwaho hafha phanda hashu, kha Bivhili, “Ni tea u bebwa hafhu.” Hu na ታhalutshedzo nnzhi dzo fhambanaho dzazwo, sa zwe nda amba murahu, u swika, ndi tshi elekanya ano matsheloni, u itela vhanzhi vhe vha vha tshi khou mmbudzisa uri zwi ambani na uri vha nga vha hani Mukriste wa vhukuma, zwenezwo nda elekanya uri khamusi ri do tou sendela kha ታhoho huno nda zwi dzhia nga ndila i pfalaho u ya nga hune nda ደivha uri ndi nga ni ዘea hani zwone. Huno a si nga ndila ya therō, ndi nga ndila ya u funza tshikolo tsha Swondaha, uri vhatu vha kone u wana Mulaedza. Zwino, ታhalutshedzo nnzhi dza “u bebwa hafhu.”

<sup>35</sup> Huno zwino ndi khou amba hezwi, nahone ndi a zwi ደivha uri zwi khou ya kha theiphi, huno ndi ታoda u amba izwi kha vhabunzi vhanzhi khamusi vha ዓ ታnganēdza iyi theiphi. Ndi dzhia uri khamusi zwo fhambana zwijuku na zwine tshividzo tsho ደoweleaho tsha zwi funza, ndi funza na u tenda, nahone u tenda zwi nga ታluswa nga Luñwalo, uri no bebwa nga Muya huno zwenezwo na lovhedzelwa kha Muvhili nga Muya Mukhethwa.

<sup>36</sup> Zwino, vhunzhi havho vha funza uri u tou ፍa n̄tha huno vha limuwiwa phanda ha tshividzo, na zwiñwe zwinzhi, sa-sa muitazwivhi, uri ni khou ታoda u ታnganēdza Kristo sa Mutshidzi wanu, uri heyo ndi Mbebo ntswa. Vhanzhi vha tenda uri ndovhedzo ya madini ndi Mbebo ntswa. Huno vhañwe vhavho vha tenda uri no—no bebwa nga madi musi ni tshi lovchedza madini. Huno hu na ታhalutshedzo nnzhi dzo fhambanaho dzazwo. Ḥunzhi havho, vhanzhi vha tenda uri vha dekesha ndaela huno vha tenda kha pfunzo ya tshividzo, itanu ታnganēdza huno ni ri, “Ndi tenda kha tshividzo tshikhethwa tsha *Mukeneñene*. Huno—huno ndi tenda uri Mudzimu u mu-Mutshidzi wa muthu, na zwiñwe-vho. Huno u bva kha lino ሂvha u ya phanda, ndi—ndi vha murado wa hetshi tshividzo, nahone nda ጽedzana na Vhakriste.” Vha tenda uri izwo ndi “u bebwa hafhu.”

<sup>37</sup> Huno naho ndaela ine vha i themendela, a thi tendi uri ri nga kona u zwi sasalandza, vhañwe vhavho vho ቴamba nahone vhe vhakhethwa, vhañwe vhavho vha Luñwalo vhukuma, fhedzi Luñwalo a lu khou shumiswa fhethu hone. Huno, na u shumisa Luñwalo, ndi a tenda uri Mbebo ntswa ndi tshiñwe tshithu tshi re phanda ha hezwo. Naho ni tshi nga zwi amba zwavhuđi hani, ndi tenda tshiñwe tshithu tshire Mbebo ntswa ya vha kule nn̄da ha ndivho dzañu dzavhuđi na ngelekanyo dzañu, ታhalukanyo, zwi seli ha hezwo.

<sup>38</sup> a thi ቴodi u amba hezwi u vhonala sa musasalandzi, nahone a thi vhei mulandu kha dzangano liñwe ስ tshividzo, fhedzi vhunzhi hazwo zwi nkhubudza ene—ene—ene Muyuda, muñuku...ndi mudai. Huno a thi tendi uri miswaswo i tea u ambiwa kha phułuphithi, a si fhethu ha miswaswo. Huno

zwenezwo u disa hetshi tshiṭatamennde tshine nda vha natsho muhumbuloni wanga, a si u itela miswaswo, fhedzi u sumbedza liambele la zwine nda khou amba. Uri tshifhe wa Katolika tshiñwe tshifhinga o ya hayani na...nga Lavhuṭanu, a na mushandukwa muswa kha tshivhidzo tsha Katolika. Huno mushandukwa wa Katolika o gotsha tshizwa tsha nguluvhe, huno a ri, "Khotsi, ndi humbela pfarelo, nga murahu ha musi nyelelwo yanga i tshi da kha nne, ili ndi Lavhuṭanu. Fhedzi ndi a tenda uri u ya nga pfunzo yashu khulu ya tshivhidzo, uri tshiñwe tshifhinga ndo vha ndi Muyuda, huno na shasha madi makhethwa kha nne huno na ntshandukisa u bva kha Muyuda u ya kha Mukaṭolika. Zwino ndi do shasha zwiṭuku zwa madi mathihi kha itsi tshizwa tsha nguluvhe huno nda ita khovhe ngatsho." Zwino, izwo ndi, u amba uri izwo a zwi i iti khovhe. Tshi kha di vha tshizwa tsha nguluvhe, hu sa londwi uri madi a nga di ita o khetheaho hani.

<sup>39</sup> Huno a hu londwi uri ri lingedza u elekanya zwingafhani uri ri ita zwone kha u amba ndaela kana u vha murado wa tshivhidzo, ni kha di vha zwe na vha ni zwone u swika ni tshi bebwahafhu zwa vhukuma nga Muya wa Mudzimu. A zwi ni shandukisi. Ndaela yanu, u vha murado wa tshivhidzo, kana u shandukisa mihibulo yanu, kana ndivho dzaṇu dzavhudzi, naho zwi tshi nga divhonala zwi zwavhuḍi, zwi kha di vha zwi si zwone. Hu na tshiñwe tshithu tshine tsha tea u bvelela, mbebo ntswa ndi tshenzhemeo, tshiñwe tshithu tshi no itea. Ngauralo a si uri izwo zwi disa mbebo ntswa. Zwino, zwivhidzo zwo fhambanaho, vha do ri, "Zwo luga, ni tanganedza *itsi* kana na tenda *itsi*, huno tsho luga." Fhedzi a tsho ngo ralo.

<sup>40</sup> Zwino, tsha u tou thoma, u vhuya murahu, mbuno ya uri ri bebiwe hafhu ndi ngauri Bivhili i a ri funza uri ro "vhothe vho bebelwa tshivhini, vha vhumbea vhutshinyini, huno vha da kha ḥino shango vha tshi amba mazwifhi." Zwenezwo izwo zwi ri sumbedza uri mvelo yashu, tsha u tou thoma, ndi tshivhi. A ro ngo luga, na u rangani hazwo. Ngauralo ri nga si kone u amba tshiñwe tshithu nga vhuṭali hashu, vhufulufhedzei hashu, *kana* uri ro hula hani, kana uri ro ḥukufhala hani, kana zwiñwe zwinzhi, ro khakha tshothe-tshothe, tsha u tou thoma. Huno a hu na tshithu na luthihi tshine ri nga ita nga hazwo. Inwi ni nga si kone... Yesu o ri, "Naa ndi nnyi, nga u dzhia muhumbulo, ane a nga engedza kha vhuimo vhuthihi-...muthihi kha tshiimo tshawe, muelo muthihi kha tshiimo tshawe?" Ni nga dzhia mihibulo yothe, na ḥora zwothe nga hazwo, na zwi vhala na zwi ḥola, na tshinwe na tshiñwe-vho, huno ni nga si dithuse na nga tshithihi. ngauralo itanu zwi bvisela nn̄da. Ndo takala nga maanda uri tshi a ralo, ngauri arali tsho edela kha ngelekanyo ya u divha tshiñwe tshithu, vho thanyaho, riñe vhathu vha ḥungufhadzaho vha songo funzeaho ri do siwa nn̄da, ngauralo a ro ngo vha na tshikhala. Fhedzi Mudzimu o zwi shandukisa,

kana a sa athu vhuya a vha nazwo nga heyo ndila u rangani. Zwivhidzo zwi dzulela u zwi ita uri zwi kondé. Mudzimu u zwi ita two leluwaho. Ngauralo zwi diswa fhasi fhethu hune rothe ri nga kona u vhona, riñe rothe ri nga vha nazwo. Ndi zwa nnyi na nnyi a no funa.

<sup>41</sup> Zwino, zwino, muñwe munna o vha a nga si tshidze muñwe. Zwino, a zwi iti phambano zwine muñwe muthu a lingedza u amba, a hu na muthu ane a nga tshidza muñwe. Hu si na ndavha uri o thanya hani, uri ofisi yawe ndi ifhio, kha vhe mufunzi, tshifhe, mubishopho, mukhadinala, kana mupapa, a nga si vhe na tshithu na tshithihi tshire a nga ita ngatsho a tshi tshidza vhutshilo ha muñwe muthu, ngauri ndi muitazwivhi ene muñe, No bebelwa tshivhini, na vhumbwa vhutshinyini, na da shangoni ni tshi amba mazwifhi. Ndi muzwifhi tsha u tou thoma, huno ipfi liñwe na liñwe line a do amba li do vha mazwifhi arali zwo vha zwi tshi fhambana na Ipfi la Mudzimu na pułane ya Mudzimu.

<sup>42</sup> Fhedzi Mudzimu o ita pułane ya uri muthu a tshidzwe. Huno muthu a nga si engedze tshiñwe tshithu kha iyo pułane. Ndi pułane ya Mudzimu. Huno iyo ndi pułane ine ra vha yone, ri ḥoda u guda matsheloni ano. Naa pułane ya Mudzimu ndi mini? O ri, “Ipfi liñwe na liñwe la muthu nga li vhe mazwifhi, Łanga li vhe Ngoho.” Ngauralo-ha, ri nga si lingedze u tshintsha fhungo lithihi, u li ita tshiñwe tshithu-vho. Hu si na ndavha uri maitele ashu na zwiñwe a vhala hani, ri teya u zwi hangwa. Heli ndi Ipfi la Mudzimu. Zwi nga si tou itwa nga inwe ndila. Mudzimu u na pułane, O ita pułane.

<sup>43</sup> Huno, elelwani, kha tshithu tsha u thoma, u swika ni tshi bebwa hafhu a ni nga pfectesesi. Kavhili O zwi amba. “Nndani ha musi muthu a tshi bebwa hafhu a nga si kone u dzhena Muvhusoni.” “Nndani ha musi muthu a tshi bebwa hafhu a nga si vhuye a vhona Muvhuso.” Zwino, izwo zwi a khwathisedzwa, na zwone-vho. Ipfi, nga u ita ayo maipfi othe, vha mmbudza uri vha tea u a ñwala, vhona, huno musi vha tshi ri, “ngoho, ngoho,” uho ndi u khwathisedza, vhunga da—da—danzi. “Ngoho, ngoho, Ndi a ni vhudza!” Huno ipfi fhethu huthihi, kana mafhethu manzhi, li a ḥalutshedzelwa “zwa vhukumakuma.” “Zwa vhukuma, zwa vhukumakuma, ndi ri kha inwi!” Naa ndi nnyi o ambaho izwo, naa mukhadinala, tshifhe, mufunzi, muevangeli, mupapa? Mudzimu Ene muñe! Zwino, a hu na zwa u dilandula ngazwo. Ha nga do ralo na luthihi, na luthihi, a nga si ralo nga inwe ndila-vho, hu si na ndavha uri ndi muhulu hani, dzina lawe ndi nnyi, ndi muhulu hani, kana u na bvumo hani, a nga si vhuye a pfectesa Muvhuso wa Mudzimu u swika a tshi bebwa hafhu. Ndi thoho khulwane. “Ngoho, ngoho, Ndi a ni vhudza!” Lavhelesani. Iyani ni wane ḥalutshedzo ya Tshigerika, ni do wana, hu si u vhona nga anu “maño,” ni vhona nga yanu “mbilu.” Ni a vhona, inwi ni nga si kone u vhona Muvhuso wa Mudzimu nga maño anu, ngauri ndi Muvhuso wa tshimuya. Ni a vhona? Nga mañwe maipfi, “A

ni tsha do kona u pfectesa Muvhuso wa Mudzimu u swika ni tshi bebiwa hafhu." Zwothe ndi tshiphiri tshi sa dzinginyei. Huno musi no bebwa hafhu, pułane dla Muvhuso, Muvhuso Wone une, u vha wa vhukuma kha inwi.

<sup>44</sup> Vhunga mukontiraka a tshi fhaṭa tshifhaṭo, nnđani ha musi o vha a tshi nga vhala pułane a hu na ḥodea yawe ya u lingeda u fhaṭa tshifhaṭo, arali a sa pfectesi pulane. Huno zwenezwo musi a tshi pfectesa luñwalo, zwenezwo u ḫivha uri tshifhaṭo tshi fhaṭiwa hani. Iyo ndi—iyo ndi ndila ine zwa vha ngayo. Izwo ndi zwine zwa bvelela nga ha u fhaṭa Muvhuso wa Mudzimu. Ni tea u pfectesa Pulane, huno ni nga si ḫivhe Pulane u swika ni tshi bebiwa hafhu. Huno musi no bebiwa hafhu huno zwenezwo na landula Pułane, hu itea mini?

<sup>45</sup> Musidzana muṭuku wavhuđi a si kale...ndo vha ndi tshi anzela u ṭuwa na mme awe musi ro vha ri vhaswa. Huno o vha e musadzi wavhuđi, o nakaho. Dzina ḫawe ndi Huff zwino, dzina ḫawe ḥo vha li Lee a sa athu maliwa. Musi ndo vha ndi tshi anzela u vha mufunzi Tshivhidzoni tsha Baphuthisi tsha Milltown, vho vha vha tshi wela kha Tshivhidzo tsha United Brethren, fhedzi, oo, vho vha vha tshi mpfunesa. Huno a...ndo vha ndi tshi anzela u ṭuwa nae. Vha dzula murahu hangei ha Mukomana Wright hafha. U... Huno ndo vha ndi tshi anzela u gonya nduni yavho, huno musidzana muṭuku o vha e musidzanyana wavhuđi nga maanda, huno o vha e khonani ḫukhu ya musidzana kha nne. Huno Mukomana Lee, munna muvhuya, a fulufhedzeaho kha tshivhidzo, mbonalo ya United Brethren kha tshivhidzo, huno vhuriwe vhusiku a nthamba uri ndi ye hayani nae nahone ndi dzule vhusiku hoṭhe. Huno nda ri, "Mukomana Marrion, ndi ḥo—ndi ḥo takala u ita hezwo." Huno ngauralo nga murahu ha musi tshumelo yo no fhela, zwo ralo, mu—musidzana na nne ra dzhena modoroni huno ra bvela phanda. Huno ndo do tea u vula khoro dla dazeni, ndi a tenda, ndi tshi khou mona na muvhundu, nahone n̄tha, u swika kha nnđu khulu ya kale ya thanda. Zwo luga, ra dzula nnđa dzharaṭani huno ra lindela mme na khotsi awe, na khaladzi muṭuku, u da n̄tha. Musi vha tshi da, roṭhe ra dzhena ngomu huno ra vha na tshiswiṭulo tshiṭuku vhusiku uvho. Mme vho vha vhe na zwiñwe zwithu nnđa huno ri a la, huno—huno khotsi na nne ro vha ro edela roṭhe zwiṭepisini zwa phasi, kha mbete muhulu, huno—huno na thovho phasi hawo, ni a ḫivha, u edela havhuđi nga maanda. Ndi khwine kha luñwe lwa aya a kale maṭirasi a Beautyrest ane na wana, ndi ḥo ni vhudza hezwo. Huno ngauralo riñe... Mme na vhasidzana vhavhili vha gonya lufherani lwa n̄tha.

<sup>46</sup> Huno uvho vhusiku musi ro vha ro edela henefho, Mukomana Lee o vha e na muloro. Huno o dzulela u hanedzana na nne nga ha ndovhedzo ya mađini nga Dzina la Murena Yesu Kristo. Ho ngo I tenda. Huno o vha e mukontiraka. Ngauralo a ri, "Mukomana Branham, ndo tou ḫora muloro." Huno a ri, "Ndo ḫora ndo gonya

ngei n̄ha New Albany. Nahone ndo vha ndi tshi khou fhaṭa nn̄du ya munna, huno a mmpha pułane. Fhedzi musi ndi tshi vhona iñwe ndila ye a tumula mafasiṭere awe nahone a lugisa huñwe fhethu, nda ri, ‘Izwo a si zwone. Zwi nga si tou vha zwone. Izwo zwi a fhambana. Izwo, izwo a zwe ngo luga.’ Ngauralo nda i fhaṭa nga ndila ye nda elekanya uri yo vha yo luga. Huno musi a tshi vhuya Florida, u bva kha holodei yawe, ndo vha ndi na nn̄du yawe katkuṭuku yo luga.

<sup>47</sup> “A lavhelesa nn̄du, huno a ḥuwa a wana pułane nahone a sedza khayo, huno a ri, ‘Vhañe vhanga, wo fhaṭa nn̄du yanga nga ndila yo khakheaho!’

“Huno nda ri khae, ‘Hai, a tho ngo fhaṭa nn̄du yau nga ndila yo khakheaho.’

“Mini-ha nga fhethu afha *hukenenene* ho raliho?”

“Zwo luga,’ a ri, ‘izwo zwa vhukuma a zwi tei u vha heneffo.’

<sup>48</sup> “A ri, ‘I thutheleni phasi! Arali ni tshi lavhelela uri ndi ni badele, ni do i fhaṭa nga ndila ye pułane ya amba.’”

<sup>49</sup> Huno a ri, “Naa ni elekanyani nga ha izwo, Mukomana Branham?”

<sup>50</sup> Nda ri, “Hu na ludambwana lu no khou gidimela heneffo phasi ha nn̄du hafha.” Huno ra ya khalwo.

A ri, “A thi khou ḥoda u kwashekanywa nga iło ḫuvha.”

<sup>51</sup> Nda ri, “Zwi lulamiseni zwa zwino. Zwi lulamiseni u ya nga Pułane!”

<sup>52</sup> Nga ndila ye zwa badela, a si kale muñwe wawe... Zwenezwo musidzana wawe o mala mutukana wavhudı, munna wavhudı. Ndi muthu a no shuma nga mutshini nga hangeno kha mishumo ya zwikeyeni, huno mutukana o vha a na minwe yawe yo tumulea nga *heyi* ndila, munna wavhudı. Huno vha na muṭa u takadzaho, vhasidzana vhaṭuku vhararu, huno muñwe wavho ndi... Vhakriste vhothe, huno vha imba nyikoto. Arali ra vhuya ra vha na muṭangano fhano vha khou ḥa u ri imbeli. Huno muñwe wa vhasidzana vhaṭuku ndi tshipentshela kha muzika wa piano, huno o vha a mudededzi wa muzika wa kilasikalı musi a tshi kha di tou vha ḥwana, fumiṭhanu, miñwaha ya fumirathi. Huno vhana tshikoloni vha mu gwarela zwithu zwo fhambanaho, na u vha Mukriste, huno zwa dzhena kha mazhuluzhulu awe nahone a vha na luṭaledzi, nahone a xeletwa nga muhumbulo wawe. Huno vho vha vhe nae ngei Louisville, nahone vho vha vha tshi khou yo mu isa kha tshimiswa tsha vhalwadze vha muhumbulo nga Musumbuluwo u tevhelaho. Huno vho vha vha si nga do ralo, madokotela o vha a si nga ntendeli u mu vhona. Huno nda ya sa mueni nahone nda dzula thungo ha mmbete na khotsi na mme. Huno musi ndo vha ndo dzula heneffo, Muya Mukhethwa wa dzhena ngomu kha, hezwi, Our Lady of

Peace Sanitarium ngei Louisville, hune vha dzhia mulwadze wa mazhuluzhulu, huno musi hu tshi kha di vha na fulufhelo khavho. Zwenezwo, arali vha sa koni u vha itela tshithu, vha vha rumela ngei Madison, Indiana. Huno musidzana o vha a tshi khou ya Madison nga iyo vhege, vho... o vha a si tsha thusalea. Huno ndo dzula heneffo, bono la da phanda hashu, huno la amba na musidzana nga Dzina la Murena Yesu. Huno mme vha mpfara nga gona, vha hovhelela huno vha takula munna wavho nga tshanda, huno vha ri, "A li kundelwi na khathihi!"

<sup>53</sup> Nda ri, "Ni songo whilaela, u do fhola." Nda tutshela tshifha to nga u tavhanya.

<sup>54</sup> Vhusiku uvho nga awara ya tahe ntsha ha tshithoma, lutingo lwa lila, kana ndi a tenda ho vha hu zwiłuku phanda ha ya tahe, ndi sa athu da tshivhidzoni uvho vhusiku. Ho vha hu nga Swondaha. Huno khotsi, mbilu yawe yo nyanyulea nga maanda, a ri, "Ndo vha ndi si nga yi hayani, ndo fara mafhungo mavhuya, Mukomana Branham." A ri, "Dokotela o dzhena huno a thałtuvha musidzana wanga. A ri, 'Naa ho bvelelani khae? A nga ya hayani matshelo.'" Musi mme vha tshi ladza tshitumbu vhege dzi si gathi dzo fhiraho, ngei vhuraru hovha vhu hone, musidzanyana a tshi tou vha wavhuđi nga ndila ye a kona, ene na khonani yawe ya mutukana, zwavhuđi. Oo, ndi a ni vhudza, Pułane! Ipfia la Mudzimu ndi Łone line la tea u talutshedza mbekanyamušhumo ya uri ri tea u bebwa hani hafhu.

<sup>55</sup> Tsha u thoma, ri didzhia sa vhaftazwivhi nahone ro tea khatulo. Huno rothe ro bebelwa tshivhini nahone ra vhumbea vhutshinyini, a hu na tshavhuđi nga rine. Mihumbulo yashu yo vhifha, mimuya yashu yo tshinyala, kuhumbulele kwashu kwa misi ndi kuvhi, muhumbulo muńwe na muńwe wa ngelekanyo ya thalukanyo ya muthu ndi muvhi, muitazwivhi, nahone muvhili washu u shaya nungo, muya washu a si wavhuđi, huno ro tou dala u tshinyala. Nahone zwi konadzea hani uri tshińwe tshithu tsho tshinalaho tshi bveledze tsha vhudi tsho tshinalaho? I ri ni ndi ambe izwi, zwauri kha Yobo, ndima ya vhu<sup>14</sup>, o ri, "U vhona uri muthu o bebwaho nga musadzi, o dala małtungu na khakhathi, fhedzi u ya bvelela sa dzuvha, u ya nyamalala." Huno phanda, musi muporofita a tshi khou bvela phanda na u amba, o ri, "Naa ndi nnyi ane a nga bvisa tshithu tsho kunaho kha tshi songo kunaho? A huna na muthihi!" Ni dzenisa ravha lańu fhasi tshisimani huno na kokodza murahu ravha la mađi, huno ha eleli, a ya nukha; na sedza ngomu hao, a na thophe, zwivhungu zwiłuku zwi ngomu ha ayo mađi, a hu na ndila na luthihi ya u vhuyedzedza ravha lańu murahu huno na wana ravha lo kunaho. Tshidzivha tshothe tsho tshikafhala. Huno muya wothe, thalukanyo na muvhili wa muthu two tshikafhadzwa nga tshivhi. O bebelwa tshivhini, muvhilini, a vhumbea vhutshinyini, huno a da shangoni a tshi khou amba mazwifhi, uri muya wawe wo tshikafhadzwa. A hu na tshivhuya! Muńwe a nga si

kone u rengulula muñwe, ngauri zwo khakhea zweþhe. Huno ni nga si dzhie tshikovha tsha madi hafha, o tshikafhadzwaho, na tshiñwe tshikovha tsho tshikafhadzwaho, huno na a þanganyisa fhethu huthihi, ni na u tshikafhadzea ho engedzeaho. A hu na u kunakisa khazwo.

<sup>56</sup> Fhedzi Mudzimu o ðiimisela u tshidza muthu. “O vhea kha Ene vhutshinyi hashu roþhe.” Tshigwevho tsha—tsha tshivhi, musi no bebelwa kha tshigwevho tsha tshivhi, ndi lufu. Tshivhi ndi lufu. Huno tshigwevho tsho vha tshi tshihulwane nga maanda lune a hu na muñwe washu we a kona u thusa muñwe, ngauralo ho do tea u vha na Muñwe Ane a nga badela itshi tshigwevho.

<sup>57</sup> Mini-ha arali, matsheloni ano, tshigwevho tsha u tutshela ulu lufhera tsho vha tshi doþara dza bilioni dza ñana? A huna na muthihi washu ane a nga tuwa, ngauri a hu na na muthihi zwo mu fanelaho. Fhedzi zwenezwo arali muñwe o dzhena we a vha e na ndeme lwo edanaho u ri lifhela roþhe!

<sup>58</sup> Zwi dzhia Muthihi. Ri nga si kone u zwi ita. Zwo dzhia Muñwe We a vha o fanelwa. Oo, ndi tama hani ndo vha ndi tshi nga ima hafha lwa tshifhinganyana, huno nda humela murahu huno nda topola Ruþe na Naomi, huno nda sumbedza uri murengululi wa lushakani o ita hani, u rengulula ndaka yo waho, o do tea u vha nga u ralo, tsha u thoma, o fanelwa, o do tea u vha wa lushakani. Ngauralo-ha, Mudzimu, Muya, Yehova, o vha Mashaka kha riþe, nga u dzhia tshivhumbeo tsha ñama. A vha Mashaka. Zwo do tea u vha hezwo. Zwenezwo O do tea u vha o fanelaho. Huno ndi Ene We a bveledza itsyo Tshisima tsho dalaho nga Malofha, o bvaho kha tsinga dza Imanuele. O vha e Ene We a hwala vhutshinyi hashu.

<sup>59</sup> Tshifanyiso tsho nakaho tshine nda vha natsho hafha kha Numeri. Ndi na Mañwalo anga o ñwalwaho hafha phasi. Kha Numeri, tshifanyiso tshavhuði tshazwo tshi ngomu heneþho, ndi, oo, zwo naka tshoþhe arali ni tshi nga zwi vthona, ndi ñowa ya musinaseþha yo imiswaho sogani. Nga ndila ye Isiraele, iyo ñowa khavho ya hu u luñwa nga lufu, huno ho vha hu si na dzilafho. Ho vha hu si na ñanga vhukati havho vhe vha vha vhe na dzilafho kana mushonga. Vho vha vhe na ñanga vhukati havho, fhedzi hu si u itela uho u luñwa. Vhunga ndo tou amba, a hu na ñanga vhukati hashu ine i nga fhodza tshivhi. Ndi u luñwa nga lufu, huno roþhe ri na mulandu, ro vhumblea vhutshinyini. Riþe roþhe ri na mulandu. Fhedzi naa Mudzimu o itani? Vho vha vhe na mulandu tshifhingani itsyo, zwenezwo lufu lwa tea u badelwa, tshigwevho tsha lufu. Fhedzi Mudzimu vha e na Mushe U fhaþa ñowa ya musinaseþha, nahone a i vhea kha thanda uri hu si vhe na tshine vhathu vha ita, a hu na tshelede ye vha do tea u i badela, a hu na tshithu na luthihi a huna milayo ine vha tea u amba, a hu na zwivhidzo zwe vha do tea u vha mirado yazwo, fhedzi “sedzani nahone ni tshire.” Ni a vthona uri zwo leluwa

hani? Lavhelesani ni tshile! Ni songo vha murađo wa tshivhidzo, a hu na munyanyuwo, a ni tei u pfa vhudipfi vhu seisaho. Itonu sedza huno ni tshile! Ndi zwenezwo fhedzi. Zwo leluwa nga maanda. A si, "Arali ni tshi kona u elelwa Milayo yothe ya Fumi, ni do tshila." Hu si, "Arali ni tshi divha milayo yothe." Fhedzi, "Sedzani ni tshile." Ndi zwenezwo fhedzi zwe na do tea u ita. Huno munna muňwe na muňwe a sedza Khae o tshila.

<sup>60</sup> Yesu, musi O vha e fhano kha lifhasi, O amba, a tshi khou amba na Nikodemo hafha, A ri, "Vhunga Mushe o imisela nowa ntha sogani, ngauralo na Murwa-muthu u fanela u takuelwa ntha." Ngauralo zwi tea u ralo! Ndi ngani? Nga maitele mathihi, kha tshithu tshithihi, ndivho nthihi, u ita mushumo muthihi. Tshifhinga tshinzhi hezwi zwi a kanganyisa vhatu vha tshi vhona nowa i tshi imelela Yesu. Nowa yo imela Yesu, kha hezwi zwinzhi, no dzhieila nzhele uri nowa yo fa? Ho vha hu si na vhutshilo khayo. Yesu o fa. Vhunga Kaini, musi a tshi vhulaya Abele, Abele o fa kha aletare na tshiṭhavhelo tshawe; nga murahu ha musi Abele o nekedza tshiṭhavhelo tshawe huno a vhulaha tshiṭhavhelo tshawe u itela tshivhi tshawe, zwenezwo a fa kha alitari yeneyo nthihi na tshiṭhavhelo tshawe. Uri ni kone u bebwa hafhu, ni tea u fa kha aletare na Tshiṭhavhelo tshañu, vhunga no fa sa zwe A vha e zwone. Huno no bebwa hafhu. Nowa yo vha i si na vhutshilo khayo.

<sup>61</sup> Huno ni ri, "Ndi ngani ho vha hu musinaseṭha?" Musinaseṭha u fanyisa khaṭhulo, khaṭhulo Khethwa. Naa no dzhieila nzhele kha Bivhili, kha Testamente ya Kale, alitari yo itwa nga musinaseṭha, he tshiṭhavhelo tsha fhiswa? Musinaseṭha u amba nga ha khaṭhulo. Vhunga Eliya, mađuvhani awe, o ya u sedza lutombo, u vhona arali inwe mvula yo vha i tshi khou da nga murahu ha thabelo yawe, huno a ri, "Lutombo lu vhonala sa musinaseṭha." Ho vha hu mini? Khaṭhulo khethwa kha vhatu vha sa tendi, lushaka lu sa tendiho lwe lwa ṭutshela Mudzimu. Ho vha hu khaṭhulo Khethwa, musinaseṭha! Huno nowa yone inę, tshivhumbeo tshayo tsho imela tshivhi tsho no haṭulwaho kale, ngauri nowa yo haṭulwa tsimuni ya Edeni. Huno o vha, nowa, yo haṭulwa.

<sup>62</sup> Huno musi ri tshi sedza kha Kristo, ni vhona tshigwevho. Ene fhedzi, Mudzimu Ene mune, o itwaho nama. Mudzimu a tshi da kha lifhasi, huno a dzhia Khae tshivhi tshashu rothe, huno khaṭhulo na mbiti dla Mudzimu Ramaandaothe zwa shululelwka kha muvhili Wawe, huno wa vhambiwa tshifhambanoni. Iyo ndi khaṭhulo ya vhukuma. U kanda vhufondelo ha mbiti dla Mudzimu, a ethe. Fhedzi, O tshimbila ndilani. A ethe, O fa a si na thuso i bvaho kha Muruňwa, u bva kha muthu, u bva kha Tshivhidzo Tshawe, u bva kha mme Awe, u bva kha vharathu Vhawe, u bva kha Khotsi Awe; o ṭutshelwa nga Mudzimu, muthu na mupo. O fa, e ethe, u ri sumbedza uri na mupo wone une a u koni u ri thusa kha awara ya lufu. A hu na khonani, a hu na

tshifhe, a hu na mupapa, a hu na mufunzi. Ndi lufu. Fhedzi ho vha hu na Muthihi we a ri dzhiela ene.

<sup>63</sup> A hu na vhutshilo kha ḥnowa. Yo vha oma tshothe. Itsho tsho vha tshi tshigwevho. O fa u swika ḥlone—lone lifhasi li tshi ḥdishona. O fa u swika ḥaledzi dici tshi shona. O tambula u swika ḥuvha li sa ḥo penya. O tambula u swika ḥwedzi u tshi dzima zwiedza zwawo. O tambula u swika zwivhumbeo zwa shango zwi tshi vha ḥitswu na swiswi u swika li tshi vha vhusiku-kati, swiswi ḥine ni nga li kwama. Ho vha hu si na tshithu. A hu na we a vhuya a tambula nga u ralo kana ane a kona u tambula sa izwo, a hu na a faho ane a nga fhira khazwo. Fhedzi O zwi tambula. Mudzimu o vhea kha Ene vhutshinyi hashu roṭhe, huno a vhea khathulo Dzawe Khae, huno A kanda vhufondelo ha mbiti dza Mudzimu, e eṭhe, hu si na pfariso. Ho vha hu si na tsha u Mu thusa. Mudzimu o vhea tshigwevho. Tshiřwe na tshiřwe tsho vha tshi phasi ha itsho tshigwevho, huno a hu na tshe tsha vha tshi tshi nga Mu thusa, ngauri roṭhe ri na mulandu. A hu na tshifhe muhulu we a vha a tshi nga ḥa a thusa Ene. Ho vha hu si na tshithu tshine tsha nga Mu thusa, hu si na mupapa, hu si na Muruňwa. Tshiřwe na tshiřwe tsha ima murahu huno tsha lavhelesa. Itsyo tsho vha tshikhala tshihulwanesa tshe tsha vhuya tsha vha kha divhazwakale ya shango. O fa u swika hu si na shotha na ḥithihi ḥa vhutshilo lo salaho Khae, o fana na ḥnowa ya musinasetħa, u tou vha tshithu tsho omaho tsho nembelela kha tshifhambano.

<sup>64</sup> Zwino, ndila ya u ḥa kha haya mabebo, hu na ndila ya u ḥa khao. Huno u vha kha ndila ya aya mabebo, ni tea u fhira nga kha maitele. U tou fana na tshiřwe tshithu tshi no tshila, tshiřwe na tshiřwe tshine tsha tshila hafhu, tshi tea u thoma tsha fa. Huno ni nga si kone u vhulunga maya wanu muthihi. Ni nga si kone u tevhedza ndowelo dzañu dici fanaho. Ni nga si kone u vhulunga mihumbulo yanu i fanaho. Ni tea u fa. Ni tea u fa vhunga O fa! Ni tea u fa kha aleṭare Yawe, sa zwe Abele a ita nga ngwana yawe. Ni tea u fa na Ngwana yanu. Ni tea u fa. Ifani kha kuhumbulele kwañu, u bebiwa kha kuhumbulele Kwawe, itani uri muhumbulo we wa vha u kha Kristo u vhe kha inwi. Ni tea u elekanya mihumbulo Yawe. Huno zwino, mukomana, khaladzi, i ri ni ndi ambe izwi ndo ḥalifha sa zwine nda divha uri zwi ambiwa hani. Naa ni nga elekanya hani mihumbulo Yawe huno na hana Ipfi Lawe, huno naho zwo ralo na ri no bebwa hafhu? Itanu divhudzisa iyo mbudziso. Ni nga zwi ita hani? Ni nga si ralo. Arali no bebwa hafhu, ni na ngelekanyo Dzawe. Arali ḥthalukanyo ya Kristo i kha inwi, zwenezwo ni tshiyhumbwa tshiswa. Bivhili i funza izwo. Huno arali muňwe mukomana a tshi ḥo takalela u ralo, zwo luga, ni wana itsyo tshiyhumbwa, na lavhelesa iļo ipfi tshiyhumbwa nħha kha—kha Lexicon, huno ni ḥo wanulusa uri ipfi tshiyhumbwa li re henefho lo ḥologwa kana ḥa ḥalutshedzwa, “tsiko ntswa,” ngauri ni tsiko nthihi, muthu o

bebwaho nga lutamo lwa vhudzekani fhano kha lifhasi, huno zwino ni tsiko ntswa yo bebwaho nga Muya. Ngelekanyo dzanu dzo fa. Yo fa u swika i tshi oma sa ɻowa ya musinaseθha, kana vhunga O fa musi maɻadulu na lifhasi na tshiñwe na tshiñwe tsho ɻanziela uri O fa.

<sup>65</sup> O fa u swika A tshi fa nga maanda lune na Malofha Awe na madi zwe fhandekanywa muvhilini Wawe. Lufu lwawe lwo vha lu luhulwane nga maanda u swika, ndi tshi ri, sha—shango lo vha na luɻaledzi. La dzinginyea, la tetemela u swika matombo a tshi wa kha dzithavha. Ndi mini tshine tshi nga fa nga u ralo? A hu na mupapa ane anga fa nga u ralo, a huna mufunzi ane a nga fa ngau ralo. Fhedzi musi Mudzimu, namani, o fa tshifhambanoni, lifhasi lo vha na luɻaledzi lwa zwipfi, u ɻivha uri Ipfi la Mudzimu ɻeneɻo lo ambiwaho, matombo na mashika na dzithanda na zwiɻaka na miri yo nembelelaho kha shango, na dzinaledzi na ɻwedzi, Ipfi ɻeneɻo lo ambiwaho lawe lo vhona Musiki wavho a tshi vha nama, huno tshivhi tsha shululelwā nnda Khae. Vhuhali ha Mudzimu ho shululelwā kha Ene u swika ɻwedzi u si tsha vphonetshela tshedza tshawo, duvha la vala tshedza tshalo, lifhasi lo vha na u dzinginyea ha mazhuluzhulu, luɻaledzi. Lo vha li tshi ðo vha lo kwashekana arali ho vha hu songo u itela riñe, tshiñwe na tshiñwe.

<sup>66</sup> Huno arali zwivhumbatsiko Zwawe zwa lifhasi, kha u sedza, a tshi vhona zwe zwa vha zwi tshi khou itea, zwe zwi dzinginyisa u ya kha iyo nyimele, naa zwi tea u itani kha nne na inwi? Naa mimuya yashu i fanela u itani musi ri tshi sedza huno ra vhona zwe Mudzimu a ri itela zwone? Huno zwe the zwe vha zwi zwanu na nne. Naa zwi tea u itani kha riñe? U isa phanda tshivhini? Mudzimu kha thivhele. Fhedzi u didzima zwivhi, huno na fa tshivhini. Naa a ni vhonu zwe tshivhi tsha ita Khae? Tshivhi tsho Mu vhulaha. Huno A dzhia tshigwevho tsha tshivhi, uri A kone u disa u luga ha Mudzimu kha inwi na nne. Ngauralo musi u luga ha Mudzimu hu tshi ða kha riñe, tshivhi tsho fa kha vhathu vha faho. Oo, ndi a fulufhela uri ni a zwi vhona.

<sup>67</sup> Ee, u bebwa hafhu ni fanela u fhira nga kha lufu, tshiñwe na tshiñwe tshi a ralo. Ni dzhia thoro ya gorou, arali heyo thoro ya vhuya ya lavhelela u tshila hafhu, i teya u fa u thoma. Arali thoro ya goroi i tshi vhuya ya lavhelela u tshila hafhu, a zwi konadzei tshothe... Ngauri, iyo thoro, goroi, ilo dzuvha, uyo muri, uvho hatsi, uyo muroho, tshiñwe na tshiñwe tshire tsha lavhelela u tshila hafhu tshi tea u fa u thoma. Zwenezwo ni khou ya u zwi ponya hani? Ni tea u thoma na fa. Ni tea u fa. Ni fa hani? Kha inwi mune, ni fe kha tshiñwe na tshiñwe, uri ni kone u bebwa hafhu. Ni tea u ita hezwo. Arali ni sa fi, na khathihi ni nga si tshile hafhu.

<sup>68</sup> Huno, sedzani, naa no zwi ɻivha uri duvha liñe we na liñe we uri tshiñwe tshithu tshi tea u fa uri ni kone u tshila? Zwino kha vhoiñwi Vhaadvertisithi vha duvha la Vhusumbe vhane na

vha vhukati hashu, vhatu vhanzhi vha ri, "Ndo vha ndi si nga thuntshi tshisindi, Mukomana Branham. Ndo vha ndi si nga vhulayi tholo kana muvhuda, khovhe, ngauri a thi tendi uri ri tea u vhulaya zwithu." Mukomana wanga, no vha ni tshi zwi divha uri miroho na zwithu zwine na la ndi vhutshilo-vho? Nitea u zwi vhulaya. Huno ndila i yothe ine ni nga tshila kha vhuno vhutshilo, tshinwe tshithu tshi teya u fa uri ni kone u tshila nga vhutshilo hatsho ho faho. Zwino, arali tshiñwe tshithu tshi tshi tea u fa uri ni kone u tshila nga vhutshilo hatsho vhu faho fhano kha lifhasi, u tshila vhutshilo vhu faho, naa Tshiñwe tshithu a tsho ngo tea u fa uri nga Vhutshilo Hatsho ni kone u tshila lwa U Ya Nga Hu Sa Fheli? Itonu qivhudzisa iyo mbudziso. Huno Uyo o vha e Kristo, ngauri a hu na ane a vha na u tshila tshothe. Murwa e eþe u na u tshila tshoþe. Huno U ni nea nga u tou Mu þanganedza fhedzi. Zwino, zwi fanela u fa.

<sup>69</sup> Zwino, izwo a zwi ambi u vula siaþari liswa zwino, uyu ñwaha muswa. Inwi ni ri, "Mukomana Branham, ndo vha ndi tshi khou da fhano lwa tshifhinga tshilapfu. Ndo vha murado wa tshivhidzo. Uyu Ñwaha Muswa ndi khou yo fhenda siaþari liswa huno nda thoma nga huswa." Izwo a zwi ambi hezwo. A si "u vula siaþari liswa," fhedzi zwa vhukuma u fa na u bebwa hafhu. Ni a vhona? Ni tea u pfa ni na mulandu nga maanda musi no ima Vhuhoneni Hawe, kana ni ya ndilani ya Methodisi kana ndila ya Baphuthisi, kana ndila inwe na inwe ine na tshimbila ngayo, ni tea u vha na mulandu nga maanda nahone na pfa ni na mulandu nga maanda u swika ni... Zwi do ni vhulaha. Izwo ndi zwone. I do—i do ni vhulaha. Vhutshilo hanu ha shango vhu do fa henehafho. Ni tea u didzhiela uri ni na mulandu nga maanda Vhuhoneni ha Mudzimu u swika vhutshilo hanu ha shango vhu tshi fa henehafho. Yone—yone mbudziso ya tshivhi yo fhela kha inwi musi no ima Vhuhoneni Hawe. Musi ni tshi vhonala nga u ralo, ni na vhuþanzi ha u tshila, ngauri ni a fa. Huno ndila i yoþe ine ni nga tshila hafhu ndi u vha... u fa u thoma uri ni kone u tshila hafhu.

<sup>70</sup> Zwino ni a vhona zwine nda khou da khazwo, a ni ralo? Uh-huh. Ndi mbebo-de, mabebo maswa. Tsha u thoma, u fa, uri ni kone u bebwa hafhu. Huno arali ni tshi kha di vha na zwithu zwa shango ngomu hanu, a no ngo bebwa hafhu. Huno ni khou yo amba hani uri no bebwa hafhu huno ni tshi kha di vha na zwithu zwa shango zwe nembelelaho kha inwi? Ni a vhona? Naa ni nga zwi ita hani?

<sup>71</sup> Mukriste muswa linwe quvha, tshigwada tsha vhatu... a thi khou ri a vha ralo. Fhedzi nga u sedza zwiñwe zwifanyiso, vhasadzi vha Vhakriste, vhanna vha Vhakriste, vhoþe vha a funea, u mona nga tshavho, vhe kha swuthu dza u bambela, kha u bambela. Ni a vhona? Hu tou vha... Vho ri, "Ulwo ndi lufuno lwa vhukuma." Uvho ndi vhuada ha vhukuma! A si lufuno. Lufuno lwo bulwa lwo fhambanaho na hezwo.

<sup>72</sup> Mimuya yashu yo vhewa nga lutendo kha alitari Yawe ya musinaseṭha, khaṭhulo ya Mudzimu, huno munikelo washu wo fhiswa. Zwino elelwani, musi Eliya, fhasi ha ulwo lutombo lwa musinaseṭha, o vhea tshiṭhavhelo tsha Mudzimu kha alitari, tshiṭhavhelo tsho lozwiwa. Baali ho ngo kona u fhisa tshithavhelo tshawe. A thi ṭodi u amba hezwi, fhedzi ndi fanela u zwi amba. Huno musi ni tshi ya tshivhidzoni na ṭanganedza maitele avho na zwivhumbleo zwavho zwa dzindovhedzo, huno tshone tshiṭhavhelo tshine na tea u tshi nekedza inwi muṇe uri tshi dzule heneffo, ni do takuwa ni tshi tetemela, u amba nga ndimi, u gidima hoṭhe luvhanden, kana ni do takuwa ni tshi khou lila, fhedzi, arali itsho tshiṭhavhelo tsho ṭanganedza nga Mudzimu, u fhiswa; shango lo fa kha inwi. No ṭuwa, ngauri ri didzhia ro fa nahone ro swiṭwa. Ro fa huno ro... Ro dzumbama kha Kristo. Ro dzumbiwa kha Kristo! Huno, nga nn̄da ha hezwo, zwenezwo—zwenezwo nga murahu ha musi ro fa na u swiṭwa na u dzumbama kha Kristo, zwenezwo ro pfunelwa nga Muya Mukhethwa.

<sup>73</sup> Ni a vhona zwine nda khou amba zwino? No fa. Mimuya yashu yo vhewa kha khaṭhulo Yawe Khethwa. Iyo ndi musinaseṭha. Musi mimuya yashu yo vhewa kha alitari ya khaṭhulo Khethwa, naa tshigwevho tsho vha tshi mini? Lufu. Huno musi ni tshi shuvhama kha alitari ya Mudzimu, ine ya divhadzwa lufu kha muitazwivhi, naa ni nga vuwa hani u bva heneffo, na tshila tshivhini, arali Mudzimu o ṭanganedza tshiṭhavhelo? Naa zwi a pfala zwino? Inwi ni a fa! Zwa vhukuma no swa, huno no kunakiswa. A hu tshe na tsho salaho kha inwi fhedzi tshivhumbleo itsi tshire na khou ima khatsho, vhunga ḥnowa ya musinaseṭha, vhunga zwe Kristo a vha e zwone musi vho Mu dzhia o fa nahone a rothola kha tshifhambano. No fa! Ngauri ndi ngani? U kha aleṭare ya Mudzimu ya khaṭhulo. Khaṭhulo Yawe ndi mini? Musi Muhaṭuli o no fhirisa tshigwevho Tshawe, naa fhungo la tshigwevho Tshawe ndi lifhio? Lufu. Huno musi ni tshi vhea maya wanu kha alitari Yawe ya khaṭhulo, ndi lufu kha inwi. Zwino ni a zwi pfesesa?

<sup>74</sup> Oo, ni nga di takuwa na bva heneffo huno na ita tshiñwe tshithu, ni nga di tshina Muyani, ni nga lila vhunga—vhunga nnyi na nnyi a tshi do lila, ni nga di gidima n̄ha na fhasi luvhandeni, ni nga vha murado wa tshivhidzo tshiñwe na tshiñwe, ni nga ita tshiñwe na tshiñwe tshire na ṭoda u ita, (ndi khou amba na Vhapentekostała zwino), huno na humela murahu na tshikafhadza mufumakadzi wa munna, na kwasha haya ha munna, vhañwe vha vhoiñwi vhasadzi. Ni do humela murahu hu si na ndavha uri Ipfi li da kha inwi u ita zwone na zwithu, a ni nga Zwi limuwi. Ni nga si litshe mavhudzi anu a aluwa, vhasadzi, kana hezwo. A ni nga do vhuya na ambara zwone. Ni do vha ni tshe no tou fana kokotolo na shango, ngauri a ni athu fa kha shango, ni khou tshila nało.

<sup>75</sup> Vhanwe vha vhoiñwi vhanna a ni nga litshi u ñwa, u dahan. Ni nga si litshe u emula vhasadzi vhavhi vho ambaraho lwa vhuada, musi ni tshi vha vhona tshiñarañani, madzuloni a u rembulutshela murahu, a tutshela kule. Ni do dovha na emula zwi fanaho. Ngauri ndi ngani? Ni kha di tshila na shango. Fhedzi musi itsho tshiñavhelo tsho tanganedzwa, no fa. Izwo ndi zwone. Ni a pfa zwine nda khou amba? Ni a pfesesa zwine nda khou amba nga hazwo?

<sup>76</sup> Zwino, maya wanu wo vhewa kha aleñare ya khañhulo ya Mudzimu, zwenezwo Mudzimu u tanganedza tshiñ... Zwino, zwi sumbedza uri a ni athu u I tanganedza, arali ya ralo... Arali—arali ni kha di tshila shangoni, Mudzimu ha athu u vhuya a i dzhiya. Zwino, vhoiñwi vhathu vhane na khou amba nga ha u wana Muya Mukhethwa na uri ni tea u lindela lwa tshifhinga tshilapfu hani, hafha ni hone. U swika Mudzimu a tshi tanganedza itsho tshiñavhelo, u swikela tshi tshi vhewa kha khañhulo Dzawe heneñho, u swika khañhulo Yawe zwa vhukuma yo no vhulaha zwipfi zwantu! Ni nga ri, "Zwo luga, ndi khou ya u vula siatari liswa." A si hezwo. "Zwo luga, ndi a zwi dihva uri ndo vha ndi tshi anzela u dahan, ndi khou ya u litsha u dahan." Izwo a zwi athu vha zwone. U swika Mudzimu a tshi tanganedza itsho tshiñavhelo kha aleñare Yawe ya musinaseña, aleñare Yawe ndi khañhulo. Khañhulo Yawe ndi mini? Lufu. Itsho ndi tshigwevho.

<sup>77</sup> "Muya u no tshinya," u kha di vha ngomu ha uyo, "u do fa." A thi londi zwe na ita.

<sup>78</sup> Yesu o ri, "Vhanzhi vha do da kha Nne nga ilo duvha, huno vha ri, 'Murena, naa a tho ngo ita *itshi* nähone nda ita *itsho*?' Urí, 'Tuwani kha Nne, inwi vhadzia-vhutshinyi.'" Ni a vhona?

<sup>79</sup> Musi itsho tshiñavhelo tshi tshi tanganedzwa nga mulilo, huno tsha ya nthia nga u ralo, huno vhutsi ha ya nthia, ni vuwa na tshiñavhelo tshanu tađulu, huno no pfunelwa u bva kha zwithu zwa shango. Muya washu u kha aliñari Yawe.

<sup>80</sup> No ita mini-ha, musi no vha no fa, zwenezwo ni do ita mini? Zwenezwo no bebwia nga huswa. No bebiwa nga huswa. No thoma no bebelwa vhuyhini. Zwino no bebiwa nga huswa. Naa ndi mini? Ipfi li tshilaho. Amen. Oo, izwo zwi a zwi shandukisa zwino, a zwi ralo? Zwino, ro fhedza u kakarika, nga murahu ha u vhona zwine na tea u ita. Zwino hu itea mini? No bebiwa nga huswa, kha Ipfi li tshilaho. Naa ndi mini? Ipfi li vha li tshilaho kha inwi. Ni thoma u vhona zwithu nga ndila yo fhambanaho. Hune na kundelwa u vhona izwo luthihi, zwino ni a zwi vhona. Hu na tshinwe tshithu tsho fhambanaho zwino. U ita uri Mañwalo othe a kuvhangane. U ita uri zwithu zwothe zwi tumane nga ndila yone. Zwenezwo, zwino—zwino tshinwe tshithu tshi khou thoma u bvelela. Zwino, ni fa kha kuhumbulele kwanu, zwino no dihwala, ngauri ro tanzwiwa nga madi a Ipfi. Naa izwo ndi zwone?

<sup>81</sup> Naa ni itani nga lushie zwenezwo lu tshi bebiwa? Mu ḥanzweni. Naa izwo ndi zwone? Huno nga u ḥavhanya musi munna o no fa kha ene muṇe, o bebiwa nga Mudzimu, u a ḥanzwiwa nga mađi a Ipfi. Amen. Arali A tshi ri, “Dzina la Yesu,” inwi ni ri, “Dzina la Yesu”; u ri, “Ni fanela u bebwa hafhu,” inwi ni amba zwenezwo zwithihi. Tshiñwe na tshiñwe tshire Mudzimu a amba, no ḥanzwiwa nga ayo mađi a Ipfi. Amen.

<sup>82</sup> Zwino, no lugela vhutshilo zwino. No lugela u vha... thomani nnda zwino. Zwino no bebiwa nga huswa, no bebelwa muṭani wa Mudzimu, ni na mubebebi muswa. Ee, muṇe wanga. Vhadededzi vhanu vho dzulela u... Zwino ni na mudededzi a re hone zwino, ni na Mubebebi muswa. Ni nga si bebiwe ni si na mubebebi. Ngauralo arali no bebwa kha vhukomana ha tshivhidzo, ndi zwine na vha nazwo. Arali no bebelwa kha ndaela, khezwo. Fhedzi arali no bebwa kha Mudzimu, no bebiwa nga Ipfi Lawe, ni na Mubebebi muswa, uyo ndi Mudzimu, o lugelaho u ita uri Ipfi Lawe li divhee vhukati, kha inwi, Li ambeni nga kha inwi. Oo, Mubebebi muswa, uyo Mubebebi ndi Mudzimu. O lugela u dzhia Ipfi Lawe zwino uri O no di amba, huno a li vhea kha inwi huno a Li ita uri li de vhutshiloni. Ni a vhona? Zwino ni u pfumbudzwa hanu zwino. No lugela, no lugela u ya u pfumbudzwa zwino, u pfumbudzwa ha የwana. Itsho ndi tshipida tshi kondaho, musi ni tshi elekanya uri ni tea u ita *itshi*, huno Ipfi li a ni tshea nahone la ni sumbedza tshiñwe tshithu-vho. “Mulandu, vha tenda izwo nga n̄tha...” Izwo a zwi iti phambano zwine vha tenda. Ngezwi zwe Mudzimu a amba! Ni tea u vha kha mushumo wa Khotsi. Zwino ni khou bebwa hafhu. Zwino ni khou luga, ni khou dzudzanye. Ni na Mubebebi muswa.

<sup>83</sup> Ngauralo, u itela uri arali no bebwa hafhu huno ni na Mubebebi muswa, zwenezwo ni na mvelo ntswa. Mvelo ya kale yo fa, huno ni na wana mvelo ntswa. No vhuya na ya thungo nthihi, zwino ni khou ya kha inwe ndila. No vhuya na ya thungo *heyi*, fhasi, zwino ni khou ya thungo *heyi*, n̄tha. Lutamo lwanu lwo vhewa kha zwithu zwa n̄tha. Lutamo luswa! A ni tsha funa zwithu zwa shango, madzangalelo aṇu a kha Mudzimu. A ni londi zwine munna a amba, nga ndila ine vha ni sea nahone vha ri ni “modele wa kale,” kana tshiñwe na tshiñwe tshi re tshore nga u ralo, a ni londi, ngauri no bebbiwa u bva n̄tha huno lutamo lwanu lwo vhewa—vhewa kha zwithu zwa n̄tha. Mudzimu ha ni shoni nahone a ni Mu shoni. Izwo ndi zwone. Ngauralo ni... Vhalani ndima ya vhu11 ya Vhaheberu henefha. Ndo i የwala fhasi. Uri ndi ngani, hani, vhathu nga ilo ḫuvha, nga ndila ye vha ita. Vho tendeleka hani ngomu mikumbani ya nngu, sogani, nahone vho hanganea, na zwiñwe zwoṭhe, kha ane shango a lo ngo mu fanela. Ni a vhona? Zwi vhaleni, zwi ḫo vha zwavhudī kha inwi. Huno ni nga kona u vhona henefho, zwine vhathu musi mvelo yavho i tshi shandukiswa, zwine zwa bvelela.

<sup>84</sup> Zwino, “Naa ni na lushaka-de lwa mvelo nga itsho tshifhinga, Mukomana Branham?” Mvelo yawe. Arali ndo vha ndi na mvelo ya khotsi anga, zwenezwo ndo vha ndi tshi do ita zwithu zwe khotsi anga vha ita. Fhedzi zwino ndo bebwa hafhu, zwi bva kha uri khotsi anga vho vha vhe nnyi. Arali no tou bebwa tshivhidzoni, ni na khotsi a tshivhidzo, huno ni nga mu vhidza “khotsi” arali ni tshi ḥoda u ralo. Ni mu vhidza tshiñwe na tshiñwe tshine na ḥoda, ngauri ndi khotsi anu. Fhedzi arali Khotsi anu a Mudzimu, huno no bebwa muṭani wa Mudzimu, ni ḥoda izwo zwithu two teaho Mudzimu. Ndi zwone. Zwenezwo ni ḥwana wa Mudzimu. Mvelo yaṇu ndi mvumbo ya Mudzimu. Zwenezwo musi vhañwe, oo, ni a vha pfa, vhañwe vha ri, “Oo, tshivhidzo tshashu tshi tenda uri mađuvha a mađembe o fhira.” Naa ni nga tenda hani uri mađuvha a mađembe o fhira musi mvelo yeneyo ya Mudzimu i kha inwi? Musi Ene e mađembe? Tsiko yawe ndi madembe, dzema ḥawe ndi mađembe, vhuvha Hawe hothe ndi mađembe. Ni nga vha hani tshiñwe tshithu-vho fhedzi mađembe? Mabebo anu maswa ndi mađembe. Vhutshilo hanu vhuswa ndi mađembe. Na mupo waṇu ndi mađembe. Ni nga lavhelesa hani murahu na ri, “Izwo zwithu two fa. Hezwi ndi zwone.” Ni a vhona? Ni tshivhumbwa tthiswa, tsiko ntswa. Ngoho.

<sup>85</sup> [A hu na tshithu kha theiphi—Mudz.] Huno musi vhushie vhu tshi bebiwa ho vha hu zwikukwana zweṭhe fhedzi tshithihi. Ovha e goni. O vha e musuhama a sa ngo doweleaho. O vha o fhambana tshoṭhe, fhedzi, ni a vhona, o bebwa kha liñwe sia. Vhu—vhu—mbeu na gumba two vha two fhambana, yo ita tshinoni tsho fhambanaho. Zwavhukuma a vhonala sa a sili, a difara lu seisahi kha vhañwe vhoṭhe, fhedzi o vha a—o vha a tshi difara sa wa tsiko, ngauri lo vha li sa tsha kona u ita, ngauri lo—lo vha li goni. Mvelo yalo—yalo yo vha i goni, ngauralo ndi zwenezwo fhedzi zwe la kona u vha zwone ho vha hu goni. Fhedzi hu na vhunzhi havho nn̄da kha idzi dinomineisheni, zwa vhukuma ndi magoni, fhedzi ni songo tou sedza heneffo u vha vhona vha tshi khou mona kha thophe na zwithu zwa shango. Ni a vhona? Ndi, ndi vhone bindu ḥashu, iyani u vha wana.

<sup>86</sup> Liñwe ḫuvha mme goni la kale lo ḫa, huno ni elekanya uri phambo yo vha i tshi nga vhuya ya li dzudza mavuni? A hu londwi uri o ita kukuliko zwingafhani, two luga hani, a ri, “Ida hafha, mufunwa. Ndo wana tshiñwe tshithu henehafha, tshi no ḫa.” Yawee, nn̄enñe! Madzangalelo awe o vha e kha zwithu zwi re n̄tha, huno a ya u ḥangana nazwo. A hu tshe na dinomineisheni dzawe. Ni nga si mu vhidzele kule Hazwo.

<sup>87</sup> Huno muthu o bebwaho nga Mudzimu, ni nga si mu vhuisse murahu kha uho u señwa ha tshivhi hafhu. Lo fa, nahone lo bebwa hafhu. Ndi tshivhumbwa tthiswa. U na mvelo ya Goni. O vha a tshi tea u ya lutomboni nahone a fhufha. O vha a tshi tea u ya n̄tha heneffo hune Mme avha, Mubebi wawe.

<sup>88</sup> Huno ndi nga ndila ine na . . . munna ane a tenda, u a linga, “Oo, idani ni vhe murado wa tshivhidzo tshashu. Zwino, uvho ndi vhusweleli ho kalulaho. Du—du—duvha . . .”

<sup>89</sup> Zwino, arali ilo goni lītuku khamusi lo ima ngei nn̄da huno la pfa uyo mme a tshi lila, huno a sedza u mona hōthe huno a ri, “Naa ndi ngafhi?” Hafha, khamusi o lila tshinwe tshithu tshi no nga itshi kha goni lītuku, “Yesu Kristo a sa shanduki mulovha, namusi, na lini na lini.”

<sup>90</sup> Huno mme vha ri, “Maduvha a madembe o fhira, koko, koko, koko, koko. Maduvha a madembe o fhira. A hu na tshithu tsho raloh! Uvho ndi vhusweleli ho kalulaho!” Yawee, n̄menne!

<sup>91</sup> Mulandu, no vha ni si tsha kona u mu fara. Ndi a kona u tou mu pfa a tshi ri, “Mma, naa ndi swika hani n̄tha?”

<sup>92</sup> “Itanu babamedza phapha dzanu, mufunwa. Ndi zwenezwo fhedzi zwine na tea u ita. Ni goni. Itanu tshimbila nga lutendo.”

“Zwi khou ya u vha hani, Mma?”

<sup>93</sup> “A thi divhi. Itanu bvela phanda na u thamuwa.” Khelo li khou da. U thamuwa halo ha u thoma, la ima n̄tha ha pala ya darāta. A ya n̄tha nga u ralo, naho zwo ralo. A ri, “Itau da, ndi do u gavha.” Ndi zwezwo.

<sup>94</sup> Mvelo ntswa, tshivhili tshiswa, tsiko ntswa, mvelo ya Khotsi anu. Huno ni a tenda nahone na funa Ipfi linwe na linwe le A amba. Ipfi la muthu muñwe na muñwe ndi mazwifhi, lo fhambanaho na heli Ipfi. Helí ndi Ipfi la Mudzimu. Ni a vhona? Bivhili yo luga. A thi londi zwine tshivhidzo tsha amba, Bivhili i kha q̄i vha yo luga, kha inwi, ngauri mvelo yañu yo shandukiswa. Zwino, arali ni na—na khotsi wa tshivhidzo, ni do tenda kha uyo khotsi wa tshivhidzo. Fhedzi arali ni na Khotsi, Mudzimu, ni do tenda kha Ipfi la Mudzimu. Arali ni na khotsi tshivhidzoni, ni do tenda hezwo ngauri ni vha mvelo yawe, ndi khotsi anu. Fhedzi arali Khotsi anu e Mudzimu, zwenezwo ni do tenda Ipfi la Mudzimu. Arali ni tshivhidzo, ni do—ni do tenda ipfi lawe, ni do tenda ipfi la tshivhidzo, ni do vha zwine tshivhidzo tsha amba. Fhedzi arali no bebwa hafhu, zwenezwo ni do tenda zwine Mudzimu a amba, ngauri Mudzimu ndi Khotsi anu; hu si shango kana ndaela dla tshivhidzo.

<sup>95</sup> Zwi nkhubudza. Linwe duvha yone, kha—kha dzharāta, vho ri vha na sekwa lo vha li tshi khou tevhela dziñwe khuhu. Huno lone—lone sekwa, ni a divha, lo vha li tshithu tshiñtuku tshi seisaho kha idzo khuhu. I tou nga yo nona, ni a divha, na mudzedze muhulu, ni a divha. Fhedzi hezwo, i tshi vha yo nonaho, yo—yo vha na uyo mudzedze u itela inwe ndivho. Huno ndi nga ndila ine nda humbulela tshinwe tshifhinga uri Mukriste u vhonalá e muñku, a tshi vha wa vhusweleli ho kalulaho zwiñtuku, fhedzi—fhedzi izwo zwi heneffo u itela ndivho. Ni a vhona? Ngauralo, lone, zwo vha zwi tshi vhonalá zwi tshi seisa musi li tshi khou tshimbila na khukhwana, nahone lo vha li

tshi . . . mphwe na zwiñwe, zwo—zwo—zwo vha zwi na mudzedze muñuku, huno vhona, na musi zwithu zwe vha ita, huno vho vha vha songo fhañwa vhunga iñ sekwa. Liñwe ñuvha mme vha mu ranga phanda, na tshigwada tsha khuhu huno ene, nn̄da murahu. O vha e murahu tshifhinga tshothe ndilani, ni a ñivha, zwi no nga. A li ngo vhuya la amba vhunga dzone. Luambo lwañ lwo vha lwo fhambana. A vho ngo kona u pfesesana.

<sup>96</sup> Iyo ndi ndila kha Mukriste musi o bebwa hafhu, ni a vhona. U bva kha gumba lo fhambanaho, ndi zwenezwo fhedzi. Ni a vhona? Khamusi u na . . . ndi tenda uri hu na vhanzhi vhavho nn̄da hafha kha izwi zwivhidzo zwa dinomineisheni, ayo ndi masekwa a vhukuma, fhedzi a na murangaphanda wa khuhu. Izwo ndi zwone. Ngauralo ha tou A sa zwi wani. Izwo zwi pfala zwi zwa vhuhali. A thi zwi ambi nga iyo ndila, fhedzi ndi khou lingedza u ita mbuno.

<sup>97</sup> Liñwe ñuvha la tuwa natsho kulenyana murahu ha hoko. Ho vha hu na mađi a tshi khou ela murahu ha hoko. Iina. Tshisima tshi khou bva, ludambwana. Huno lo vha li tshi khou ya henefho li tshi khou mangala uri zwi nga ha mini, ni a ñivha, a tshi khou tevhela phambo. Huno, mulandu, ho ngo vhuya a takalela nn̄dyo ye vha vha tshi khou i la, yo vha i sa vhonali yo luga khae. Hezwi zwithu zwa kale zwine vha ita, a zwo ngo vhonala zwi zwone. Ngauralo nga murahu ha tshifhinganyana zwa itea a fara mufemo. “Izwo zwo pfala zwi zwone. Naa izwo zwo bva ngafhi?” Oo, uyo mufemo muñuku wa Tađulu, hummm! Wanani mufhe muñuku wa tshithu tshifhodzaho, mulaedza une wa takalelea kha inwi, une wa nwelela ngomu, ni pfa Ipfi li tshi Dikhwañisa. Hummm, tshedza tsha Liñadulu! A elekanya, “Oo, nga iñwe ndila, uyo mufemo une nda vha nawo, u fanela mvelo yanga.” A u femela hafhu. “Zwi huñwe fhethu. Zwino, ni nga si mmbudze; zwi huñwe fhethu. Ndi a ñivha uri hu na tshinwe tshithu huñwe fhethu tshire nda wela khatsho,” hu si kha heyi ndaela. Ni a vhona? Ni a ñivha zwine nda khou amba? O pfa munukho wa mađi, huno mvelo yawe yo vha i sekwa, ngauralo sekwa na mađi zwi tou tshimbila zwothe. Iyo ndi ndila ine mutendi na Mudzimu vha tshimbila vhothe. Nga u ñavhanyedza la wana huñwe u nukhelela huhulu, la vha lo khwañhaho lwo engedzeaho. Nga murahu ha tshifhinganyana muya wa thoma u vhudzula. Vhunga U vhuzzulaho, Muya wa maanda, ni a ñivha. Wa thoma u bvisa mufhe nga nn̄da ha madi, khalo. A lo ngo kona u zwi kondelela. La mbo di tsela fhasi kha tshikwara, u tudza, u tudza, u tudza, u tudza, u tou, ni a ñivha li tshi ri, “Hoko-hoko, hoko-hoko, hoko-hoko.” Ilo mulomo muñuku wo ima n̄tha muyani, ni a ñivha. O pfa munukho wa mađi!

<sup>98</sup> Phambo ya kale yo ri, “Inwi wa vhusweleli ho kalulaho, humelani murahu hafha!” A zwi tsha farisa na luthihi; lo no nukhedza mađi kale. Lo vha li ndilani yañ ya u ya madini!

<sup>99</sup> “Hu na tshisima tsho dalaho Malofha, a bvaho kha tsinga dla Imanuwele, hune vhaitezivhi vha mbwandamela fhasi ha mudalo huno vha xedza dondo lothe la mulandu wavho.” Mukriste wa vhukuma ha ṭodi tshithu tshi kwamanaho na shango. A vha ṭodi u dzula henefha vho ṭanganana na u divhudzisa hune vha vha hone, huno namusi ndi Mumethodisi na matshelo ndi vhone vha Baphuthisi, na Mupuresbiterieni na Vhapentekostala, na vhanwe-vho. Oo, mukomana, izwo zwi a shonisa! Mukriste wa vhukuma u ṭoda u wana u vusuludzwa ha Muya, vusuludzwa ha Mudzimu vhutshiloni hawe, tshiñwe tshithu tshine tsha mu ita tsiko ntswa. Zwenezwo a tshi tou wana itsho tshivhana, u do reila nga nt̄ha ha mavu a mahada kana tshiñwe tshithu-vho u swika khayo. Li do ṭuwa, ngauri ndi sekwa tsha u tou thoma. Ee. A si ndaela, hai, hai, hai.

<sup>100</sup> Huno arali ni tshi kha di funa zwithu zwa shango, no fhurwa, tshiñhavhelo tshañu a tshi athu ṭanganedzwa, mvelo yanu a yo ngo shandukiswa. Zwino ni a divha uri zwi amba mini u bebwa hafhu? Ni a vhona, mvelo yanu yo shandukiswa, ni vha tshivhumbwa tshiswa. Ni tea u thoma na fa, huno zwenezwo na bebwa hafhu. Ndi a zwi divha uri ndi tshifhinga tsha uri ndi vale, fhedzi itou n̄nea miniti i si gathi, ndi do gidima kha idzi ṭoho nga u ṭavhanya vhukuma, ni a vhona, ni a vhona. Arali ni tshi kha di funa shango, huno na amba uri no bebwa hafhu, a hu londwi zwe na ita... Ni nga divha no lila, ni nga di vha no pfa munzenzero u tshi fhira kha inwi. Zwothe zwe luga, a thi lwi nazwo. Vhakriste vha a lila nahone vha vha na munzenzero u tshi pfuka khavho. Huno inwi ni ri, “Mukomana Branham, ndo amba nga dzindimi fhedzi...” Izwo zwi nga di vha zwe luga, huno izwo zwi nga di tou vha zwavhuđi nga maanda misi yothe.

<sup>101</sup> Ndo sedza musadzi mułuku zwa zwino we a da kha nne hu si kale e na bono kana muloro we a vha nawo, huno ndi na thalutshedzo. Naho zwe ralo, zwi a kondà u ya u vhudza mufumakadzi wa mureri mułuku wa Pentekostala uri o vha a si na Muya Mukhethwa, uh-huh, fhedzi ho ngo ralo. Fhedzi zwenezwo o U ṭanganedza, ni a vhona.

<sup>102</sup> Ee, zwe fhambana, ni a vhona. Jina, a si u amba nga dzindimi, a si u tshina Muyani. A hu na tshithihi tsha izwo zwithu tshine ni nga U vhea khatsho. Ndi lufu na Mbebo, mvelo yo shandukaho, vhuimo ho shandukiswaho. Zwithu zwa kale zwe fa, zwithu zwiswa ndi zwiswa; shango lo fa nahone Mudzimu ndi muswa. Mudzimu ndi Vhutshilo hañu, huno shango lo fa kha inwi. Zwino ni a zwi wana? Zwe luga.

<sup>103</sup> Zwino thetšelesani. Ndi khou ya u tumula zwiłukunyana hafha, ni a divha, bvisani zwithivheli ndilani. Vhasadzi na vhanna vhanne vha sa do tevhela Ipfi la Mudzimu na Pfunzo Yawe nga murahu ha musi vho no ri vha do bebwa hafhu, hu na tshiñwe tshithu tsho khakheaho. Ndi khou yo amba na vhasadzi lwa

tshifhinganyana. Arali musadzi a no divha uri Ipfi la Mudzimu li haṭula mavhudzi o fhungudzelwaho nahone a tshi ambara dzishothi, a tshi ambara zwileke, a tshi ambara lwa vhuada, huno a ni na thonifho yo edanaho u litsha mavhudzi anu a aluwa nahone a ambara zwiambaro vhane vha vhonala sa Mukriste, no fhuriwa. A thi londi zwe na fhira khazwo. Ni nga di vha no amba nga dzindimi vhunga u shululela dzieregisi n̄tha ha kholomo yo omaho. Ni nga vha no ralo, ni nga vha no tshina Muyani u swika ni tshi dzinginyisa tshifhaṭo tshoṭhe. Izwo a zwi na mushumo nazwo. Zwi sumbedza uri lufuno lwa shango lu kha di vha kha inwi. Musi Mudzimu a tshi zwi haṭula izwo! O ri, “A si... Musadzi u tea u vha na mavhudzi awe malapfu. Huno mupo wone uṇe u ni funza uri munna u tea u vha na mavhudzi mapfufhi, ngauri Mudzimu u nga n̄tha ha munna, na munna nga n̄tha ha musadzi.” Huno arali musadzi a ḥunya mavhudzi awe, u nyadzisa ḥoho yawe, ine ya vha munna wawe. Arali munna a tshi litsha mavhudzi awe a aluwa, zwenezwo u nyadzisa ḥoho yawe, ine ya vha Kristo. Ni a vhonā? “I ri ni vhasadzi vhaṇu vha ḫitame nga zwiambaro zwo fanelaho,” vho kuna, u fana na mufumakadzi. Ni a vhonā?

<sup>104</sup> Huno zwenezwo hu si na khuliso zwayo ya u ita hezwo, ri ri, “Vhugala kha Mudzimu! Haleluya! Ndo amba nga dzindimi. Haleluya! Vhugala kha Mudzimu!” Izwo zwi sumbedza uyo maya ngomu heneffho wo khakhea. Li do ḥanganedza Ipfi tshifhinga tshoṭhe arali hu mvelo ya Ipfi. Huno Ipfi ndi ḥama, huno Ipfi lo vha li Mudzimu, huno Ipfi ndi Mudzimu; huno Maipfi a kha inwi, a ni ita uri ni vhe murwa kana ḥwananyana wa Mudzimu, ḫadzwane Lawe, ni tshi tenda Ipfi Lawe.

<sup>105</sup> “A thi tendi kha ilo Dzina la kale la Murena Yesu, u lovhedzwa ngalo. Haleluya! A thi londi uri ni lingedza u zwi ḥalutshedza zwingafhani, ndi tenda mufunzi wanga.” Bvelani phanda, avho ndi khotsi anu. Fhedzi arali Mudzimu e Khotsi anu, ni do dadamala na Ipfi la Mudzimu.

<sup>106</sup> Mureri: “Vhanzhi vha do da kha Nne nga ilo duvha, vha ri, ‘Murena, naa a tho ngo pandela vhodiabolo nga Dzina Lau?’ Vhareri. ‘Naa a tho ngo ita mishumo minzhi ya maanda?’ Vhaevangeli tsimuni. ‘Tuwani kha Nne, inwi vhadzia-vhutshinyi,’” khangamutupo. Izwo ndi zwone.

<sup>107</sup> Arali no bebwā nga Mudzimu, no ḥanzwiwa madini a Ipfi, no fhandekanywa kha zwithu zwa shango, huno na tenda Mudzimu. No fa. No fa kha kuhumbulele kwaṇu, no fa kha mihumbulo yanu inwi muṇe, no fa kha tshiñwe na tshiñwe fhedzi Ipfi la Mudzimu; huno U tshila ngomu hanu, a tshi shuma murahu nga kha inwi, u sumbedza uri ndi Ipfi la Mudzimu. Ni ri, “Ndo fa kha w... Ndo fa kha shango, Mukomana Branham.” Huno a landula Ipfi la Mudzimu?

<sup>108</sup> Yesu o ri, “Izwi zwiga zwi do tevhela avho vha no tenda.” Zwino ri khous tsela fhasi kha zwine “u bebwa hafhu” zwa amba. Ni a vhona?

<sup>109</sup> Vha tshi kha di vha na mbiti, vha tshi kha di amba, vha tshi dihudza. Muñwe muthu u amba tshiñwe tshithu nga ha inwi, inwi heneffo ntha no lugela u lwa. Huno zwenezwo, o bebwa nga Muya wa Mudzimu? Hai. Muya wa Mudzimu a u iti nga u ralo. Hai. Muya wa Mudzimu wo ṭukufhala, u bvuda, u difhelela, u kondelela. Uyo ndi Mudzimu, wa lufuno, wa vhulenda, a tshi hangwela, hoyo ndi Muya wa Mudzimu. Oo, ee.

<sup>110</sup> Fhedzi vha do farelela kha iyo dinomineisheni nahone vha amba nga dzindimi, u porofita, u ita tshaka dzothe dza mishumo. Yesu o ri vha do zwi ita. “Vha na tshifanyiso tsha unga vha ofha Mudzimu.” Farelelani kha dinomineisheni ngauri avho ndi khotsi avho. Vho bebwa kha khotsi wa dinomineisheni. Fhedzi arali no bebiwa nga Mudzimu, *Hoyu* ndi Khotsi anu, Ndi ene Ipfi, Ipfi. A hu londwi uri ni na minyanyuwo mingana, u kha di vha ñwana wa Sathane u swika ni tshi fa kha shango na tshiila kha Kristo. Thetshelesani, nga u ṭavhanya zwino.

<sup>111</sup> Muya, wavhuði kana muvhi, lufu a lu u shandukisi. Ndi na Mañwalwa manzhi e nda ñwala fhasi u itela u redza nga hao, “muya-de nandi.” Muya ndi mini? Ndi inwi. Ni myua. Tshipida ngomu hanu. Huno musi ni tshi fa, tshiñwe na tshiñwe tshire maya wa vha khatsho, iyo ndi ñdila ine wa tshimbila. U ya vhuyoni hawo. No vha ni nga si tshi kokodzele ntha zwi si ndavha zwine nga u itela, uyo myua u tea u shandukiswa hafha, u bebiwa hafhu.

Inwi ni ri, “Mini-ha nga ha Muya Mukhethwa, Mukomana Branham?”

<sup>112</sup> Muya Mukhethwa u ni lovhedzela kha Muvhili, u itela tshumelo, fhedzi ni tenda kha Vhutshilo Vhu Sa Pheli. “Ane a pfa Maipfi Anga huno a tenda kha Uyo we a Nthuma, *u na* Vhutshilo Vhu Sa Pheli.” Ni a vhona? Zwenezwo ni lovhedzwa nga Muya Mukhethwa kha Muvhili, u itela mbonadzo dza mpho, na zwiñwe zwinzhi, fhedzi ni tenda kha Vhutshilo Vhu Sa Pheli. A tendaho u na Vhutshilo Vhu Sa Pheli. Huno musi ni tshi tenda ndi musi no fa, nahone no bebwa, no shandukiswa, tshivhumbwa tshiswa. Zwo luga.

<sup>113</sup> Muya, zwino elelwani, wavhuði kana muvhi, lufu a lu na mushumo nalwo. Lufu lu tou tshi isa kha vhuyo halwo. Ni a zwi pfa? Huno arali ni tshi kha di vha na shango na lufuno lwa shango ngomu hawo, li do fa na inwi, ngauri shango li fanela u fa. Mudzimu o hañula shango, iyo ndi nzudzanyo ya shango. Mudzimu o li hañula huno li tea u fa. Huno arali ilo shango li kha inwi, ni do fa na ilo shango. Nne nne, a thi vhoni uri zwi nga vha hani khagala-vho. Ni a vhona? Huno arali zwi zwavhuði, u bebwa nga Mudzimu, zwi tea u ya kha Mudzimu. Arali hu

shango, li do dzula li hone uri li lovhe na shango. Arali zwi zwa Mudzimu, zwi do tshila na Mudzimu, o funzea kana a songo funzeaho. O funzeaho kana a songo funzwaho, arali shango li tshi kha di vha heneffho, li fanelu u fa. Huno arali shango li muyani wañu, nahone lutamo lwanu lu lwa zwithu zwa shango, ni do lovha na shango. Izwo zwi khagala, a si zwone? Zwi tea u ralo. Ni tshipida tsha shango lo faho. Huno vhunga shango lo fa, no fa na shango.

<sup>114</sup> Fhedzi arali no bebwa hafhu, ni a tshila na Kristo, huno madzangalelo anu a kha zwithu zwa n̄tha nahone hu si kha zwithu zwa shango. Fhedzi arali no bebwa hafhu nga Muya wa Mudzimu, ni vha tshipida tsha Mudzimu nahone ni wa U Ya Nga Hu Sa Pheli Nae. Zwenezwo, lufu lu nga si ni kwame musi no bebwa hafhu. Ni wa U Ya Nga Hu Sa Pheli. No shanduka u bva kha zwivhumbwa zwa tshifhinga u ya kha tshiyhumbwa tsha U Ya Nga Hu Sa Pheli. No shanduka u bva lufuni u ya kha Vhutshilo. Ndi khou amba nga ha “U Ya Nga Hu Sa Pheli.” U bva kha lufu lwa U Ya Nga Hu Sa Pheli u ya kha Vhutshilo Vhu Sa Pheli. Arali ni wa shango, ni fa fhano nalo. Arali ni tshi funa . . . Bivhili yo amba, kha Yohane, “Arali ni tshi funa shango kana zwithu zwa shango, ndi ngauri lufuno lwa Mudzimu a lu vhuyi lwa vha kha inwi.” Ni nga si fune shango. Huno Yesu o ri, “Ni nga si fune Mudzimu na mamona.” *Mamona* ndi “shango.” Ni nga si fune shango na Mudzimu nga tshifhinga tshithihi. “Huno uyo ane a ri u ya Mpfunu, nahone ha vhulungi maambwi Anga,” hezwo ndi, Bivhili, “ndi muzwifhi, huno Ngoho a iho khae.” Khezwo-ha.

<sup>115</sup> Oo, Thaberenakele ya Branham, na vhoiñwi vhatu vhothe vhavhudi, kha ri diçole! Uyu ndi wa Nwaha Muswa. Kha ri thome, kha ri ite tshinwe tshithu, u bvisa zwithu zwa shango ngomu hashu. Arali zwi tshi kha di vha ngomu heneffho, kha ri zwi litshe. Ee, muñe wanga. Zwo luga, vhatu vha ñamusi . . . ndi tea u ḥavhanya.

<sup>116</sup> Vhatu vha ñamusi vha dzhia tshakha dzothe dza mimuya. Vha ya n̄tha huno vha dzhia maya wa tshividzo, vha vhuya vha dzhia mimuya i no divhidza “mimuya ya Mudzimu, yo bebwaho hafhu,” huno vha hana Ipfi la Mudzimu uri ndi ngoho. Naa ni nga humbulela Muya wa Mudzimu u tshi landula Ipfi Lawe Ene muñe? Kha vhoiñwi vhatu vha Katolika, Roma Katolika, ndi amba uri, ni nga ri no bebwa nga Muya wa Mudzimu, huno vha dzhia idzo dogima dzo fhambanaho na Bivhili, huno vha hana Ipfi la Mudzimu, nahone vha ri ni . . . Muya wa Mudzimu u kha inwi? Muya we wa ñwala iyi Bivhili u do I hana? Uyo u do vha nñe ndi tshi khou amba tshinwe tshithu huno ndo ima nahone ndi tshi khou zwifha. Mudzimu a tshi khou amba tshinwe tshithu, zwenezwo a rembuluwa huno a zwifha nga hazwo? Musi Bivhili yo ri, “A zwi konadzei uri Mudzimu a zwifhe, ngauri ndi Ene tshenetsho Tshisima tsha Ngoho yothe.”

<sup>117</sup> Vhoiñwi vha Methodisi, Baphuthisi, vhane na lovhedzwa nga maimo a “Khotsi, Murwa, Muya Mukhethwa,” huno ni divha phambano zwino? Ni na Bivhili yanu. Vhoiñwi vhane na tou dzhia u vha murađo wa tshihidzo, nga u khađana? Inwi a no dzhia luñwalo lwañu nga tshañu, huno na amba zwauri no bebwahafhu nga Muya wa Mudzimu? Naa ni nga zwi ita hani, huno zwenezwo na sedza tshifhañuwoni tsha Ipfi la Mudzimu huno na divhidza Mukriste o bebwaho hafhu? Musi no fa kha tshihidzo, no fa kha dzindaela, no fa kha shango, no fa kha tshiñwe na tshiñwe-vho nga nnđa ha Mudzimu, huno Mudzimu ndi Ipfi! Khezwo. Kha ri vhone. Vha dzhia lushaka luñwe na luñwe lwa mya. Oo, vha na mimuya ya tshihidzo, i na tshaka dzođhe dza mimuya. Zwino thetselesani nga vhuronwane.

<sup>118</sup> Vhaporofita! Ipfi la Mudzimu li da kha muporofita. Bivhili yo amba ngauralo. Zwino, ri tshi vala, ndi tou vha na manwe mahumbulwa hafha, kana ngauralo, ndi ḥodou pfuka, huno zwenezwo ndi khou yo tumula. Ipfi la Murena li dela vhaporofita. Naa ndi mini tshi no da kha vhaporofita? Ipfi la tshihidzo lo dela vhaporofita? [Tshihidzo tshi ri, “Hai.”—Mudz.] Ipfi la ndaela lo da kha muporofita? [“Hai.”] Ipfi la Murena! Naa ho vha hu mini? Muporofita o dzumbulula Ipfi la Mudzimu. Ni a vhona? Avho ndi vhaporofita, vhaporofita vha vhukuma. Zwino, ri na vhaporofita vha khole-khole, ri khou ya khavho nga muniti fhedzi. Fhedzi muporofita wa ngoho, Ipfi la ngoho lo da kha muporofita wa ngoho. Li nga si vhe tshiñwe tshithu-vho. Zwino, ndaela a yo ngo da kha muporofita, dinomineisheni a yo ngo da kha muporofita. Hai. Fhedzi Ipfi la Murena lo dela muporofita, huno a Li dzumbululela vhathe. Muporofita wa ngoho o vha e na Ipfi la ngoho.

<sup>119</sup> Naa ni linga hani muporofita wa ngoho? Musi a na Ipfi la ngoho. Zwenezwo arali i si Ipfi la ngoho, i tea u vha ya khole-khole. Arali li tshi amba tshiñwe tshithu tsho fhambanaho na ili Ipfi, huno ili Ipfi ndi Ipfi la Mudzimu, ipfi linwe na linwe la muporofita kha li vhe mazwifhi huno Ipfi la Mudzimu li vhe ngoho. Huno arali ilo Ipfi li tshi khou bva kha muporofita, ndi Ipfi la Mudzimu, zwenezwo ndi muporofita wa ngoho, ngauri Ipfi li da kha vhaporofita, vhaporofita vha ngoho. Tshifhinga tshođhe ro vha na vha khole-khole. Vhaporofita vha ngoho, Ipfi la ngoho. Vhaporofita vha u zwifha, ipfi la u zwifha, “mikhuvha yashu, dinomineisheni dzashu, i vha murađo wa hetshi, ambani hetshi, tendani hetshi, itani hetshi.”

<sup>120</sup> Fhedzi Ipfi la ngoho li da kha muporofita wa ngoho, huno u ni vhudza Ipfi la ngoho. Ni tevhela ilo Ipfi la ngoho, huno na wana tshenzhemu tsha vhukuma tsha Ipfi ngauri Ipfi li itwa ñama kha inwi, huno ni vha murwa wa Mudzimu, huno Ipfi la Mudzimu li khou vuseledzela nnđa ha Mudzimu ngomu hanu, ngauri ni Mvelo Yawe, Muya Wawe u kha inwi huno ni do ita

mishumo ya Mudzimu. Halełuya! Bivhili yo amba nga u ralo. Yawee, nne nne!

<sup>121</sup> Vhaporofita vha khole-khole vha qisa maipfi a mazwifhi. Naa vha ita mini? Vha na minyanyuwo ya khole-khole. Vhaporofita vha khole-khole vha vhulunga zwo edanaho zwa Ipfi la ngoho u vha li si lone. Vho vha vha tshi anzela u sa zwi ita, fhedzi Bivhili yo ri... Ni toda u ḥwala fhasi Luṅwalo nga ha izwo, Timotheo ya Vhuvhili 3, ni a vhona. Vhaporofita vha khole-khole vha na zwo edanaho zwa Ipfi la ngoho u zwi ita uri zwi vhe zwa khole-khole, ngauri Bivhili yo ri vha do vha na “tshifanyiso tsha unga vha ofha Mudzimu.” Uri vha vhe na tshifanyiso tsha unga vha ofha Mudzimu, vha tea u vha na zwińwe zwazwo sa Ngoho. “Tshifanyiso tsha u nga vha ofha Mudzimu, fhedzi landulani maanda aho.” Maanda a mini? U ni ita uri ni onyolowe, ni vhe o fhambanaho, shumelani Mudzimu, hu si u ya dzidantsini na zwithu zwa shango, Bivhili i a haṭula, hu si u ḥunya mavhudzi aṇu. Vhunga, vhaporofita vha khole-khole vha tshi amba izwo, “A zwi iti phambano.”

<sup>122</sup> Muńwe o amba a si kale, (ndi tenda uri ndo zwi topola hafha murahu, a thi ḫivhi) ha pfi, “Mulandu shangoni u sa ḥutsheli avho vhasadzi na vhanna fhedzi,” kha nne. Ha pfi, “Mūlandu, henefho, vhathu vha u tenda uri u muporofita.”

Nda ri, “A thi ene.”

<sup>123</sup> “Fhedzi vhathu vha tenda uri ni ralo. Ndi ngani ni sa vha funzi ndila ya u ḥanganedza mabono, ndila ya u ita mishumo ya Mudzimu nga u ralo?”

<sup>124</sup> Nda ri, “Naa ndi nga vha funza hani maledere ngeno vha sa ḫivhi ABC dzavho?” Ni a vhona? Ni a vhona? Ni nga bvisa hani ḥwana khireshe huno na mu nea pfunzo ya gudedzi ḥamusi, mu funzeni vhulapfu ha ndinganyo dza khuḍa? Ni nga zwi ita hani arali a sa ḫivhi ABC dzawe? Ni a ḫivha zwine ABC ya amba? “Tshifhingga tshothe Tendani Kristo.” Izwo ndi zwone. Ni songo tenda tshivhidzo, ni songo tenda ndaela, ni songo tenda pfunzo dzavho. Tendani Kristo! Ndi ngani? “U Mu ḫivha, u Mu ḫivha ndi Vhutshilo.” Naa izwo ndi zwone? Hu si u ḫivha ndaela Yawe, hu si... Ha na dzindaela. Hu si u vhuya na ḫivha Ipfi Lawe. A ni ḫivhi Ipfi Lawe; ni tea u Mu ḫivha, u Mu ḫivha sa Mutshidzi waṇu kha mbebo ntswa. Vhunga Yesu o amba na Nikodemo, “Arali ni sa koni u tenda zwithu zwa ḥifasi zwine nda ni vhudza zwone, naa ni nga tenda hani zwithu zwa Taḍulu?” Naa ni khou yo tenda hani zwithu zwa maya zwi no dzhena ngomu ha Muya, huno ndi tshi ḫivha na u vhona mabono na zwithu zwi no nga zwenezwo, u vhekanya tshikolo nga ngona i no nga iyo ndila, musi vha sa vhuyi vha tenda zwithu zwa ḥifasi? Vha nga si vhuye vha tenda u ambara zwiambaro zwone. A vha koni na u tenda u litsha u daha havho huno vha ḥutshela u zwifha havho, vha vhetshela kule mbiti dzavho, na izwo zwithu zwoṭhe, vha ita hezwi zwithu

zwo<sup>the</sup>, kana vha litsha u emula. Naa ni nga funza hani vhathu u dzhena ngomu ha Muya musi vho no vha na izwo zwithu zwo<sup>the</sup> zwi tshee zwe nembelela khavho? Ee. Yawee, nnenñe.

<sup>125</sup> Vhaporofita vha khole-khole vha na maipfi a mazwifhi, dzindaela, dzidinomineisheni, lupfiwa. “Oo, fhatutshedzani Mudzimu, tshithu fhedzi tshire na tea u ita. Ni ṭodou ambara tshiambaro tsha Eliya? Vhugala kha Mudzimu! Tshithu tshi tsho<sup>the</sup> tshire na tea u ita ndi u tou vha a si na tshithu muhumbuloni wañu, ni so ngo elekanya nga tshithu, huno nda ri, ‘Oo, nnadze, nnadze, nnadze.’” Diabolo u do zwi ita zwavhukuma. Huno zwenezwo ni ditika nga izwo? “Ooooh, zwi gidima ho<sup>the</sup> kha nne, Mukomana Branham. Ndo zwi pfa. Ooooh, vhugala kha Mudzimu. Haleluya!” Vha tshi khou fhufha n̄tha na fhasi nga u ralo. “Oo, ndo zwi wana.” Huno ni tshile vhunga inwi ni tshi tshila?

<sup>126</sup> “Nga mitshelo yavho ni do vha ñivha.” Ni a vhona? Ni a vhona, hu si munyanyuwo.

<sup>127</sup> “Oo, mukomana, ni khou ṭoda u ṭanganedza Muya Mukhethwa, itanu tsela fhasi kha ale<sup>ta</sup>re huno ni ri, ‘Vhugala, vhugala, vhugala, vhugala, u swika ni tshi amba nga dzindimi.’” Uh-huh, humelani murahu nn̄da huno ni tshile luñwe lushaka lwa vhutshilo, mazwifhi, u tswa? Musi vha tshi ni vhudza nga ha u lovhedzwa nga Dzina la Yesu Kristo, “Uvho ndi vhusweleli ho kalulaho, tshivhidzo tshanga tshi funza zwe fhambanaho!” Huno na ri no bebwu hafhu, no ṭanzwiwa nga madi a Ipfi? Tshiñwe tshithu tsho khakheaho huñwe fhethu. Ni a vhona?

<sup>128</sup> Ni do tenda Ipfi liñwe na liñwe nga ndila ye La ñwalwa hafha. A ri ṭodi...huno a ri ṭodi...Huno yone—yone Bivhili yo ri, “A si ya ṭhalutshedzo ya tshidzumbe.” Mudzimu o Li ṭalutshedza, huno iyi ndi ndila ine La vha ngayo. U...Ipfi, Ipfi La<sup>we</sup> hafha. Naa Bivhili a i ambi nga la Vhuvhili...ndi tenda uri Petro ya Vhuvhili henefho, “Bivhili a si ya ṭhalutshedzo yo dzumbetshedzwaho.” Zwa vhukuma. Hai, a hu na tsha tshidzumbe. Zwe ñwalwa nga ndila ine La amba ngayo, nga u tou ralo. Itanu Li tenda nga ndila ye La ñwalwa ngayo hafha, Li do bveledza mvelelo dici fanaho.

<sup>129</sup> Zwino, vhadeddedzi vha mazwifhi vha do disa mbebo i si ya vhukuma. Vhaporofita vha ngoho vha do bveledza Ipfi, mabebo a Ipfi, Kristo. Vhaporofita vha mazwifhi vha do disa mbebo ya mazwifhi, mabebo a zwivhidzo, mabebo a dzindaela, u bebiwa ha dzidinomineisheni. Huno khezwo-ha, mukomana wa Pentekostala, ha khole-khole sene...kana u senengedzwa, huno a vhudza munna uri u na Muya Mukhethwa ngauri u amba nga dzindimi. Ndo no vhona vhodiabolo vha tshi amba nga dzindimi; dzipenisela dzo edela fhasi huno dza ñwala nga ndimi dici sa ñivheyi. Izwo a zwi ambi tshithu. Ni a vhona, hu tea u

vha vhutshilo, nga mutshelo wavho ni do vha divha. "Mukomana Branham, naa ni a tenda kha u amba nga dzindimi?" Ee, mune wanga. "Naa ni a tenda kha u ṭavha mukosi?" Ee, mune wanga. U vha Mukriste, ndi a tenda hezwo. Ndi tenda Ipfi la Mudzimu. Fhedzi arali vhutshilo vhu siho afho murahu n̄tha!

<sup>130</sup> Bvelani nnnda heneffo hemmbe yo futaho, "Vhugala kha Mudzimu. Halēluya!" Huno zwenezwo ni mmbudze uri uyo ndi Kristo? Kristo o vha a tshi dīṭukufhadza, u bvuda na u luga. Vha ya ḍoroboni humo, nne nne, ni tea u ṭangana, ni a divha, humo tshinwe na tshiñwe tshi tea u tou vha tshone, hu si na maonyeonye kha swuthu yanu, humo ni tea u vha na zwa khwinesa nga maanda kana a ni nga vhuyi na da na luthihi, no khwaṭhiswa tshelede nnzhi nga maanda; ni nga si kone u vha na muṭangano. Yawee, yawee, yawee, yawee, yawee, nnenne! Dinomineisheni dzoṭhe, dzi tea u ni phaphatha muṭanani. Ho vha hu si na na muthihi wavho we a Mu phaphatha muṭanani, ngauri O vha e Ipfi. Izwo ndi zwone.

<sup>131</sup> Vha khole-khole vha fara ngoho lwo edanaho u ita tshifanyiso tsha u ofha Mudzimu. Huno thetshellesani, zwino ndi khou amba tshiñwe tshithu hafha, ndi ḫoda ni tshi thetshlesia. Ulwo lushaka lwa u fhura ha khole-khole, ni a divha uri muṭalukanyo wa khole-khole ndi mini, u ranga phanda vhatthu vha dzimilioni kha mbebo ya khole-khole. Vhadededzi vha mazwifhi vho ranga phanda vhatthu uri vha tende kha zwipfi, "Ngauri no kokodzela hoṭhe u mona, ni Nawo. Oo, ngauri ni na tshipi tshi seisaho tsha vhukuma tsho ni pfuka, no—no vhona zwiedza nga phanda hanu, humo vha pofula nahone vha dedeleka, iyo ndi badzhi ya Eliya yo vhewaho kha inwi. Izwo ndi zwone, no I wana. Oo, ni a divha zwine na vha zwone? Ni murwa o vhonadzwaho wa Mudzimu." Naa ni diwanafhi? U kundwa. Izwo ndi zwone. "Vhugala kha Mudzimu, ndo ya vhuñwe vhusiku humo nda vha na muloro!" Oo, ee, uh-huh. Ni a vhona? "Oo, ndo vhona izwi, izwo." Iina, uh-huh. "Inwi, naa a ni tendi kha miłoro?" Ee, mune wanga, zwa vhukuma ndi a ralo. Fhedzi arali uyo muloro u songo tikedza Ipfi la Mudzimu, zwenezwo wo khakhea. Iyi ndi Ngoho hafha, dzulani kha Ili. Ee, mune wanga. U ranga phanda vha dzimilioni kha mabebo i si ya vhukuma, itanu elekanya!

<sup>132</sup> Ndo wana tshipida tsha bammbiri tshe nda vha ndi tshi khou yo da natsho, hune avho vhokhotsi vha kale vhothe vha Vhubvo vha Tshigerika na zwivhidzo zwa Vhubvo o amba na Mupapa Yohane ya vhu22, humo a ri, "Zwi nga itea ra si zwi vhone kha murafho washu, fhedzi vhurathu vhuhulwane kha u bvelela ha Porotestanti na Mukaṭolika vha khou da fhethu huthihi."

<sup>133</sup> Nda elekanya, "Rendani Mudzimu!" Muñwe muthu o tshi tumula kha bammbiri, a nwalela nga u ralo. Ndi tenda uri ho vha hu Mukomana Norman kana muñwe muthu, we a ri, "Mukomana Branham, tshifhinga tsho ṭuwesa u fhira zwine ra

elekanya.” Sedzani ɿamusi, mushumeli wa nndwa na, oo, ofisi nnzhi nga maanda dzo fhambanaho na Muphuresidennde, huno ulu lushaka lwothe lu langwa nga Kaṭolika. Thetshelesani!

<sup>134</sup> Inwi ni ri, “Zwo luga, ndi vhone Vhakriste.” U vha Mukriste u tea u fana na Kristo, u vha na Muya Wawe. Naa izwo ndi zwone? Khezwi zwi nengisaho, tshiñwe tshi nengisaho, fhedzi ndi ḥodou tshi amba. Arali na vhidza nguluvhe uri ndi nngu na zwi do i ita uri i vhe nngu? Mulandu, arali na ri, “Nguluvhe, ndo neta uri u vhidzwe sa nguluvhe. Ndi ḥoda tshingwana, zwino ndi khou ya u u bvisa hafha nahone ndi khou ya u u vheula hothe, nahone ndi khou ya u ɿanzwa maño au, nahone ndi khou ya u gama mavhudzi au, nahone ndi–ndi khou ya u ni ita ngwana ḥukhu. Ndi khou ya u vhofha labi lītuku kha mutsinga wañu nahone ni khou ya u vha kungwana kučuku u fhira kuguluzwana.” Na da nahone na ri, “Kungwana, kungwana, kungwana,” i do di dovha ya rali, “Oink, oink.” I vhofhololeni u bva tshitumbani, i do la thophe inwe na inwe ine i nga i wana. Ndi zwone! A si u mu shasha, a si u mu dzhenisa mađini; ndi lufu na mbebo! Ee, mune wanga. I ri ni, “A thi khou yo u ni kanzwa tshithu nga nnđa ha aflatalfa, ndi khou yo u fusha zwiliwa zwa nngu.” Ni kha di i kanzwa nga alfalfa, i tshe nguluvhe. Ndi zwenezwo. Naa izwi ndi zwone? Zwavhukuma ndi ngoho. Mulandu, ngoho, ndi nguluvhe ngauri mvumbo yayo ndi nguluvhe.

<sup>135</sup> Huno arali ni tshi funa shango kana zwithu zwa shango, ni kha di vha nguluvhe. Ndi zwone. Zwi dzhia maanda a Mudzimu u shandukisa muya. Ni fa sa nguluvhe, na vheyā madzema a nguluvhe kha aleṭare, na edela heneffho, huno na tendela tshithavhelo tsha Mudzimu tshi...kana mulilo wa khaṭhulo u tsela fhasi huno wa ni la, sa nguluvhe, nahone wa ni ita tshifanyiso sa ngwana. Zwenezwo ni nga si le thophe, ni nga si do ralo, mala anu a nga si zwi sukanye. A ni nga iyo ndila. A zwi ngo ralo, a zwi nga i iti ngu—nguluvhe u amba...kana u i ita ngwana nga u amba uri ndi ngwana.

<sup>136</sup> Ngauralo muthu a no vhidzwa Mukriste, nga inwe ndaela kana muñwe munyanyuwo! Inwi ni ri, “Vhugala kha Mudzimu, Mukomana Branham, ndo tshina ndi Muyani vhusiku hothe uvho vhusiku. Ndo amba nga dzindimi, yawee, nñenñe, Mukomana Branham!” Ndi khou amba na Vhapentekostała zwino. “Ndo—ndo—ndo tshina Muyani. Oo, ndo vha na minyanyuwo, tshiñwe na tshiñwe tsho raloho. Fhedzi ndi a ni vhudza zwino, ni songo ya na amba na mne nga ha izwo heneffho zwithu zwa Dzina la Yesu.” Bvelani phanda, nguluvhe. Ni kha di vha nguluvhe, ndi zwenezwo fhedzi.

<sup>137</sup> “Nngu dzanga dzi pfa Ipfi Langa!” Ndi ri, “Fhedzi, mukomana, sedzani, nngwaneleni fhethu huthihi he vha vhuya vha lovhedzwa ‘nga dzina la Khotsi, Murwa, Muya Mukhethwa,’ kha Bivhili.”

<sup>138</sup> “A thi londi zwine izwo zwa ita, haleluya, a thi t̄odi na tshithihi tsha izwo zwithu zwa kale zwa Yesu Fhedzi.” Ndi nnyi we a amba tshiñwe tshithu nga ha zwithu zwa Yesu Fhedzi? Ndi khou amba nga ha Bivhili. Yesu Fhedzi ndi tshigwada tsha dzindaela na tshigwada tsha dzidinomineisheni. Muñwe a nga si kone u vhidza tshiñwe tshithu-vho, ngauri vhothe vha ngomu hatsho.

<sup>139</sup> Fhedzi ndi khou amba nga ha wa vhukuma, wa ngoho, Vhukriste ha phesente dza ñana, vho bebwa hafhu nga Muya wa Mudzimu, na marotha a ñwando a Taðulu vhutshiloni havho. Izwo ndi zwine nda khou amba nga hazwo. Arali ni Mumethodisi huno no wana hezwo, amen! Tshithu fhedzi tshire na tea u ita ndi u livhanyiswa na Ipfi, ni ðo Li tevhela vhunga sekwa li tshi ya maðini. Ni a vhona? Zwo tou kokotolo. Izwo ndi zwone.

<sup>140</sup> Vhathe ñamusi vha t̄oda u khauledza. A vha t̄odi...vha—vha elekanya uri ni khou zwi wana nga tshifhinganyana, “Vhugala kha Mudzimu!” Naa ndi mini? Naa ndi mini zwine vha ita? Madekwana a ñamusi vha kha—vha nn̄da hangei kha... Vhunga vhanwe vha avha vhathe vhanne vha vha na u fana na vhanwe vhathe vhe nda kona u vha vhidza madzina, fhedzi a thi t̄odi u zwi ita ngauri izwi zwi kha theiphi, fhedzi vha lufherani lwa vhusiku madekwana a ñamusi nga kañara, vha tshi khou i kanda, huno matshelo nga matsheloni vho ima tshivhidzoni huñwe fhethu, vha tshi khou lidza yeneyo katara nthiki. Tshika! Bivhili yo amba kha Yesaya, ndima ya vhu<sup>28</sup>, “Tafula dzoþe dzo ðala matanza. Vhunga mmbwa i tshi ya matanzani ayo na nguluvhe thopheri yayo, na vha a ita.” Ndi ngani? I kha ði vha dzimmbwa na dzinguluvhe! Izwo ndi zwine zwa vha ita uri vha humele murahu kha u vhubuluwa na kha mañanza. Ni kha di vha... A vho ngobebwa hafhu. Arali vha bebwa hafhu, ndi zwivhumbwa zwiswa.

<sup>141</sup> Naa ni a ñivha uri mini? Ni na funguvhu la kale, li—li... a zwi na ndavha uri ni lingedza u gumafhi...ni nga i pennda sa—u tou fana na muvhala wa olivi sa liivha, u tou vha tshilora sa liivha, mutshena, mu poseleni hoþhe, u kha ði vha funguvhu nga ngomu. Ni a vhona? Li kha ði nukha, funguvhu la kale li fanaho, lianga, li la zwithu zwa shango zwo faho. Izwi ndi zwone. Fhedzi ni a ñivha uri mini? Liivha a li tei u t̄amba muvhili. Oo, haleluya! Muvhili wa liivha, ngauri ndi liivha, li na mapfura a no ða nga kha mathenga alo, izwo zwi tou li ita uri li dzule lo kuna tshifhinga tshoþhe, ngauri zwi bva nga ngomu u ya nn̄da. Oo! Mulandu? Funguvhu la ri, “Ndi zwanga, na nne-vho! Ndi vheya maði mañku makhetwa, mukoma, zwa zwi dzudzanya.” Hai, a zwo ngo ralo. Ngauri, zwi bva nga ngomu nn̄da, hu si u bva nga nn̄da. Ndi mbebo. “Mudzimu nga a rendiwe, ndi ya tshivhidzoni u fana na inwi. Haleluya, tshivhidzo tshanga tsho luga sa tshañu. Haleluya, ri tou vha...” Zwo luga, iwe funguvhu. Ni a vhona, izwo ndi zwone. Ni a vhona? Fhedzi liivha li na mapfura u bva

nga ngomu. Hu na—na inwe thanga kha liivha ine a iho kha tshiñwe tshiñoni tshi ngaho itsho, liivha kana phingwini. Huno l̄ didodza u bva kha... Nnda, u di dzudza lo kuna tshifhinga tshothe. A li tei u qidzudza lo kuna, hu na tshiñwe tshithu ngomu hawe tshi no li dzudza lo kuna. Oo, Khaladzi Way. Haləluya! Tshiñwe tshithu ngomu hawe tshi mu dzudza o kuna.

<sup>142</sup> Ni ri, “Ndi a divha, ndo vha murado wa tshivhidzo vhege yo fhiraho. Ndi—ndi—ndi do takalela u dzhia itsho tshinwiwa na inwi, fhedzi, huh! Umm, ilo fola li khou nukhelela zwavhuđi nga maanda! Oo, khaladzi, ndi a zwi divha uri ndi mukalaha wa modele, ndi tea u litsha mavhudzi anga a aluwa zwino. Naa a zwi shushi? Ni a divha idzo rokho ḥukhu dza lunako dze nda vha ndi tshi ambara, huno muñwe na muñwe a ya, ‘Whew-yoh.’ Ndi tea u dzi bvula zwino. Ni a divha, ndo vha murado wa tshivhidzo vhege yo fhiraho.” Inwi muthu a ḥungufhadzaho o dzhielwa! Madi othe makhethwa shangoni o vha a nga si ni ḥanzwe.

<sup>143</sup> Fhedzi, mukomana, musi ni na Tshiñwe tshithu ngomu hanu, Zwi tou zwi ḥanzwela kule tshifhinga tshothe. Ni tou ima fhedzi nahone zwa Tshi ḥanzwa.

<sup>144</sup> A ni tei u vhudza nngu, “Ni tea u magiwa.” Iyo ndi yone thaidzo kha vhathu vha Pentekoste ḥamusi. Iyo ndi yone thaidzo kha muvhundu wa Vhakriste, vha khou lingedza u maga tshiñwe tshithu. Nngu a i humbelwi u maga wulu; i bveledza wulu. Ni anwa mitshelo ya Muya. A ni ri, “Vhugala kha Mudzimu, ndi tea u vha mutswu tshifhaṭuwoni, ndi tea u ita *itshi*, huno ndi tea u vha na munyanyuwo, Ndi tea u tshima Muyani, huno ndo U wana.” Hai, hai, uh-huh. Itonu bebwā hafhu huno zwa vhukuma zwi a itea zwone zwiñe. A ni tei u ri, “Naa ndi do guda vhusiku hothe, naa ndi do ita *izwi*, naa ndi do ita *izwo*, naa ndi do vha murado wa *itshi*, huno ndi do ita iyi ndaela, naa ndi do divhaisa sa nqila ya u sumbedza u rembuluwa?” Hai, hai. Itonu fa, ndi zwenezwo fhedzi. Ni a vhona? Bebiwani hafhu, huno zwi bva nga ngomu, zwa londa zwa nga nnđa. Ni a vhona? Huno na shasha madi małuku, huno na a ḥanzwa, u tou fana na u shandukisa nguluvhe ya vha ngwana, ni nga si kone u zwi ita. Fhedzi arali nga ngomu hu na ngwana, zwenezwo i nga si tsha vha nguluvhe. Ni a vhona? Ayo ndi maipfi a konđaho; fhedzi nne a tho ngo funzea, ndi tea u tou zwi ita.

<sup>145</sup> Ni a divha, ndi zwone, ndo vha ndi tshi khou elekanya, nda vhala vhutshiloni ha Yohane Mulovhedzi liñwe ḫuvha, zwe a amba, zwe a vha vhidza zwone, “Vhoinwi murafho wa mavuluvulu!” Ndi ngani? O aluswa sogani. Ni a vhona, u divha zwe vha vha vhe zwone. Na rwa mulenzhe phasi zwi a dzumbama. “Vhoinwi muraffo wa mavuluvulu.” Nahone, “Mbađo yo vhewa tsindeni la muri.” Muri, mavuluvulu, dzimbado, o amba nga ha zwe a divha. Iyo ndi nqila ine na guda Mudzimu ngayo, nga zwine na divha. Ni vhona nguluvhe na ngwana, a hu na tshithu na luthihi. Ni nga si ite... Ni nga ḥanzwa nguluvhe ya tsadzi ḥukhu

nahone na ita zweithe zwine na ṭoda, i kha di vha nguluvhe. U tea u bebwa hafhu a sa athu vha ngwana.

<sup>146</sup> Ndila dza u khauledza! Madekwana a ḥamusi, vha ngeno nn̄da ḥamusi, vha khou bvela phanda, yawee, mn̄enne, na matshelo vha ṭoda u rera. Vhathu vha pentekosta la vha tshi vha tendela vha ita izwo, navho-vho. Ee. Vha ṭoda tshikhau ngei Ṭadulu, “Haleluya, zweithe zwine nda tea u ita ndi u tsela fhasi hafha huno nda sa elekanye tshithu na luthihi, huno nda ri, ‘Haleluya, halēluya, ndo ambara nguvho ya Eliya. Ndi khou bva matshelo u pandela vhodiabolo. Haleluya, halēluya, ndo U wana!’ Rendani Mudzimu, hafha ndi a ṭuwa!” Vha ṭoda u khauledza ngei Ṭadulu, vha tshi dzhia shango nga maanda u ya nga hune vha kona. Ni nga si dzhie linwe lao-vho. A hu na ndila dza u khauledza. Inwi ni da nga ndila ya Khalivari. Ni da nga ndila ya aleṭari ya musinasetha. Ni da nga ndila ya ḥnowa ya musinasetha. Ni a fa! Ni fa zwavhukuma. O Mudzimu, ndi ngani ndi sa zwi ambi nga ndila yone? U a fa! Vhukuma u fela kha iwe munye. Ni fa kha zwithu zwa shango, huno no bebwa nga huswa. Amen. A hu na shango, zwithu zwa shango zwe fa. A hu na ndila dza u khauledza. Ni a vhona? Vha ṭoda u da nga u ṭavhanya, a vha ṭodi u aluwa. Ri aluwa kha Murena. Zwi dzhia nyaluwo na tshenzhemo.

<sup>147</sup> Vhathu vha a vhudzwa nn̄da kha Khunzikhunzi ya Vhukovhela zwino, “Oo, ri na ndovhedzo i sa fi. Ri a ni lovchedza madini, ni humela murahu kha muṭhannga muswa heneffo, musadzi muṭuku. Ee, muṇe wanga. Ni dzulela u wana . . .” Vha na nguvho dza Eliya, vha na vho vhonadzwaho vharwa vha Mudzimu. “Ee, muṇe wanga, mukomana, Mudzimu u khou vhonadzwa vharwa zwa zwino. U vhonadza, vha vhudzeni nga ha izwi zweithe. Madekwana a ḥamusi ni muitazwivhi, matshelo no vhonadzwa sa vharwa vha Mudzimu.” Maloto! Naa izwo ni zwi wanafhi kha Ipf! Vhushie a vhu bebiwi vhu vhathu vhahulu, vhu bebiwa vhu vhushie nahone ha aluwa sa vhathu vhahulwane.

<sup>148</sup> Thetshelesani hafha, ntendeleni ndi tou topola murahu lwa miniti huno ndi ni vhalele tshiñwe tshithu vhoiñwi kha Vhaefesa, ndimana ya vhu11, ya vhu12, u yela kha ya vhu15, ndi a tenda uri yo ralo, hunwe fhethu heneffha. Kha ri thome kha ndimana ya vhu12:

*U itela u khunyeledzwa ha vhakhethwa, u itela mushumo wa vhusumeli, . . . u khwathiswa ha muvhili wa Kristo:*

*U swika roṭhe ri tshi da kha vhuthihi ha lutendo, huno . . . ndivho ya Murwa wa Mudzimu, kha . . . munna o khunyelelaho, na muelo wa tshiimo Tshawe na vhudalo ha Kristo:*

*Uri riñe u bva zwino a ri tsha vha vhana, u dzungulūswa ngeno na ngei, na u hwaliva nga maya muñwe na muñwe wa pfunzo, (thetshelesani, nahone pfunzo ifhio?) nga magabelo—magabelo a vhatthu, na vhūtali ha vhukwila, vhafhuri vho lindelaho u fhura inwi;*

*Fhedzi u amba ngoho nga lufuno, . . . (huno, imani, mini?) . . . a tshi khou amba ngoho (ndi Ene Ngoho) nga lufuno, . . .*

Thetshelesani! Naa ni khou thetshelesa? I ri ni, “Amen.” [Tshivhidzo tshi ri, “Amen.”—Mudz.]

(Mini?) . . . ni nga aluwa ngomu khae . . .

Mini? Matshelo? Hai. “Aluwani Khae.”

. . . aluwa—aluwa ngomu khae . . . ane a vha ḫtho, na Kristo:

U alutshela kha Ene! Oo, hu na . . .

<sup>149</sup> Ndi elelwa theroy u thoma ye nda rera. Nda takuwa heneffo huno nda—nda elekanya uri ndo ita zwone, huno vhakegulu vha kale vho ima heneffo huno vha lila zwitukunyana, ni a ḫivha, huno vha ri, “Oo, ndi mutukana wavħudi hani.”

<sup>150</sup> Mufunzi wa kale, Dokotela Davis, o vha e ramilayo wa kale. Nda tsela fhasi, huno a ri, “Ndi ḫoda u ni vhona ngei nđuni.”

<sup>151</sup> Nda ri, “Zwo luga.” Nda dzhena ngomu, duvha li tevhelaho, ni a ḫivha, zwothe zwo zwimba. Nda ri, “Naa ndo ita hani, Dokotela Davis?”

Ha pfi, “Wo sinesaho we nda vhuya nda u pfa!”

Nda ri, “Mini?”

A ri, “Zwo vhifhesaho zwe nda vhuya nda zwi pfa.”

“Oo,” nda ri, “Mukomana Davis, muñwe na muñwe o vha a tshi khou lila.”

<sup>152</sup> A ri, “Ee vha a lila dzimpfuni, vha lila vha tshi bebiwa, na zwiñwe zwoþhe.” A ri, “Naa ndi mini, Billy, na khathihi a no ngo redza na tshipida tshithihi tsha Ipfi la Mudzimu. No amba nga ha muñwe mme we a vha o no ḫuwa, kana tshiñwe tshithu tshi no nga itshi, huno a ita uri muñwe na muñwe a lile.” Ha pfi, “A no ngo bebwa hafhu kha zwithu na lupfiwa ha ḫino ḫifhasi, ni bebwa nga Ipfi!” Ha pfi, “Billy!”

<sup>153</sup> Oo, a tumula maya kha mne. Ndo takala uri o ralo. Ni a vhona? Ni a vhona? Hu si u fhufha nħha na fhasi, u tzhemha, izwo a si zwone. Ndi Ipfi li itaho uri li tshire. Ipfi lo hanyiswaho. Hu si tshenzhemo; Ipfi!

<sup>154</sup> A ri, “Ndi elelwa mulandu wa u thoma we nda lingedza, Billy.” A ri, “Nda lidza ḫafula,” huno a ri, “Nda ri, ‘Lavhelesa

kha uyu musadzi a ḥungufhadzaho.” Oo, a ri, ““Sedzani uri u vhonala hani, na munna wawe ha tsha mu fara zwavhuđi.”” Huno ha pfi, “Nda lila zwiṭuku huno nda doba sagaduku tshanga, huno nda ita u tou fana na vhaňwe vha mulayo.” Ha pfi, “Ndo elekanya uri ndi ḥo fhira kha munyanyuwo yeneyo mithihi.” Ha pfi, “Haṭulani, Khuliso yaňu, ndi ngani ni sa mu nei ḥhalano? Sedzani hangei! U ri munna wawe o mu rwa a wela murahu nga muṭana.” O vha a sa koni na u zwi vhona, phasi ha zwiambaro zwawe zwa nga ngomu. “Who mu rwa a wela murahu.” Huno ha pfi, “Ndi ngani ni sa mu nei . . .” Muhaṭuli wa kale o tou dzula henehfo, a sedza.

<sup>155</sup> Nga u ḥavhanya ramilayo wa kale o dzula kha liňwe sia, o aluwa, a ri, “Muhaṭuli, Muhulisei, zwi ḥo vha zwo engedzeaho hani . . . khothe yavho i tshi ḥo imela aya maloto?” U tou bvela phanda hunzhi.

<sup>156</sup> Iyo ndi ndila ine vhathe vhanzhisa vha ita. U bvela phanda ho kalulaho hu si na Ipfi lo edanaho murahu hazwo u zwi tikedza. Aluwani! “Oo, o tshina e Muyani madekwe, Mukomana Branham, o luga.” Hai, izwo a zwi mu iti wavhuđi kha nne. Hai, muňe wanga. Ni tea u aluwa, na limuhiwa, na lingwa, u aluwa kha Ene, lwa miňwaha.

<sup>157</sup> Ndo vha ndi tshi khou vhala kha dzidivhazwakale a si kale. Naa ndi khou dzhia tshifhinga tshinzhisa? Ndo vha ndi tshi khou vhala kha divhazwakale ya tshividzo. Ndi a tenda Khaladzi Arnold murahu hangei o nyitela “amen” liňwe duvha nga ha tshinwe tshithu nga ha divhazwakale ya tshividzo, ye a vha a tshi khou i vhala. Ndo vhona he vhuňwe vhusiku ha vha hu na mutukana ngei nduni dza vhurereli, mađuvhani a Martin Mukhethwa, we a ri, “Murena o nnyita muporofita wa kale a bvaho kha Testamente Ndala. Ni a vhona? Ndi muňwe wa vhaporofita vha kale.” Zwo luga, ndi nga si kone u vhidza dzina ḥa mubishopo henehfo, wa itshi tshikolo tshiṭuku, tshi tou vha tshigwada tshiṭuku ngaurali hafha. Ndi nga si kone u bula dzina lawe nga tshino tshifhinga, fhedzi o pfumbudzwa e phasi ha Martin. A zwo ngo pfala zwi zwone, ngauralo vhanňwe vharathu vhothe vho tou mu litsha e eťhe. Thwii a porofita, a ri, “Madekwana a ɣamusi Mudzimu u khou tsela phasi huno u khou yo nne a khanzu tshena, u dzula vhukati haňu, huno ni ḥo divha uri ndi muňwe wa vhaporofita vha Testamente Ndala.” Ngauralo uvho vhusiku, awara ya fumimbili nňha ha tshithoma, zwa vhukuma zwo bvelela. Maipfi o pfala, vhathe vha tshi khou tshimbila u mona, huno mutukana a wana nguvho, vha ri yo tou tshena sa zwine i nga vha. A bvela nnđa, a ri, “Naa a tho ngo u vhudza?” Ha pfi, “Zwino vhoinwi noňe ni dzhia ndaela kha nne. Ndi muporofita wa Testamente Ndala.”

<sup>158</sup> Fhedzi mubishopo wa kale ho ngo ya khazwo nga ndila yone. ḥo vha li si Ipfi. Vhaporofita a vho ngo itwa, vho tiwa. Huno muporofita o vha a si nga ḥo difara nga u ralo, mathomoni.

Mutshelo wazwo wo sumbedza uri ho vha hu songo ralo. Ni a vhona? Mitshelo yo sumbedza uri ho vha hu si muporofita, ni a vhona. Ngauralo a ri, “Ri do fhedza vhusiku hothe nga u didzima na u rabela, na u imba dzinyimbo.” Duvha kana zwo raloho la fhira. Nga murahu ha tshifhinganyana mubishopo wa kale, a tshi khou rabela, a ri, “Murena, uyo mutukana!” Tshiambaro itsho, vha tshi sedza, vho- . . . vho vha vha sa divhi tshithu, vha sa athu u vhona tshi nonga itsho. Vhañwali vha a ña huno vha sedza, huno na khathihi a vho ngo vhona tshiñwe tshithu tshi no nga tshone. Tsho vha tshi heneffo. Mafhedziselonni, vho ñivha munna muthihi we a vha e muporofita, uyo o vha e Martin. Vha ri, “Zwo luga, tshithu tshithihi zwino tshine na ita u ri sumbedza. Nga manwalo no khakha. Mini-ha nga u ya kha Martin huno na ima phanda hawe nahone na mu vhudza izwo?” Ni a vhona?

A ri, “Oo, nne ndi a dzivhiswa u ima phanda ha Martin.”

<sup>159</sup> Uyo a re na musuku wavhudi ha tshuwi u ya kha mutshini wa u lingiwa; uh-huh, izwo ndi zwone, uyo a re na Ngoho. Ndi ngazwo ndi tshi ita khaedu: Muthu muñwe na muñwe o ña a ntsumbedza hune ndovhedzo nga Dzina la Yesu Kristo ya khakhea. Ntsumbedzeni heyi mbebo ine na vha nayo, ya u fa. Huno arali ni tshi kha di vha na shango ngomu hanu, ni kha di vha wa shango. Ntsumbedzeni izwi zwithu. Ni songo tea u vhilaela ngazwo, i dzhieni kha mutshini wa u lingiwa. *Ngoyu Mutshini* wa u Linga. Ni a vhona? Ni a vhona? Izwo ndi zwone.

<sup>160</sup> Ngauralo vha ri, “U khou ya naho zwo ralo.” Huno tshigwada tsha vharathu tsha mu takula, na nguvho ya ngalangala. Ni a vhona? Naa vhathu vha Pentekostaña izwo vho vha vha sa ño zwi la ñamusi? Yawee, nne nne! Lo vhonala sa tshithu tsha vhukuma, fhedzi lo vha li si u ya nga ha Ipfi.

<sup>161</sup> Martin o ri Sañhane o bvelela khae nga tshiñwe tshifhinga, na khare khulu ya musuku, ñaledzi tharu kana ñna dzo nambatedzwa ngauralo, dzi tshi penya nahone dzi dza vhudi, musuhana muhulu, wa vhudi, o nakaho, o gamiwa zwavhudí na u aluswa, na nguvho ya vhudi o i fuka, huno zwienda zwawe zwi milenzheni yawe ho vha hu musuku, a bvela nn ña huno a ri, “Martin, naa ni a nn ñivha?”

<sup>162</sup> Zwino vhathu vhane vha sa vhone mabono, izwi zwi nga di si—izwi zwi nga di si . . . ni nga balelwa u zwi pfesesa, ni a vhona, fhedzi zwithu zwi ña hani kha inwi nga mimuya yo fhambanaho, na uri vha fhura hani. Bivhili yo ri vha do fhura vhenevho vhanangiwa arali zwo vha zwi tshi konadzea, ni a vhona. Vhanangiwa, avho ndi avho vho tiwaho huno vha bebelwa iyo ndivho. Ni a vhona? Ni a vhona?

<sup>163</sup> Ngauralo a ña kha avha vhanangiwa, a ri, “Martin, naa ni a nn ñivha? Ndi nne Kristo.” A ri, “Naa ni ño nn dimuwa?” Huno Martin a dzhia tshifhinga. Zwo vhonala zwi so ngo ñoweleya. A lindela lwa tshifhinganyana, huno a dovha a amba, a ri, “Naa a

ni mmboni? Ndi nne Kristo. Naa ni a nndimuwa?" O zwi amba luraru kana luña khae.

<sup>164</sup> Kristo o ri, kana Martin a ri, "Sathane, ndi a u divha. Murena wanga ha athu newa khare, fhedzi vhakhethwa Vhawe vha do Mu ambadza khare." Ngelo Ipfi, murahu.

<sup>165</sup> Afho ndi hune tshivhidzo tsha Roma tsha vha na dogima nnzhi nga maanda, mimuya mivhi i tshi khou dzhena, yo fhambanaho na Ipfi, huno vho do tea u hana Ipfi uri vha dzhie dogima dzavho nahone vha tutshele kule ha Bivhili. Dzulani na Ipfi! Ulwo ndi ludzi lwa Vhutshilo namusi. Hu do vha na mimuya i no vuwa nga murahu ha tshifhinganyana ine ya do fhura tshinwe na tshinwe, zwa tqodou ralo. Bivhili yo amba nga u ralo. "Vhunga Yannesi na Yamburesi vho pikisa Mushe, na avha vhanna vha na thalukanyo i songo vhibvaho malugana na Ngoho," a ita madembe nahone a ita tshaka dzothe dza zwiga. Fhedzi dzulani na ilo Ipfi. Ipfi la Murena lo dela muporofita, huno vha Li disa phanda, huno ri tenda vhaporofita.

<sup>166</sup> Dzhielani nzhele, ee, o ri, "Ndi a ni divha, Sathane." A ri, "Murena wanga a si munna muhulu wa u ralo. Ene Murena o tuwa na nguvho ya kale yo tahanaho, na mabuli a zwibigiri kha tshanda Tshawe, a songo ambadzwa khare, na madondo a malofha. Huno musi A tshi vhuya, U do da nga u ralo, ngauri Bivhili yo ri U do vhuya nga mukhwa we A ya." Huno tshitihu tsha ngalangala khae. Yawee, nnenne!

<sup>167</sup> U dzhena hani ngomu nahone a tou zwi nakisa nga maanda, "Oo, vho amba nga dzindimi. Vha—vha—vhatu vha vhudisa vhe nda vha vhona." Ni songo tenda hezwo. Ivhani na u humbulela.

<sup>168</sup> Ndi a fulufhela uri Ipfi a li khou ni teledzisa. Vhakriste vho bebwaho vha aluwa kha tshiimo tsha Kristo musi vha tshi tshila. Vha a bebwa hafhu, huno vhutshilo havho vhu thoma u vhumbea sa lushie. Zwi dzhia tshivhumbeo nahone zwa thoma u aluwa. Tshitihu tsha u thoma ni a divha, hafha vha kha tshiimo tsho fhelelaho. Amen. Khezwo-ha. Duvha na duvha, nwaha na nwaha, vha dzula vho ralo. Zwino vhuyani murahu kha Ipfi, "Arali ni tshi dzula kha Nne!"

<sup>169</sup> Vha ri, "Ndo bebiwa hafhu, haleluya, ndo vha mura do wavho. Ndo vha mura do wa hesthi. Nda vha mura do wa hetshi. A thi divhi, nwaha wo fhelalho ndo tenda kha Dzina la Yesu, zwino ndi—ndi a zwi tikedza zwino, ndi—ndi tenda hezwi. Ndo tenda uri ni tea u tshila, na vha mukhethwa, fhedzi ndi—ndi... Mukeneñene u ri..." Vhatendeleki, u dzunguluswa nga muya muñwe na muñwe wa pfunzo. Ni a vhona? Khezwo-ha.

<sup>170</sup> Fhedzi bebiwani nga Muya huno ni aluwe ngomu ha tshiimo tsha Kristo! Inwi ni a zwi vhona, Mukomana Dauch? Ni tshi khou aluwa kha tshifanyiso tsha Kristo! Nga vhutshilo hanu, zwi a sumbedza. Vhunga arali no bebiwa ni muporofita, ni do dzula no ralo. Arali no bebiwa ni Mukriste, ni do dzula no ralo.

“Arali ni tshi dzula kha Nŋe na Maipfi Anga a dzula kha inwi!” *Hezwi* zwi ni alusela n̄tha kha tshiamo tsha Kristo. Hu si muňwe ramilayo muťuku a tshi khou divhitha, a tshi khou zhamba, a tshi khou lila, a ni vhudza *itshi*, *itsho*, *tshinwe*, a ita nyanyuwo nnzhi; fhedzi muňwe muthu o aluswaho kha tshiamo tsha Kristo, lwa miňwaha yo fhiraho nahone zwi tikedzwa, ro ima kha bama. A hu na zwiňwe! “Kha Kristo Tombo ḥo khwathaho line ra ima khalo, maňwe mavu othe ndi mučavha u mbondomelaho. Irani denomineisheni na mikhuvha zwi de, iyani, na dzi isms; nndzudze ndo ḥukufhala, Murena, dzulani heneffho na Ipfi huno ni tshimbile heneffho nga kha ludambwana. U ḥo ri endedza kha philiphili.” Tshiamo tsho ḥalaho.

<sup>171</sup> Zwino sedzani, arali ri tshi vhona uri zwi shanduka hani ngeno nn̄da, huno ni sa koni u shandukisa nga murahu ha lufu... Zwino inwi ni sedze avha vhathe vha no dzhena, vha wana minyanyuwo yothe na zwithu, vha gidimela nn̄da huno matshelo vha nga *iyi* ndila. Naa no zwi vhona? Mađana avho. Ni a vhona? Huno inwi ni a vhona, inwi—inwi ni vhona zwine zwa bvelela. Huno zwino mini-ha arali avho vhathe vho fa vhe kha itsho tshiamo? Lufu a lu tshi shandukisi.

<sup>172</sup> Ngauralo, oo, Vhakriste, kha u vala aya Maipfi, i ri ni ndi ambe izwi. Kha ri ye Khae na Ipfi Ławę, nga vhufulufhedzei hothe, u da nga u ḥukufhazda, vhunga Vhakriste, huno ra bebwa hafhu nga Muya Wawe. Huno musi no bebiwa hafhu, no khwathisedzwa sa Mukriste nga mitshelo ine na aŋwa. Ni a zwi wana izwo, Khaladzi Peckenpaugh? Ni Mukriste nga mitshelo yanu ine na aŋwa. “Nga mitshelo yavho ni do vha divha.” Iyo ndi khwathisedzo. Ni nga di si divhe ABC dzanu, fhedzi nahoh ralo ni nga vha mufumakadzi, Mukriste. Ni nga vha no vhengwa nga shango, (arali na zwi ita ngauri tshiňwe tshithu tshe na ita, ni tea u ralo), fhedzi arali no vhengwa u itela Ene, izwo zwe fhambana.

<sup>173</sup> Ni nga di si—ni nga di vha ni si ratheolodzhi. Sedzani munna o pofulaho we a bebwa e bofu. Yesu o mu fhodza. O bebiwa u bva kha mabebo, a si na tshikulungu tsha lito. Huno Yesu a mu fhodza, a mu ilafha. Huno musi uyo munna o da u vhona, huno Vhafarisei vha mu vhudzisa, vha ri, “O vha e nnyi?” Vho kundelwa u hana uri tshiňwe tshithu tsho itwa. Zwino, munna o vha e si muđivhatheolodzhi. O vha a sa koni u ḥata sa zwine vhareri vha ita, thekhiniki ḥukhu, o vha a sa koni u zwi ḥalutshedza. Ho ngo divha Testamente. Ho ngo zwi divha uri Mesia o vha a tshi tea u bebwa hani na mishumo ye A vha e yone. Munna ho ngo zwi divha. O vha e si muđivhatheolodzhi. Fhedzi o itani? Vha ri, “Neani Mudzimu thendo. Ri vhoratheolodzhi, huno ri a zwi divha uri Ndi muitazwivhi.”

<sup>174</sup> Zwino munna ho ngo kona u landula ipfi ławę, fhedzi ngezwi zwe a ita, nga maňwe maipfi, “Arali—arali A muitazwivhi nahone a tshi ita hezwi, zwenezwo thaidzo ndi mini kha vhoiñwi

vhathu? Naa thaidzo ndi mini nga vhoiñwi noñhe?” Ni a vhona? A ri, “Kana Ndi muitazwivhi, kana hai, a thi ñivhi, izwo ndi nga si zwi ambe. Fhedzi hetshi tshithu tshithihi tshire nda tshi ñivha, ndo vha ndi bofu tshireñwe tshifhinga, zwino ndi a vhona.” O vha a tshi khou ita mini? O khwañhisizedzwa. Ndi zwone. O vha a tshi khou khwañhisizedzwa. Tshireñwe tshithu tsho itea khae. U shandukiswa hawe ha bva kha swiswi u ya kha tshedza, u bva kha mabofu u ya kha mbonalo.

<sup>175</sup> Huno muthu o bebiwaho nga Muya wa Mudzimu, ane o vha na tshifanyiso tsha u ofha mudzimu, huno a landula Ipfi, na maanda, na u ri, “Maduvha a madembe o fhira,” musi o bebwa hafhu, a nga ñi vha a si tshikola, a nga ñi kundelwa u Li ñatalshedza, fhedzi u a Li tenda. Vhunga . . .

<sup>176</sup> Arali vhahashu vha makhaladi na dzikhaladzi hafha ni nkhangwele nga u amba hezwi, mukomana wavhudzi wa kale wa mukhaladi phasi Tshipembe, vho amba tshiñori tshiñuku tshawe, vha ri o fara Bivhili nahone a sa koni na u vhalá dzina ñawé. Huno a ri, “Mose, mulandu no hwala iyo Bivhili?”

Ha pfi, “Ndi Ipfi la Mudzimu.”

Vha ri, zwe luga, ha pfi, “Naa ni a Li tenda?”

<sup>177</sup> A ri, “Ee, mune wanga, ndi a Zwi tenda ngangoho.” A ri, “Ndi Zwi tenda u bva kha ‘siañari’ u ya kha ‘siañari,’ nahone ndi tenda ‘siañari’ lone, ngauri Li na ‘Bivhili Khethwa’ yo ñwalwa Khañ.”

<sup>178</sup> Ha pfi, “Naa ni zwi ñivha hani uri Ndi Bivhili Khethwa?” Ha pfi, “Naa ni zwi ñivha hani uri Ndi yone?”

<sup>179</sup> A ri, “Ndi tou Li tenda. Ndi zwenezwo fhedzi.” Ndi zwenezwo fhedzi zwine a tea u vha nazwo. O tou Li tenda. Ho ngo ñivha uri ndi ngani, fhedzi o Li tenda.

<sup>180</sup> Vha ri khae, “Mose, naa ni a ralo, naa ni ño ita tshireñwe na tshireñwe tshe Bivhili ya amba uri tshi itwe?”

“Ee, mune wanga.” A ri, “Arali Bivhili yo amba nga u ralo, ndi ño zwi ita.” Khezwo-ha.

<sup>181</sup> A ri, “Zwo luga, Mose.” A ri, “Zwino, mini, arali ulwo luhura lwa matombo heneñho, arali Murena o ni vhudza u fhufha nga kha luhura lwa matombo, naa ni ño ralo, naa ni ño fhufha hani nga kha luhura lwa matombo?”

<sup>182</sup> A ri, “Naa Bivhili i ya amba uri Mose a fhufhe nga kha luhura lwa matombo?”

<sup>183</sup> A ri, “Fhedzi mini-ha arali Mudzimu o vha a tshi ño amba na inwi huno a ni vhudza u fhufha nga kha luhura lwa matombo?”

A ri, “Arali ho vha hu Mudzimu, huno O mmbudza uri ndi fhufhe, ndo vha ndi tshi ño fhufha.”

<sup>184</sup> A ri, “Naa ni khou yo fhira hani kha luhura lu si na buli ngomu halwo?”

<sup>185</sup> A ri, “Arali ho vha hu Mudzimu, O vha a tshi ḍo vha na buli heneffho musi Mose a tshi swika heneffho.” Huno izwo ndi zwone. Ndi zwone!

<sup>186</sup> Ni nga lingedza u dzhia Ipfi ṽa Mudzimu na ima heneffho na ri Zwo ralo! I ri ni uyu musadzi muṭuku a ṭungufhadzaho wa mazhuluzhulu hafha. Ni elekanya uri u khou yo fa, na tshiñwe na tshiñwe-who tsho khakhea khae, ni a vhona. A ni khou fa! Ni ri, “Naa ndi nga zwi ita hani, Mukomana Branham?” Itonu dzhia Ipfi Ławé huno ni Li dzhie nga tshiñwe tshifhinga, ni a vhona. Imani kha iło Ipfi, vhonani zwine zwa bvelela. Vhudzani diabolo uri ndi mazwifhi. No vha ni kha maṭambo miñwaha iyi yothe, u yela kha miñwaha ya fuṭhanu-sumbe. Huno tutshelani kule na izwo, ndi diabolo! Dzhiani Ipfi ṽa Mudzimu huno ni ri, “Nga ntho Dzawe ndo fhola,” sedzani zwine zwa itea. Zwenezwo ni ḍo litsha u elekanya uri ni na vhulwadze ha mbilu na tshiñwe na tshiñwe. A ni na vhulwadze ha mbilu na izwo zwithu zweithe. Ndi mazwifhi. A ni nayo. Itanu tenda Ipfi ṽa Mudzimu. Izwo ndi zwone.

<sup>187</sup> Musi no bebwa hafhu, Mudzimu u a ni khwaṭhisēdza. Iyo ndi ndila ine Mudzimu a khwaṭhisēdza myelo Yawe yothe. Mini? Nga mitshelo yavho. Ndi ndila ine A khwaṭhisēdza vhushumeli Hawe ngayo. Ndi zwone. Vhalanda Vhawe vhothe vho khwaṭhisēdza nga ndila i fanaho ine A khwaṭhisēdza mupo. Ni zwi ḫivha hani uri ndi muri wa muberegisi? Ngauri u disa maberegisi. Naa ni zwi ḫivha hani uri ndi muri wa muapula? U anwa maapula. Ni zwi ḫivha hani uri ndi Mukriste? Zwiga zwa Vhakriste zwi bvisa khazwo, vhutshilo ha Tshikriste vhu bva khazwo. Naa ni zwi ḫivha hani uri ndi mudededzi? Ipfi li bva khae. Naa ni zwi ḫivha hani uri ndi muporofita? Ipfi li da nga khae, la nea vhuṭanzi, khwaṭhisēdzo. Li a disumbedza. Naa zwi vha hani izwo? Musi zwi tshi fa huno zwa vha tshithihi. Izwo ndi zwone. Musi ri tshi fa huno ra vha tshivhumbwa tshiswa kha Kristo Yesu, zwi a ri wana nga mbidzo yashu, ri dzula na mbidzo yashu. Mitshelo ya Muya i a ri tevhela musi ri vhalanda Vhawe. Musi ro bebwa hafhu, mitshelo ya Vhutshilo ha Kristo i a ri tevhela. Ndi zwone. Ni zwi ḫivha hani uri ndi muri wa muberegisi? U na maberegisi. Ni zwi ḫivha hani uri ndi ene Mukriste? U ḫifara sa Kristo, u tshimbila sa Kristo, u amba sa Kristo, u tshila sa Kristo, n̄tha ha tshivhi, o kunda. U ita mini, a ri, “Ni a vhona zwe nda ita”? Kristo ho ngo zwi ita hezwo. O nea thendo dzothe kha Khotsi. Ndi zwone. Ni zwi ḫivha nga u ralo. Nga mitshelo yavho ni ḍo vha ḫivha. Hu tea . . .

<sup>188</sup> “Ngocho, ngocho, ndi a ni vhudza, nn̄dani ha musi muthu o bebwa hafhu a nga si vhuye a pfectesa Muvhuso wa Mudzimu.”

<sup>189</sup> Ngauralo hu si mulaedza wa Nwaha Muswa hafha nga hafu u bva kha awara ya fumimbili, kana miniti ya fumbili u swika kha ya u thoma, fhedzi ngeletshedzo yanga ndi yanu, Mukriste, inwi a no funa Mudzimu. Musi ni tshi da kha aleṭare ya musinaseṭha ya

Mudzimu ya khaṭhulo, huno ni khou ṭoda u bebwā hafhu, itanu vheya henehfo. Ni songo lavhelela u dobiwa hafhu, ni khou ya u fa. Ndi magumo aṇu. Ndi zwenezwo fhedzi. Arali ni sa zwi iti, arali ni sa pfi u nga ni nga ita izwo, ni songo, ni songo zwi lingedza, a zwi nga shumi; nga ngoho, nga u fulufhedzea. Ndi na masiaṭari a no ṭodou swika fumi o engedzeaho a iyi ngudo hafha, kana o engedzeaho, Maṇwalo, ndo a litsha. Fhedzi diladzeni kha aleṭari ya Mudzimu ya kha khaṭhulo ya Mudzimu, huno ni tou fa kha shango sa Kristo. Ni a vhona? U da sa o faho vhunga ḥnowa yo haṭulwaho yo vha i tsimuni ya Edeni, zwo vha zwo no fanyiswa nga tshivhumbeo tsha ḥnowa ya musinaseṭha, hu si na vhutshilo na luthihi khayo yoṭhe. Vhutshilo hayo hoṭhe ho vha ho ṭuwa. Kristo o vha a si na vhutshilo, vho Mu bvisa tshifhambanomi huno vha Mu swiṭa tshaloni. O vha—O vha o fa. Huno zwenezwo A vuwa u itela u itwa vho lugaho hashu. Huno ri fa na Ngwana yashu kha alīṭari, huno ra vuswa hafhu, u itela... kha u itwa vho lugaho Hawe. Naa ri ḫivha hani? Ngauri Vhutshilo Hawe he ha Mu vusa kha nyimele yo faho, uvho Vhutshilo vhuthihi vhu ri takusa kha nyimele yashu yo faho ya shango, ra dzhena kha tshivhumbwa tshiswa kha Kristo Yesu, huno zwenezwo nga Muya Mukhethwa ro pfuṇelwa kha Muvhuso wa Mudzimu u swika ḫuvha ḫa thengululo yashu.

<sup>190</sup> “Ngoho, ngoho, ndi a ni vhudza, nndani ha musi muthu o bebwā hafhu a nga si kone u pfectesa Muvhuso wa Mudzimu.” Ni songo lingedza u Li pfectesa. Na khathihi ni nga si zwi ite. Yesu o ri no vha ni si nga koni. Itonu Li ḫanganedza, Li ḫanganedzeni kha theo ya Ipfi Lawe.

<sup>191</sup> Ni songo tshimbila nga ndila yo pofulaho zwino, huno na ri, “O Murena, mphe munyanyuwo.” Ni songo ralo, “Murena, ndi a U vhudza.” Hai. Itonu ri, “Murena, mbulaye, bvisa shango kha nne. Ndi—ndi—ndi kha ḫi funa zwithu zwa shango.” A thi khou amba tsiko, dzi bva kha mashango na lunako, na zwithu zwa u ralo, izwo a si zwine nda khou amba nga hazwo. Ndi khou elekanya nga ha nyemulo, tshika, nzudzanyo ya shango. Zwithu hezwi zweṭhe zwa shango. Fhedzi, vha tou fa, u tou fa nga khathihi, huno a ni na... a zwi tshe na maandā kha inwi. Zwi a nukha kha inwi, “Uh, ni songo vhona uri vhathu vha tshila hani khavho!” Ni lile. Ni do vhona zwinzhi zwayo, na zwo vhifhesaho ni do zwi wana! Ee, muṇe wanga. Ni nga si leludze. A hu na fhethu ha u leludza. A hu na fhethu ha u ḫivheea ngomu henehfo musi hu na shango ngomu henehfo. No fa kha izwo zwithu. Huno ni nga kona hani, musi no no fa kha shango, zwenezwo na ḫaluswa kha zwithu zwalo hafhu? Ni nga si zwi ite. Ngauralo ni songo ita hezwo. Fani kha zwithu zwa shango.

<sup>192</sup> Murena a ni fhaṭutshedze. Ivhani Vhakriste vho bebwaho hafhu. Bebiwani hafhu, zwenezwo a ni nga tei u ri, “Ndi tshithu tshi kondaho,” vho inwi vhasadzi, “uri nne ndi litshe mavhudzi anga a aluwe.” “Ndi tshithu tshi kondaho kha nne u tendela

mbiti dzanga dzi tshi ṭuwa,” vhoiñwi vhanna. “Mutukana, ndi tea u tou vhudza mufumakadzi wanga. Ndo mu wana, mutukana, huno nda mu dzinginyisa nahone nda ri, ‘Ndi a zwi divha uri nne ndi Mukriste, ho ngo tea u ita izwi, fhedzi inwi no fhumula huno na dzula fhasi.’” Huh-uh, ni songo ita izwo. Ni a vhona?

<sup>193</sup> Ni do takalela u vhona tshifhinga tshire na nga vheea tshanda tshañu khatsho, huno na ri, “Dinga la mbilu, izwo a zwi khou vha zwa Mukriste.” Iyo ndi ndila ine na ṭoda u vha ngayo, a si zwone? Ni nga ñi vha nga iyo ndila. Ni a vhona? Huno musi munna a tshi ni vhanda kha luñwe lurumbu lwa tshifhañuwo, a ni tei u mu tshea nga zwikwama zwa zwikwamani. Ni a vhona? Munna u a ni vhanda kha luñwe lurumbu lwa tshifhañuwo, a ri, “Mukomana, naa izwo no zwi itelani?” Ni a vhona? Khezwo. Uvho ndi Vhukriste. Musi muñwe muthu a tshi amba tshiñwe tshithu tshivhi nga ha inwi, vhudzuloni ha u tou lingedza u ita ṭano lihulwane lazwo, ra redzemutshela huñwe fhethu huno ra ri, “Khotsi wa Ṭadulu, munna ndi a faho. Ndi rabela uri U ño bvisa uyo myua khae. Ni songo mu tendela u ita hezwo. Rabelani uri U tshidze vhutshilo hawé.”

<sup>194</sup> Ni songo zwi amba, “Murena, ndi a divha uri a thi tei u zwi amba.” Zwo luga, ni nga ñi si zwi ambe nga milomo yañu, fhedzi na zwi amba mbiluni yañu. Ni a vhona? Ndi mbilu yañu i re na ndeme, ni a vhona. Musi no bebwá hafhu nga Muya wa Mudzimu, zwa vhukuma ni funa muñwe na muñwe. Zwino a ni funi ndila dzavho na zwithu zwi no nga zwenezwo, a ni ṭodi u vha na mukovhe khazwo. Hai, mune wanga. Tutshelani kule na zwithu zwa shango, fhedzi ni tou ñdzula ni si na tshilavhi. Huno ndila i yoñhe ine na tea u zwi ita, li bva nga ngomu nnđa, vhunga liivha li tshi khou lugisa mithenga yaño, inwi ni a vhona. Ha tei u vha lugisa, a ri, “Zwino, ñamusi ndi tea u phumula hezwi zwoñhe,” huno zwenezwo sa izwo. Hai, u na mapfura nga ngomu hawé ngauri ndi liivha, li tou mu dzudza o kuna. Ni a vhona? Izwo ndi zwone.

<sup>195</sup> Naa a ni nga iti izwo? Ni nga si mu ṭanganedze ngauralo? Ndi hone u fhembeledza hanga kha aya Madekwana a Nwaha Muswa. Ndo fhembeledza iyi thaberanakele ñukhu. Nga ndila ine nda ni funa, nga ndila ine nda funa itshi tshigwada tshiñku tsha vhathe! Nga ndila ine nda do takalela u dzhena ngomu tshiñwe tshifhinga, nda tshimbila fhasi vhukati ha itshi tshifhaño, huno nda tou sedza. Ni a divha zwe nda dzulela u ṭulutshelwa u zwi vhona? Tshivhidzo tsho dadzwaho nga Muya, hetsho tshivhi tshi nga si vhuye tsha vha hone khatsho. Zwenezwo muñwe murado o ita tshiñwe tshithu tsho khakheaho, Muya u ño tshi vhidzelaa nnđa. O vha a tshi ño ofha u vha murado wa Vhakriste phanda ha musi a tshi zwi bula na u zwi lugisa, ngauri u ño vhidzelwa nnđa muñganonni musi ni tshi kuvhangana. Inwi ni a vhona heneffo, naa izwo zwi nga si vhe zwavhudí? Zwenezwo vha songo kunaho vha a dzhena

ngomu huno vha dzula fhasi vhukati haṇu, tshithu tsha u thoma ni a ḏivha, wone Muya Mukhethwa u amba nga ndila ine ya dzumbulula zwiphiri zwa mbilu dzavho, ni a vhona, u tshi vha vhudza. Zwino, arali zwi tshi do shuma kha muṇwe, zwi do ralo kha muṇwe. Ni a vhona? Ni a vhona? Huno muṇwe na muṇwe thabeloni, vhoinwi noṭhe sa ḥanda nthihi, muthu muthihi, muthu muthihi fhedzi, vhunga roṭhe ri mirado ya uyu Muvhili u tshi khou tshimbila, ro bebwā hafhu nga Muya wa Mudzimu, no dadzwa nga Muya muthihi, na lovhedzelwa kha Muvhili u fanaho. Naa izwo zwi nga si vhe zwavhudzi? Zwino, ri nga vha nazwo, Mudzimu o ri fulufhedzisa zwone. Fhedzi tsha u thoma, lufu, mbulungo, na mvuwo Nae.

<sup>196</sup> Kha ri kotamise zwifhaṭuwo zwashu zwino u itela thabelo. Hu na zwiṇwe zwisagaduku hafha na zwone.

<sup>197</sup> Mudzimu Mukhethwa, ri a limuha, Murena, uri . . . u khethea ha u ima afha fhethu. Ri a limuha uri ri Nquni ya Mudzimu. Ri kha, ri tshi andana na Muvhili wa Kristo, une wa vha Nndu ya Mudzimu. Mirado ya Muvhili yo kuvhangana fhethu huthihi. Hu na muṇwe a no khou bva fhethu huthihi, huno muṇwe, o kuvhangana fhethu huthihi. Huno ḥamus, kha iyi ngudo ya tshikolo tsha Swondaha, yo lapfisesa nahone ya oliwa. Fhedzi, Khotsi, ndi a tenda uri zwe tiwa nga Iwe, uri zwi tea u vha nga heyi ndila, uri ri kone u pfesesa zwine mbebo na mvuwo zwa amba. Zwine zwa amba u bebwā hafhu. Ri tea u ralo, tshithu tsha u thoma, ri tea u fa uri ri kone u bebwā hafhu. Na khathihi a ni shandukisi Milayo Yanu. Mulayo wa mvelo u kha ḏi nea. Mulayo wa mupo ndi wa uri mbeu iřiwe na iřiwe i tea u fa u itela uri i bebiwe hafhu. Huno ri a limuha uri riňe, na riňe-vho, ri fanelu u fa uri ri kone u bebwā hafhu. Huno vhanzhi nga maanda, Murena, ḥamus, ndi a rabela uri U ri hangwele, vhanzhi vho qitika nga dziṇwe tshenzhemo dze vha vha nadzo, uri vha vhila u ri vho bebiwa hafhu. Fhedzi mitshelo ya vhutshilo havho i sumbedza uri yo . . . vho qiswa kha muri u si wone.

<sup>198</sup> Itsho tsho vha tshi tshiitisi tshanga, Khotsi, sa matsheloni ano ndi tshi khou vhudzisa arali Mukomana Neville o amba na nne u disa Mulaedza, Ndi ḏo tou funza tshikolo tsha Swondaha. Huno ngauralo-ha, Khotsi, ndo zwi ita nga—nga lufuno na mbilu yanga yoṭhe, uri vhathu vha kone u ḏivha izwo, hu si u awela kha tshenzhemo ḫukhu ye vha vha nayo, fhedzi u awela zwavhudzi kha vhutshilo havho ha ḫuyha; nga ndila ine vha tshila zwifhingani zwa musi vhe tshihidzoni, na nga ndila ine vha tshila musi u—u hanganea huhulwane hu tshi ḏa nga nn̄da. Naa vha shavhela kha Tshifhambano u itela thuso musi khākhathi dici tshi vuwa, kana vha tshimbila tuyani wavho na mihumbulo yavho? Naa vha a lifhedza musi vho levheliwa? Iyo ndi iyi mbudziso, Khotsi. Huno musi ri tshi vhona uri a zwi konadzei tshoṭhe uri muṇwe washu a tshidze muṇwe, uri Mudzimu o ita ndila yo teaho, tshone—tshone Tshiṭhavhelo tsho

edanaho tshothe, nahone ndi Yone Ndila i yothe ine ri nga da. Hu si nga tshiñwe tshivhidzo, iñwe ndaela-vho, dinomineisheni iñwe na iñwe, lupfiwa vhuñwe na vhuñwe, fhedzi nga ndila ya Kristo. Sa munna wa u thoma, o lugaho o fa, o fela kha alitari e na ngwana yawe. Huno kha ino awara, muñwe na muñwe o lugaho u tea u fa kha aleñare ya musinasetha ya Mudzimu, nga Ngwana yawe, Kristo Yesu. Zwenezwo ro fa Nae, nahone ra vuwa nga huswa, kha Vhutshilo vhuswa. Zwi tendele, Murena, uri a zwi nga do ñahedza mbilu na nthihi ngomu hafha.

<sup>199</sup> Kha ri zwi elekanye ñamusi, Murena, musi ri tshi vhuya masiari ano, hafhu nga hafu u bva kha awara ya sumbe, u thoma hafha miñangano i tevhekanaho nga u rera madekwana a ñamusi. Ndi rabela uri U fhañutshedze muñwe na muñwe wa vhalanda Vhau madekwana a ñamusi nga Milaedza ya maanda, Murena. Zwi tendele. Ngavhe mimuya yashu i tshi ñadzwa. Havha vhathu vho reila u swika hune vha dzhena, ngavhe afho . . . ni ñadzwe nga Mafhungo madifha a Mudzimu kha madekwana aya Ñwaha Muswa uri vha ñuwe hafha vho takala na u pembela. Zwi tendele, Murena, u tshi vha nea Zwiliwa zwa muya zwa ñwaha u daho. Zwi tendele.

<sup>200</sup> Ri hangwele milandu yashu, vhunga ri tshi hangwela avho vha re na milandu kha riñe. Huno Wo ri, “Arali iwe zwi tshi bva mbiluni yau u sa hangweli muthu muñwe na muñwe phambuwo dzawe, na Khotsi anu wa Tañulu ha ni hangweli.” Ngauralo, Murena, ri hangwela muñwe na muñwe. Riñe, nga lutendo, matsheloni ano, ri vhea mimuya yashu kha alitari, ra fhisa tshipida tshiñwe na tshiñwe tsha vhutshilo ha shango nnda hashu, Murena. Ngavhe vhutsi vhu tshi ña u bva kha tshithavhelo tshashu, Murena, huno ha vha na munukhelelo wawhudì kha ning Dzau. Zwi tendele, Murena, vhunga ri sa vheíngwana yo swaho, fhedzi ri vheya riñe vhañe ñtha heneffho sa vhaftazwivhi, uri ri fhiswe sa vhaftazwivhi, huno a shanduka u vha ngwana dla mbebo ntswa. Zwi tendele, Murena.

<sup>201</sup> Zwenezwo u songo ri isa mulingoni, fhedzi ri vhofhololeni vhuvhini; vhuvhi ha vhulwadze, vhuvhi ha mutsiko. Fhodza muñwe na muñwe a re tshifhañoni matsheloni ano. Muthu muñwe na muñwe a lwalaho a nga fhodzwa ñamusi, Murena. Ndi amba aya maipfi nga Dzina la Murena Yesu, uri thavha dzi re phanqa ha vhathu ngavhe dzothe dzi tshi sudzuluswa ñamusi. Arali hu vhulwadze, arali hu nyemulo, arali hu u fhira, arali hu tshiñwe tshithu tsha shango, ngavhe li tshi bva ndilani huno la tendela Ipfi la Mudzimu u dzhena ngomu huno la vhonadzwa vhutshiloni havho. Ri vhofholole vhuvhini; ngauri Tshau ndi Muvhuso, Murena, na maanda, na vhugala, u ya nga hu sa fheri. Amen.

Ndi a Mu funa, ndi a Mu funa  
Ngauri O funa nea u thoma

Huno o renga tshidzo yanga  
Murini wa Khalivari.

Zwino khađanani.

Ndi a Mu funa, ndi . . .

Itonu rembuluwa, huno ni ri, “Dzindumeliso, mukomana wanga, dzindumeliso!”

Ngauri O funa nne u thoma  
Huno o renga tshidzo yanga  
Murini wa Khalivari.

Bvelani phanda na u tamba.

<sup>202</sup> Ndi ṭoda u livhuwa muñwe na muñwe wanu nga n̄thani ha vhulenda hanu hothe uyu ñwaha wo fhiraho. Ḧu na khonadzeo ya uri ndi do wana Mulaedza wanga madekwana a ñamusi, Murena a tshi funa, nga hafu u bva kha awara ya sumbe. Ndi ṭoda u livhuwa Charlie na Nellie, na Rodney na mufumakadzi wawe, nga n̄thani ha vhulenda havho, khalañwaha ya u zwima vhunga ndo vha ndi ngei phasi, vho mpfara sa vhunga ndo vha ndi khotsi avho kana murathu wavho. Ḧuno kha vhoiñwi vhathu nothe vhe na vha wa vhulenda nga maanda kha nne, ndi a ni livhuwa. Mukomana na Khaladzi Dauch, na Mukomana Wright, na ene Mukomana Ben, na vhanzhi, vhoiñwi vhathu nothe—vhothe, Mukomana Palmer na, ni a ñivha, vhoiñwi nothe u bva ngei Georgia, hothe u mona hothe, ndi a ni livhuwa.

<sup>203</sup> Ende, khotsi a Margie, vho founa mulovha huno vha ri o vha a tshi khou lwala. Naa—naa Margie na Rodney vha hone afha? A vhaho? Naa muthu wa kale u hani? [Mukomana tshivhidzoni u ri, “A nga ñi tou vha khwine zwiñku.”—Mudz.]

Kha ri tou, nga u ongolowa, kha ri rabele.

<sup>204</sup> Khotsi wa Tadulu, vhege dzi si gathi dzo fhiraho ndo dzula kha vurannda ñukhu ya shango murahu n̄tha ndilani ngei Kentucky. Mukalaha wa kale o dzula afho o ambara hovorolo, na hembbe yawe yo tshenuluwaho, a tshi tetemela. Nda mu fara nga tshanda huno nda vhona uri o vha a tshi khou sendela magumoni. Mme muñku wa kale o nthamba uri ndi vhe na zwiñwe zwinnkwa na gangwelele. Murena, vho vha vha tshi khou ñhonifha fhedzi Ipfi Lau. Zwino ha tsha tou vha afha tshothe, u khou ri ñutshela. U songo mu tendela a fa e muitazwivhi, Murena. Khañwe ho vha hu hashu... Mudinda wau, Murena, vhukhakhi. Mukalaha a ñungufhadzaho, a sa ñivhi tshithu a tshi pfuka mikano nahone a tshi undela vhana vhawé, fhedzi ndo wana ngomu hawé myua wavhuði wo vuðaho. U songo mu tendela u fa e muitazwivhi. Ñwananyana wawe ndi muñwe washu, Murena. Huno uyu Margie wa mualuwa, mahada awe a tshi rema, na uri o shumelwa hani kha nne nahone a tshi khou lingedza u nnyitela mmbete wa u edela heneffo phasi, huno vhu—vhuragane ñafulani, huno ene na Nellie na Charlie na

vhañwe vhothe, mme Cox. “Huno o vha a tshi khou lila,” vha ri, “kha luñingo. Khotsi awe vha khou ḥuwa.” Avho ndi baba vhawe.

<sup>205</sup> Murena, iða kha dennde la gesedungi zwa zwino, u songo khokhonya kha dennde, fhedzi iyo dennde ya vothi la mbilu yawe. Khamusi vhañwe vhashu a vho ngo khunyeledza mushumo washu u ya khae, Murena. Vhañwe vha vhalanda Vhau, khamusi maquvhani a vhuswa hawe musi ḥhalukanyo yawe yo dilugisa, khamusi ndi mulandu washu, Murena, uri a ro ngo mu fhembeledza. Zwenezwo ri hangwele, Murena, huno u mu ise ngomu ha Muvhuso Wau. Zwi tendele, Khotsi. Ri mu kumedzela kha Iwe zwino. Huno arali zwi tshi konadzea, kana u vha kha pułane Yau khulwane, arali U tshi do mu vusa, Murena, khamusi vhañwe vhashu vha ño vha na tshikhala tsha u amba nae. Naho zwo ralo, khumbelo yashu ndi ya myua wawe, Murena, ngauri i khou yo dzhia lwendo lwayo hu si kale nga maanda, zwi vhonala zwi tshi nga, a tshi khou alavha nn̄da ngomu ha hu sa dihwi hangei, oo, hu si na mureili wa bufho, hu si na munwe wa u mu endedza vhukati ha khuli na khuli ngei seli. U ño xeletwa nga ndila yawe, Murena. Ngavhe Mutshimbidzagungwa a no ñivha ndila, a tshi ña khae matsheloni ano, a tshi ḥoka gungwa lītuku lawe nga thungo ha tshikepe tsha kale tsha Tsioni. Musi a tshi dzhia lwendo lwawe, u ño vha na ngoho ya uri u tea u kavha o tsireledzea. Zwi tendele, Khotsi. Ri mu kumedzela kha Iwe zwino, nga Dzina la Yesu Kristo. Amen.

Ndi a Mu funa, ndi a Mu funa

Kha ri imise zwanda zwashu.

Ngauri O funa nñe u thoma  
Huno o renga tshidzo yanga  
Murini wa Khalivari.

<sup>206</sup> Madekwana a ñamusi ndi ño lingedza u ḥavhanya zwiñuku na Mulaedza, vhunga ndo vha ndi zwone matsheloni ano. Zwino sendelani kule. Ndi tama ndo vha ndi tshi nga ni dzhia nothe ra ya hayani, nda ni fha tshiswuñulo tshoñthe. Ndo vha ndi tshi nga ita ngauralo. Fhedzi ndi a fulufhela uri Murena u ni nea hone—hone zwiliwa zwa vhukuma, ri tshi amba lwa tshimuya, nga vhudi Hawe na khathutshelo, uri ni ño zwi vhona na u aluwa kha tshiimo tsho fhelelaho Tshawe tshire na tshi funa, Mutshidzi wañu, Yesu Kristo. Zwino musi ri tshi ḥutshela tshifhañto, huno ra imela thabelo, balanganya, ri ḥoda u imba luimbo lwashu, huno ra vha na ngoho ya uri ni a lu thetshellesa, *Dzhiani Dzina La Yesu Na Inwi*. [Mukoma Neville u ri, “Ndi na ndivhadzo ine nda ḥoda.”—Mudz.] (Mini? Inwi ni ḥuwe ni balanganye vhathetshellesi.) Zwino, ri khou yo ita ndivhadzo nga tshikhathinyana fhedzi, i na ndivhadzo zwenezwo ri tshi imba luimbo lwashu. Zwo luga.

Dzhiani Dzina la Yesu na inwi,  
 Nwana wa maṭungu na khombo;  
 Li do ni fha dakalo na khuthadzo,  
 Li dzhieni huṇwe na huṇwe hune na ya.  
 Dzina lavhudī, O li difha hani!  
 Fulufhelo la liphasi na dakalo la . . .

Murena Yesu, fhodza avha vhathu, ndi a rabela, nga Dzina la Yesu.

Fulufhelo la liphasi na dakalo la . . .  
 Dzhiani Dzina la Yesu na inwi,  
 Sa Tshiṭangu kha tshikwekwe tshiṇwe na  
 tshiṇwe; (Thetshelesani zwino, mini?)  
 Musi milingo i tshi ni kuvhanganelā, (Naa ni  
 ita mini?)  
 Itonu fema ilo Dzina likhethwa nga thabelo.  
 Dzina lavhudī, O li difha hani!  
 Fhulufhelo la liphasi na dakalo la Taḍulu;  
 Dzina lavhudī (Dzina lavhudī!), O li difha  
 hani!  
 Fulufhelo la liphasi na dakalo la Taḍulu.

<sup>207</sup> Zwino elelwani, ndi tenda uri Yesu Kristo u amba hezwi kha muthu muṇwe na muṇwe, nga ha Pfunzo Yawe ya u thoma: “Ndani ha musi muthu o bebwā nga madī,” ilo ndi Ipfi, a tshi ṭanzwa nga madī nga Ipfi, “na wa Muya,” une wa vha Muya Mukhethwa, wone Muya Mukhethwa u tshi khou khwaṭhisēdza Ipfi, “a nga si vhone Muvhuso wa Taḍulu.” Naa izwo ni a zwi tenda? Ni a vhona? “Nga madī,” u ṭanzwa ha madī nga Ipfi, Ipfi na Ngoho, ndi Ene Ngoho, “madī na Muya,” Muya u tshi khou da na Ipfi, u khwaṭhisēdza Ipfi, u ita uri Mudzimu a tshile kha nne, ni a vhona, “ri nga si pfecte Muvhuso wa Taḍulu u swika izwo zwi tshi itea,” zwenezwo musi izwo zwi tshi thoma u bvelela, uri ri vhona Ipfi kha riṇe, bebiwa nga Ipfi na la Muya, li tshi khou Divhonadza, a tshi nthanga phanda, hu si kule na Ipfi, Muya u nthanga phanda kha Ipfi, huno Ipfi li tshi khou tshila kha nne, li tshi ita uri Mudzimu a vhonadze vhutshiloni hanu, “na khathihi ni nga si pfecte Muvhuso wa Mudzimu, huno na sa kone u dzhena ngomu hawo.” Mudzimu a ni fhaṭutshedze.

Mukomana Neville.



*Ni TEA U BEBIWA HAFHU* TSV61-1231M  
(You Must Be Born Again)

Hoyu Mulaedza nga Mukomana William Marrion Branham, u rangani wo newa nga Tshiisimane nga Swondaha nga matsheloni, Nyendavhusiku 31, 1961, Thaberenakeleleni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phaçaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)